

WANTOK

NIUSPEPA BILONG OL PAPUA NIUGINI STRET

Ernst & Young audited/
circulation 15,177

52 pes

Namba 905

Wik i stat long Fonde Novemba 7, 1991.

40 toea

Palamen bai toktok long 1992 baset long neks wik

NESENEL PALAMEN i no inap long toktok long 1992 nesanel baset inap wanpela komiti bilong palamen, ol i kolim long Plens na Estimet (PE) i lukluk long en.

I bin gat bilip olsem minista bilong Fainens na Plening, Paul Pora bai tokaut long 1992 baset long Tunde. Tasol dispela i no kamap long wanem PE i no lukluk yet long baset.

Siaman bilong komiti na memba bilong Raikos, Samuel Pariwa i tok ol bai bung wantaim baset komiti bilong Fainens na Plening dipatmen long nau (Fonde 6) na toktok long baset. Bihain long ol memba i ken paitim tok long en long palamen.

Ol memba bilong PE em Samuel Pariwa (siaman), na ol memba em Aron Noaio, Jerry Kavori, Jim Yer Waim na Wagi Merimba. Na wok bilong PE em long lukluk long baset bilong kantri long wan wan yia na skelim sapos i gutpela o no gatbihain long Dipatmen bilong Fainens na Plening long redim. Sapos komiti i no amamas, orait Fainens bai senisim bihainim askim bilong komiti.

Pariwa i tok aninit long lo, komiti i mas lukluk long baset pastaim long ol memba i ken toktok long en long palamen. Olsem na toktok bilong baset long palamen bai kamap long neks wik Tunde.

Tasol Pariwa i tok em i no amamas bikos Fainens na Plening i no givim ol inap taim bilong lukluk long baset. Em i tok long dispela as, ol i no bin givim wanpela ripot liklik i go long palamen inap long tripela yia nau.

Pariwa i tok ol i no inap long mekim wanpela toktok inap long ol i lukim gut baset. Na tu ol i mas gat inap taim bilong lukluk long baset, bikos planti bilong ol i no saveman long wok bilong mani.

"Mipela i no inap yesa o tok no gat nating sapos mipela i no save long wanem samting i stap insait long baset," Pariwa i tok.

Kumul i gat liklik sans tasol long winim Laions

LEO WAFIWA
i raitim

LONG Sande moning long wan klok moning (PNG taim) bai Kumul i bungim Lions long Tes Gem bilong Wol Kap poin.

Tasol em i lusim pinis namba 4 gem long aste egensim Cumbria 24-12.

Namba wan winga, Jack Uradok i brukim han, na i no inap pilai moa. Strong bilong Kumul i stap long kepten Stanley Haru husat bai lukautim pilai long hap bek posisen.

Tasol em tu i gat bagarap long skru bilong lek. Olsem na Kumul bai i no gat gutpela sans tru long winim Lions, husat i gat planti intanesenel pilai.

Lukluk long ol skoa i kam inap nau, Kumul i gat liklik sans tasol long winim Lions.

Tim dokta Gideon Kendino i tok Haru tasol i ken go pas long tim long Sande moning. Na Jack i no inap long pilaim wanpela gem long Inglan na Frans.



Lukim ripot long 4 pes Ragbi Lig Nius insait

Ona laik pait gen

INSAIT

• Ol plisman painim yet Rambo...pes 2

• Haus sik long Lae, Hagen na Wewak kisim helpim...pes 3



• Mosbi na Rabaul redi long ileksen...pes 12

• Kot bilong MV Simbang bai kamap...pes 5

NEKS WIK

• Nius bilong ol Yut long PNG

KONIO SENEKA i raitim

BOGENVIL Revolusineri Ami (BRA) i redi gen long pait wantaim ol soldia bilong Papua Niugini husat i stap long Bogenvil Ailan.

Lida bilong BRA, Franis Ona i tokaut long dispela long wanpela ripot long Honiara, biktaun bilong Solomon Ailan.

Em i tok birua long wiken we 18 pipel i bin dai na 6-pela i kisim bagarap i olsem tok save i go long Papua Niugini gavman. Olsem ol pipel bilong Bogenvil i no laikim ol soldia long ailan.

Dispela ripot bilong Ona i bin kamap long Trinde 6 Novemba, 1991.

Ripot long Mosbi i tok dispela birua i kamap long ol yangpela man husat i egensim ol bos bilong BRA. Tasol Ona i tok dispela i no tru.

"Dispela birua em ol bos bilong BRA i oraitim. Dispela i soim laik bilong ol Bogenvil pipel long rausim PNG sekyuriti fos na tekova gen long ailan," em i tok.

Ona i tok tu olsem 15 paitman bilong BRA i bin dai long wanpela pait em i kamap long Sande moning long not sait bilong ailan.

Tasol em i tok ol dispela indai i no inap stapim plen bilong bilong BRA long rausim ol PNG sekyuriti fos.

Bikpela komplem i bin kamap long 300 PNG sol-i go moa long pes 2

TOYOTA HILUX



NAMBAWAN TRU LONG PAPUA NIUGINI

ELA MOTORS

WIL BILONG OLGETA HAP

PORT MORESBY 229400 • LAE 433655 • RABAU 921988 • MADANG 822188 • GOROKA 721844 • MT HAGEN 521888 • WEWAK 862255
POPONDETTA 297266 • KAVIENG 942132 • KIETA 956083 • KIMBE 935155 • TABUBILI 589060 • VANIMO 871254 • PORGERA 508203

EM3578

Nupela lo bilong welfea stap yet long palamen

PLANTI meri i wok long yusim mentenens mani bilong ol pikinini long sapotim sindaun bilong ol yet.

Ripot i kam long welfea opis long Mosbi i tok sampela meri husat i gat bel long narapela man o man i lusim ol, bikos ol i paul gen wantaim narapela man i wok long mekim dispela.

Ol i ripot long welfea opis long kism mentenens mani long pikinini ol i gat bel long en. Dispela pasin i kamap long ol yangpela meri na maritmeri tu wantaim.

Wanpela opisa long welfea opis i tok sapos gavman i strongim lo bilong welfea long ol pikinini, bai kain hevi olsem i no inap kamap bikpela. Dispela em bikos ol man i wok long givim mentenens mani bilong pikinini tasol ol meri i no yusim long helpim pikinini. Na tu ol man bai i baim mentenens mani inap 16 krismas olgeta.

Opisa ya i tok em i lukim dispela pasin olsem pamuk pasin bikos ol meri i yusim nem bilong pikinini long kism mani bilong ol yet. Em i tok ol meri we man bilong ol tru i



Nupela komyuniti senta...Dispela bikpela masin i brukim graun bilong wokim nupela Katolik komyuniti senta long Tonyuh Hil long Vanimo. Vanimo Forests Products i baim dispela masin bilong wok long hap.

lusim ol wantaim ol pikinini i orait na i gat gutpela as long kism mentenens mani.

Em i tok planti meri i save long lo na i klia gut tru long dispela pasin. Olsem na ol i ken sutim tok long husat man i givim bel long ol na tu ol man ol i poroman wantaim.

Em i sutim tok long ol skul

long lainim ol yangpela man na meri tu long dispela pasin taim ol i stap yet long skul. I no gat gutpela trening program bilong skulim ol yangpela i save kamap. I no gat gutpela rot long skulim ol manmeri long dispela pasin i save kamap.

Planti yangpela manmeri

husat i pinisim skul bilong ol na kam aut, i no klia tumas long wanem samting ol i mekim. Olsem na planti i save ripot long welfea opis olsem na tok, ol man i giamanim ol.

Tasol welfea opisa ya i tok ol i sot tu long ol opisa bilong mekim ol dispela wok.

Ona laik pait gen Jastis Los tokim Ebu long go kibung na kot long 21 Novemba

i kam long pes 1

dia husat i bin kamap long bikpela ailan bilong Bogenvil long mun Epril, 1991. Tasol PNG kabinet i oraitim dispela long sampela taim bihain.

I gat bilip olsem ol soldia bilong Papua Niugini Difens Fos i gat moa pawa nau long ailan. Bikos long tripela wik i go pinis, Nesenel Sekyuriti Kaunsil i bin askim kabinet long oraitim dispela.

Difens minista Benais Sabumei i tek long dispela wik olsem birua em BRA i mekim bai i no inap stapim gavman long bringim sevis i go bek long ailan.

Em i tok PNGDF enjiniering yunit redi long wokim wanpela rot bilong bungim noten na sauten sait bilong Bogenvil Ailan. Dispela i bihainim tok orait bilong Nesenel Sekyuriti Kaunsil nau tasol.

Sabumei i tok long las mun, Nesenel Sekyuriti Kaunsil i oraitim ol sekuriti fos long muv long Buka i go insait long bikpela ailan. Dispela em long bringim ol gavman sevis i go bek long ailan. Bikpela as bilong dispela em long soim olsem gavman i lukautim yet dispela ailan.

Em i tok nesenel gavman na sekuriti fos i gat bilip long winim tingting na sapot bilong ol pipel long Bogenvil Ailan.

KOT bilong memba bilong Kikori, Allan Ebu bai kamap long Nesenel Kot long 21 Novemba long moning.

Ombudsman Komisn (OB) i kotim Ebu bihain long em i sakim tok bilong Komisn long mekim wok painimaut i go insait long wok bilong em olsem memba.

Kot bilong Ebu i bin kamap long Nesenel Kot long Waigani long Mosbi long Mande 4 Ogas, tasol kot i no go het bikos Jas i harim kot, Jastis Kublan Los i

tok Ebu i mas kamap long kibung bilong Palamen we i stat pinis long Tunde 5 Novemba.

Jastis Los i gat bilip olsem Ebu i mas stap long dispela kibung bilong Palamen bikos bikpela toktok bilong 1992 baset bai kamap.

Ebu i mas stap bai em i ken go bek long ilektoret bilong em na tokim ol pipel long wanem kain helpim bai ol i kism long baset.

Tasol loya bilong Ombudsman Komisn i strong olsem kot i mas

kamap long mun Julai. Na em longpela taim tru nau. Em i tok i no gat wanpela lo i tok ol memba i mas stap long taim bilong kibung. Na tu em no nupela samting olsem planti memba i save lusim ol kibung. Olsem na kot bilong Ebu i mas go het.

Tasol Jastis Los i strong bai Ebu i mas stap long kibung. Olsem na em i makim narapela de bilong kot long 21 Novemba, tasol kot tu bai i no inap go het sapos loya bilong Ebu i no redi.

Ol pipel bilong Seiking kotim plisman long kukim 14 haus

OL pipel bilong Seiking wanpinis long Westen Hailans provins i kotim pinis Plis dipatmen.

Dispela i kamap bikos ol pipel i tok ol plisman i bin kukim 14 haus na bagarapim planti arapela samting. Kos bilong dispela olgeta samting inap long K42,000.

Long dispela bagarap, ol i laikim nau Plis dipatmen long baim K60,000 olsem kompensesen.

Wanpela sinia mejistret bilong Kudjib, Caspar Koi i lukluk raun pinis long dispela ples. Na em i raitim wanpela ripot i go long Jastis Wood bilong lukluk long en. Long bekim ripot, Jastis Wood i tok longpela taim bai i lus gen bilong makim wanpela komiti bilong sekap long ol ripot na hevi. Na bihain bai ol i mas painim sampela loya long opis bilong Pablik Prosekyuta long helpim ol.

Tasol ol pipel i no laikim dispela. Olsem na ol yet i painim wanpela loya, Joseph Mek Teine, long helpim ol.

Ol i tok long 14 Septemba, 1991 long 3 klok apinun, ol plisman i bin go long tupela ples bilong Seiking. Na long wanpela ples, ol i kukim sampela haus na bagarapim ol samting. Sampela bilong ol samting i lus long paia em ol redio, televisen wantaim vidio masin na ol pik na dok.

Long narapela ples klostu long Mendi haus sik, ol plisman i na bagarapim nabaut ol samting we kos bilong ol inap long K2,000. Na ripot i tok ol i paitim tu tupela mama na semim narapela long ai bilong ol pipel.



MOSBI: Ol raskal i bin brukim YWCA Pri skul na bagarapim planti samting long Mande nait. Pri skul ya i kism mani long ol narapela oge-naisesen na YWCA i go pas long lukautim. Het meri bilong skul, Misis Elizabeth Tavol i tok menesmen i pasim skul pinis.

Nau yet ol mama bilong 40 studen husat i stap long dispela skul bai i no inap kamap long wok na i stap long haus long lukautim ol pikinini inap skul i op gen. Ripot i tok taim ol dispela raskal i brukim skul ol i bagarapim planti samting na ripot buk bilong ol manki. Kos bilong olgeta samting i lus inap olsem K4,000.

Siaman bilong skul, Mista Jim Napkai i tok ol man husat i kamapim dispela pasin i mas sem long wanem samting ol i mekim long ol manki. Em i tok dispela pasin em pasin bilong ol enimal (pig na dog).

Nau yet ol plisman i mekim sampela wok painim aut yet long holim pasim ol dispela enimal.

LAE: Ol plisman bilong Mosbi i holim pinis wanpela raskel husat i bin stilim mani bilong Papua Niugini Bengking Kopresen brens long Finsafen, Morobe provins long Fonde 30 Oktoba.

Ripot i tok man ya nem bilong em, Jasper Aurabo husat i gat 25 krismas bilong Aro viles long Garaina, Morobe provins. Em i kamap long Boroko Distrik kot tasol bihain, kot haus long Mosbi bai salim kot bilong em i go long Lae long bihain taim.

WEWAK: Wanpela man i dai na nau tupela man i stap long Wewak haus sik em ol raskal i sutim ol long Wewak/Passam haiwe long las wik Fonde. Ripot i tok 5-pela raskal man i bin lukim ka bilong Passam distrik menesa i raun i stap long Wewak taun na ol i ting olsem menesa i mas i stap long taun long kism mani bilong ol wokman.

Tasol wanpela wantok i bin draivim dispela ka. Ripot i tok taim ol i lukim olsem i go bek na pasim rot long diwai na na ston. Taim draiva i laik tainim ol i wokabaut i kam aut na sut long gan. Katres i kism wanpela man stret long het na kilim em. Nem bilong dispela man em, Andrew Ninggikau husat i gat 22 krismas bilong viles namba tri bilong Passam.

Nau ol plisman i holim pasim pinis tripela bilong ol dispela raskal man. Na mekim sampela wok painim aut yet long holim pasim narapela tupela.

MADANG: Wanpela manki i dai insait long wanpela bikpela pait. Ripot i tok pait ya i kamap namel long 10-pela man bilong Saidor eria bilong Madang provins.

Ripot i tok pait ya i kamap bikos ol arapela man long ples i bin sutim tok olsem dispela yangpela man i bin kamapim sampela stil pasin insait long ples. Taim pait i go bikpela wanpela man i kism naip na katim dispela yangpela man long han na em i dai bikos planti blut i ranawe nating. Nau yet ol plis i mekim sampela wok painim aut long husat i kamapim dispela stil pasin na tu husat i kilim dispela yangpela manki.

RABAU: Ol plisman long Rabaul i holim pasim pinis wanpela man husat i go pas long stilim

K19,550.60 long opis bilong Woks na Saplai opis long Fraide 22 Februari, 1991 long Mosbi.

Plis ripot i tok Peter Koae husat i gat 25 krismas. Koae bilong Delena viles long Bereina distrik bilong Sentrel provins. Ripot i tok Koae i bin kamapim dispela pasin na ranawe i go long Rabaul long wankain taim.

Nau yet ol plisman i kism em i go bek long Mosbi long kamap long Boroko distrik kot long bihain taim.

Ol plisman i mekim wok painim aut yet long holim pasim sampela poro bilong em husat i hait yet long Mosbi na ol arapela hap insait long kantri.



Ol mama i bung: ol mama i bung long Nesenel YWCA kibung long Rabaul long dispela wik. Kibung ya i stap long wanpela wik olgeta.

Marasin i go nau long ol haus sik long Lae, Hagen na Wewak

FRANCIS ULIAU i raitim

BIKPELA wok bai stat nau long nupela haus sik long Kundiawa. Na kos bilong dispela i stap long mak bilong K11.03 milien.

Gavman bilong Japan i tok orait pinis long givim mani na sapotim wok bilong Kundiawa haus sik. Na dispela i kam aninit long namba tu hap bilong Provinsal Ridivelopmen Projek em gavman bilong Japan i save givim.

Na dispela i karamapim tu wok bilong narapela tupela haus sik long Rabaul na Madang.

Long wankain taim yet, gavman bilong Japan bai go het long givim ol samting bilong yusim

long haus sik i go long ol tripela haus sik long Hagen, Lae na Wewak. Na dispela tu i kam aninit long namba wan hap bilong wankain projek.

Kos bilong givim ol marasin na samting bilong haus sik long ol tripela senta ya bai kamap olsem K1.95 milien. Dispela ol tripela haus sik i bin kisim sampela helpim bilong mani long mun Julai, 1990. Na nau ol wok na senis i kamap long ol.

Gavman bilong Japan i save givim ol dispela kain helpim long olgeta yia. Na em i save mekim olsem bihainim ol wok painimaut bilong Japan Intanesenel Kopresen Ejensi (JICA), wanpela grup

bilong ol husat i stap long Mosbi.

Eking minista bilong Foren Afeas na minista bilong Tred na Industri, John Giheno na Vais minista bilong Foren Afeas long Japan, Munee Suzuki i bin sainim ol pepa bilong dispela long las mun.

Na dispela nau i bringim mak bilong mani em gavman bilong Japan i givim long wok bilong helt long kantri i go antap long K52.44 milien. Dispela mak i karamapim ol haus sik saplai i go long ol helt senta long kantri long 1987, wok bilong nupela haus sik long Mosbi, wok bilong stretim ol haus sik long Lae, Hagen na Wewak wanpela nupela haus sik long Kundiawa.

Long mun Julai, 1990, gavman bilong Japan i bin givim mani bilong stretim na wokim gut tripela haus sik long Hagen, Lae na Wewak. Na long taim tupela bikman bilong gavman i bung na sainim ol pepa, dispela nau i givim tok orait bilong salim ol marasin na masin samting bilong haus sik i go long ol dispela tripela senta. Na tu i bilong wokim nupela haus sik long Kundiawa.

Long ol toktok bilong em, Vais minista bilong Foren Afeas long Japan, Munee Suzuki i tok Japan i luksave long askim bilong PNG gavman long go het na helpim ol haus sik long provins.

"Long makim gavman bilong

Japan, JICA i bin holim ol wok painimaut long stretim tripela haus sik long Kundiawa, Rabaul na Madang. Na dispela bai kamap. Tasol long dispela yia, olgeta wok bai sut long wok bilong Kundiawa haus sik," Suzuki i tok.

"Mi amamas tru long lukim olsem gavman bilong Papua Niugini i wok strong nau long ol praimer na sekendri helt kea program bilong en."

Em i tok tu olsem gavman bilong Japan i givim bikpela hap sapot na helpim bilong en i go long helt long Papua Niugini. Na dispela i karamapim 1991-1995 Nesenel Helt Plen bilong gavman bilong Papua Niugini.

Olpela het bisop i no win long rausim ol wokman

OLPELA het bisop bilong Gutnius Luteran misin i bin traim rausim 5-pela Amerika misin woka, na famili bilong ol long Papua Niugini.

Olpela het bisop ya, David Piso i raitim wanpela pas i go long Foren Afeas dipatmen na komplem olsem ol dispela misin woka i bin go insait long sampela sios politik, we i no gutpela tumas long wok bilong sios.

Foren Afeas dipatmen i bihainim dispela komplem na askim ol dipsela misineri long lusim kantri. Ol 5-pela ya i memba bilong 7-pela misin woka bilong Konkodia Luteran Profesional Misin Sevis, husat i mekim sampela wok nau long PNG.

Larry Matro, wanpela misineri kaunsil wantaim Konkodia, i tokaut long dispela wik olsem 5-pela memba bilong ol i bin kisim pas we i askim ol long lusim PNG.

Matro i tok "olgeta samting i orait nau na ol bai kisim wanpela pas long dispela." Em i bung wantaim ol opisa bilong Foren Afeas dipatmen long dispela wik, na ripot long wanem samting i kamap long sait bilong ol. Foren Afeas dipatmen i no laik mekim sampela toktok long dispela.

Ol Enga plisman painim yet Rambo

OL plisman bilong Enga i painim yet wanpela man noget bilong provins. Dispela man i stap hait na ol pipel i pret long em.


Dispela man i save kolim em yet olsem Rambo 1.

Plis komanda, George Waglu i tok ol plisman i holim na sasim pinis narapela 5-pela man. Tasol Rambo 1 i stap hait yet.

Long las wik, seketeri bilong Enga, Luke Kembol i tok long pasim olgeta wok bilong gavman long Laiagam. Long wanem hevi bilong lo na oda i bikpela yet long hap.

Ol raiot skwat plisman i stap nau long hap bilong traim stapim ol hevi.

Waglu i tok ol plisman i bin holim na sasim pinis bos bilong wanpela supamakot, Daniel Komaip. Long wanem em i bin gat ol sotgan na ol arapela samting bilong pait.



• Haus i paia: ol palaman i traim long kilim Indai paia long haus bilong wanpela nes, Pauline Lesley long Godens long dispela wik Mande. Pauline na man bilong em i bin stap long wok. Tupela pikinini wantaim kandre tasol i stap na birua ya i kamap.

K35 milien lus long ol bagarap long kantri

LONG dispela yia, moa long K3.5 milien i bin go long baim saplai bilong ol eria insait long kantri husat i bungim birua long bikpela san, haiwara, na ais i pundaun long Not Solomons provins.

Niuspepa ripot i tok ol marasin i no bin kamap long Not Solomons provins long tripela wik i go pinis. Long dispela, Not Solomons i kisim bikpela mani long sait bilong kaikai na marasin.

"Olgeta wik Nesenel Disasta na Imejensi Opis i tromoi moa long K20,000 long kaikai na marasin i go long ailan," Dairekta bilong Imejensi Rilif Sevis-es, Leith Anderson i tok.

Tasol Anderson i tok dispela saplai i no inap yet long lukautim olgeta eria bilong Not Solomons, na ol arapela provins husat i bungim wankain birua.

Nau yet opis bilong Mista Anderson i givim wanpela askim i go pinis long dipatmen bilong Fainens na Plening long kisim narapela K800,000 long lukautim ol dispela bagarap eria.

Tasol wantaim liklik mani, Nesenel Disasta na Imejensi Opis i salim yet saplai long ol eria we i bungim birua, wantaim gutpela helpim bilong ol helpim ogenaissen olsem PNG Red Kros Sosaiti.

Ripot i tok sampela eria long Morobe provins i orait nau bikos ol i kisim ol saplai pinis. Na tu wantaim liklik ren long las wik, ol pipel bai wokim gaden long tu o tripela mun bihain.

Calculators

20% OFF Some Models

ALU SIGNS PTY LTD

PO BOX 7081, BOROKO PH: 25 4800
STORE: NEAR BOROKO POLICE STATION

TOR TOO

WOK PINIS NA TORO WOKABAOT I GO LONG HAUS.

EM KAMAP LONG TAKASOP BILONG OL TARI NA LUKIM OL LAMFLAPS NA HANGERE KILIM EM STRET...

AIYO! LAMFLAPS MAI FEIVA!... MAN. OL GRIS IPULAP TRU!

EM RAUSIM 50¢ NA TOKIM STUKIPA LONG PULAMAPIM OL GRIS TASOL...

BRAS! PULAMAPIM OL GRIS TASOL!... OL MIT TRU, MASKI!

ORAIT! PAI MI GIVIM SAMPELA FRI WAN..

EM SINDAUN NA MEKIM SAVE LONG OL GRIS GUT TRU...

SLURP! LAMFLAPS NAMBA WAN STRET!

BIHAIN LIKLIK BEL BILONG EM I PAIA STRET... PEK PEK WARA KISIM EM NA BAGAROS GIVIM SIKSTI I GO LONG BUS...

AIYOO! MI GIVAP LONG KAI-KAI LAM-FLAPS YA!

BRUUP!!

TASOL YU SAVE, SAMPELA KAPSAT PINIS HAPWE LONG ROT...

WANTOK

NIUSPEPA BILONG OL PAPUA NIUGINI STRET

Skelim gut 1992 baset

Mani...mani...mani...! stap long maus na het bilong olgeta pipel long Papua Niugini nau. Bikos nesanel palamen i bung long dispela wik, stat long Tunde.

Na bikpela toktok tru bilong dispela bung i stap long 1992 baset. Fainens minista i tokaut long baset bikos ol samting i no stret. Olsem na ol ripot i tok em bai mekim olsem long neks wik Tunde. Orait yumi pulim rop i go moa yet.

Tasol long wanpela hap mak, dispela i mas stop. Ol pipel i no ken wet longpela taim tumas. Ol i wet inap pinis. Planti i laik save nau long wanem rot gavman i laik bihainim long planti bikpela samting. Dispela em ol kain samting olsem toktok bilong hevi long Bogenvil, ol wok blsnis wantaim kakao, kopra na kopi i pundaun, hevi i kamap long wok bilong wel na gol long Hailans, hevi bilong lo na oda i go bikpela na planti arapela samting olsem.

Na long neks yia baset, bikpela askim bilong ol pipel em: Nesanel gavman bai bai bihainim wanem rot na skelim wanem samting olsem namba wan long baset. Em i no inap bikos pipel i mas kam pastaim. Na dispela i min ol blsnis na kopi, kakao na kopra, na hevi bilong lo na oda wantaim Bogenvil.

Dispela olgeta samting i lusim ol memba tu long namel. Em i wok bilong yupela nau long soim pipel bilong Papua Niugini olsem yupela i laik helpim ol na i no yupela yet.

Nesanel palamen kibung long dispela wik

Namba bilong ol plisman bai go antap long 10,000

YAKAM KELO I raitim

NAMBA bilong ol plisman na meri long Fos bai go antap olgeta long 10,000 bihain long 5-pela yia.

Plis minista, Mathias Ijape i tokim palamen long Trinde olsem taim gavman bilong Namaliu i kisim pawa, ol i makim wok bilong sekyuriti olsem namba wan.

Long dispela taim, baset bilong Plis Fos i abrusim K35 milien i go antap long K45 milien. Long dispela yia,

baset bilong Plis Fos i go antap olgeta long K54.5 milien.

Na dispela i bin helpim tru wok bilong Fos.

Long 1993, namba bilong ol plisman na meri bai go antap long 6,000 inap long 5-pela yia plen bilong plis fos i karim kaikai. Na long 1996, dispela namba bai go antap olgeta long 10,000.

Tasol Ijape i tok dispela namba i no inap yet long helpim olgeta wok bilong lo na oda long kantri. Long wanem namba bilong ol

manmeri long Papua Niugini tu bai i go antap olgeta.

Em i tok :aim gavman bilong Namaliu i bin kisim opis, i no bin gat inap plisman na meri. Ol plis opisa i no kisim gupela trening. Na dispela i mekim isi long hevi bilong lo na oda long go bikpela.

Wantaim ol nupela tingting na tenis nau i kamap, minista i lukim olsem bai i no gat trabel o hevi i kamap long taim bilong 1992 nesanel ileksen. Bikos ol plisman na meri bai was gut tru long dis-

pela taim.

Ijape i bin mekim ol dispela toktok long bekim ol askim em memba bilong Oro provins, Benson Garui i autim long palamen.

Garui i askim Plis minista long wanem samting em dipatmen i mekim nau long daunim hevi bilong lo na oda.

Em i askim tu long wanem rot bai Plis Fos i bihainim long painin na kalabusim ol man husat i wokim ol sotgan bilong ol yet.

Ol liklik haus pawa i stap long ol provinsal gavman

ILEKTRISITI Komisn (Elkom) i no inap lukautim ol liklik haus pawa long ol provins. Long wanem ol i no inap pulim gupela winmani.

Minista bilong Minerels na Eneji, Patterson Lowa i tok Elkom i bin kisim tasol 13 haus pawa. Na 87 haus pawa long ol

provins i stap long han bilong ol provinsal gavman yet.

Minista i bin toktok wantaim Elkom na ol i painim olsem komisn bai lusim planti mani sapos dispela i kamap. Olsem na ol provinsal gavman yet bai lukautim ol liklik haus pawa long ol distrik na provins.

Lowa i tokaut long dispela long bekim ol askim bilong memba bilong Angoram, Philip Laki.

Memba i bin tokim palamen long hevi em ilektoret bilong em i bungim wantaim lektrik pawa saplai.

Laki i tok em i save kisim tasol K40,000 long baset bilong lukluk

ol kain hevi olsem. Na dispela i no inap.

Olsem na sapos gavman i ken apim mani bilong em i go antap

liklik, em bai inap long stretim lektrik pawa saplai long Angoram.

Elkom i mas tekova long ol wok.

Deputi Spika tokaut long vot bilong nupela GG

OL memba bilong nesanel palamen i redi nau long votim nupela Gavana Jenerel bilong Papua Niugini. Deputi Spika bilong palamen i tokaut long dispela long taim palamen kibung i stat long Tunde, 5 Novemba long dispela wik.

Deputi Spika, Christopher Sambre i tok palamen i kisim pas bilong olpela Gavana Jenerel, Sir Serei Eri long em i pinis long wok. Palamen i luksave pinis na oraitlong dispela pas.

Olsem na long Tunde, Deputi Spika i askim ol memba bilong palamen long stat makim nem bilong ol man ol i laikim long kamap nupela bilong Jenerel.

Ol memba i gat inap taim stat long nau na 11 Novemba bilong makim ol nem.

Sambre i tok planti memba i mas sapatim nem bilong ol kendidet ol i laik votim. Dispela i min olsem moa long 15 memba bilong palamen i mas sapatim wanpela nem.

Bihain long 11 Novemba, bai ol i autim ol nem long balot bokis na kaunim. Na bihain palamen i ken tokaut long husat em nupela Gavana Jenerel bilong Papua Niugini.

Sambre i tokaut tu olsem sia bilong Sentrel Open i redi long nupela man i kisim. Dispela em bikos palamen i kisim pinis pas bilong olpela memba bilong Sentrel na deputi praim minista, Ted Diro olsem em i risain.



Greduesen taim nau: ol papa na mama wantaim pikinini i bung long Mendi haikul graun long lukim greduesen bilong ol gret 10 studen.

WANTOK

NIUSPEPA BILONG OL PAPUA NIUGINI STRET

P.O. Box 1982 BOROKO
Telepon Namba: 25 2500
Feks Namba: 25 2579

PE BILONG WANPELA YIA 52 NIUSPEPA

PLES	AIR
Mosbi	K80.00
Arapela PNG eria	K60.00
Australia na Nu Silan	K92.00
Esia pasifik na Japan	K123.00
Amerika na Yurop	K180.00

BIABIA HARIAP LONG GO WOK... EM KISIM SPREI BILONG MERI BILONG EM NA SPREIM EM YET NA TEK-OFF...



OLGETA MERI SMELIM PEFIUM BILONG BIABIA NA OL I LAP INDAI STRET...



EM GO KAMAP LONG OPIS NA ABRUSIM OL WOKMAN NA MERI NA GO LONG TEBOL BILONG EM...



WANTU EM LUSIM OPIS NA GO BEK LONG HAUS...



Pora bekim ol askim long ka bisnis bilong em wantaim CDC

WANPELA bisnis grup bilong Ingran, Komonwel Developmen Kopresen (CDC) i gat 15 pesen sea wantaim ka bisnis bilong Fainens minista.

Minista Paul Pora i tokim palamen olsem CDC i save wok tasol wantaim ol bisnis grup husat i kisim winmani.

Ol i bung pinis wantaim PNG Join Vensa na putim mani long ol bisnis na kampani long kantri.

Minista i tok PNG Join Vensa na CDC i baim pinis 15 pesen sea long ka bisnis bilong em. Na dispela em liklik sea tasol. Tasol ol i mas gat bikpela sea pinis wantaim ol arapela bisnis grup na kampani long kantri. Pora i mekim ol dis-

pela toktok long bekim ol askim bilong deputi lida bilong Oposisen, Sir Julius Chan. Sir Julius i askim sapos Paul Pora na ol famili bilong em i save kisim helpim long dispela Komonwel Developmen Kopresen fan.

Em i tok wok bilong CDC i bilong helpim ol wok bisnis bilong ol. Olsem na em i laik lukim sapos dispela wok bilong CDC i ron stret o nogat.

Tasol Pora i bekim strong olsem dispela kain toktok i no gupela long kamap long palamen. Bikos dispela i laik semim na bagarapim tasol nem bilong em. Em i tok sapos Oposisen i laikim, ol i ken tokim Ombudsman

Komisn long sekap long ol wok bilong em.

Pora i tok em i bin kamap minista long gavman bihain long em i kamap bisnisan. Na PNG Join Venja kampani na CDC i bin baim sea long ka bisnis bilong em pastaim long em i kamap memba long palamen.

Wok bilong dispela bisnis grup ya i bilong helpim ol bisnis insait long ol liklik kantri olsem PNG. Tasol em i mas putim mani i go insait long ol wok we i gat winmani long en, Pora i tok.

Dispela em i namba tri taim bilong memba bilong Namatanai, Sir Julius long askim Pora long dispela askim.



Wanpela lapun man wantaim meri bilong em i gat tupela pikinini. Ol i stap i go na lapun man i dai.

Lapun meri i sindaunim tupela pikinini antap long lek na mekimsave long kral i stap. Man em i no isi long bimmaus na kral wantaim. "Alyo-o- man bilong mi o-o-o-o." Sem taim em kapupuk wantaim na tupela pikinini i harim.

"Mama em wanem ya! Wanpela pikinini i askim na mama i bekim," No gat em papa kisim traipela ka i kam long yumi i go long matmat." Na tupela pikinini i tok, "Mama yu glaman ya, em pusi bilong as i krai ya."

Banex BRP LAE

Kanage i lusim Papua Niugini na i go long Yunaitet Stet long Amerika. Long Yunaitet Stet i gat tambu long pispis na pekpek long pablik ples.

Kanage i go spak long wanpela hotel. Em spak nogut tru na painim ples bilong pispis. Tasol ples bilong pispis i pulap.

Olsem na em givim sisti i go ausait long pablik ples na lukautim wanpela pawa pos. Em ran i go poromanim dispela pawa pos na mekim save long pispis i stap.

Wanpela plis ka i lukim na i kam stap. Na wanpela plisman supim het i go ausait na askim, "Hey mate! Do you know that this is against the law?" Na Kanage i bekim, "Mate, I am not against the law. I am against the post".

Ol plisman i lap nogut tru na kisim Kanage i go lokim long plis stesin.

Greg Kosek BIALLA

Wanpela taim Kanage i spak nogut tru na wokabaut i go kamap long haus. Long rot yet pekpek i kilim em nogut tru. Olsem na em sisti tasol i go na ran i go insait stret long toilet.

Em pekpek pinis na putim trausis pas. Na bihain em putim pens o liklik trausis bilong aninit antap long trausis.

Em kam ausait long toilet na meri bilong em i lukim na i askim, "Kanage em wanem kain stail ya!"

Kanage i lap tasol na bekim, "That's my habit. Don't saying me one things".

Walihumbu Komo WEWAK

Kanage i wokim smok pinis na painim paia bilong laitim smok.

Em painim paia i go na i no painim wanpela. Man bel bilong em i kaskas olgeta. Bikos em i gat bikpela laik stret long smok. No gat wanpela man i stap klostu tu bai em i askim long masis o paia bilong ol.

Mekim no gat na wanpela tingting i kisim em. Em sisti i go insait long haus na kisim wanpela tos.

Em karim tos i go ausait na stat long bengim antap long smok. Em ting hot bilong lait bilong tos bai mekim smok i lait. Tasol dispela aidia i no karim kaikai.

Dispela taim em bel bilong em i paia na paia olgeta.

Isi tasol em holim dispela tos na tromoi i go insait long bus.

Sabina Gorethy WEWAK

Wanpela taim Kanage i go luk stil long ol yangpela meri i senis long singsing. Em sanap namep long lain kunai na luk stil i stap. Tasol kunai i pasim ai bilong em.

Olsem na em wokabaut i go klostu long ol meri na goapim wanpela diwai. Em sindaun gut long antap long mekimsave long luk stil i stap.

Kot bilong MV Simbang redi long kamap

KOT bilong ol lain husat i kisim bagarap long sip, MV Simbang bai kamap long Lae long 25 Novemba. Dispela kot bai i stap inap wanpela wik na bihain i go long Madang.

Kodineta bilong Morobe provinsal disasta na imejensi sevis, Peter Aristako i bin pinisim wok painimaut bilong em long las wik. Em i tok 98 pasindia i bin stap antap long

MV Simbang taim em i kap-sait long maus bilong Sialum bris long 3 Septemba 1991.

Namel long ol em 7-pela wokman bilong sip na 91 pasindia. I gat 69 lain i bin stap laip, 20 pasindia i lus yet na ol i painim 9-pela bodi tasol. Namel long 9-pela bodi ya, ol i no inap long luksave long bodi bilong tupela. Wanpela bodi i stap long Madang na narapela i stap long Lae.

Aristako i pinisim ol ripot bilong em na givim long John Numapo, husat bai i go pas long dispela kot long 25 Novemba. Aristako i mekim tripela ripot tu long dispela; olgeta wokman bilong ol pasindia sip i mas kisim gutpela trening long sevim laip bilong ol pasindia long taim bilong hevi long solwara, na olgeta sip kampani i mas i gat ful lista wantaim nem bilong ol pasindia,

Nesanel Disasta, Sevelens, na Imejensi Sevis i mas go insait long kain hevi olsem.

Em i tok Luteran Siping kampani i bin sapotim dispela wok painimaut wantaim mani. NDSSES i bin go pas long mekim wok painimaut long dispela operesen. Tasol

Aristako i tok NDSSES i mas tromoi sampela mani i go insait long kain operesen long taim bihain tu.



Ol Katolik yut bilong Yomba long Madang i helpim taun atoriti long planim ol flaua na diwai long ol rot.

Ol pipel komplem long ol ka bilong Is Sepik provinsal gavman

OL pipel bilong Is Sepik i komplem nau long ol ka bilong provinsal gavman em provinsal dipatmen i no yusim long gutpela we.

Ol ka ya em ol ka bilong oipela provinsal gavman, em primia Bruce Samban i bin go pas long en.

Nesanel gavman i stapim wok bilong provinsal gavman, na ol dispela ka em Dipatmen bilong Is Sepik i yusim long sampela wok.

Ol pipel i komplem olsem ol nupela edministreta i no ken yusim ol dispela opisal ka bilong provinsal gavman. Ol dispela ka i mas stap gut long pul. Bikos em ka bilong ol bikman bilong provins.

Tasol nau yet provinsal dipatmen i yusim long mekim sampela edministretiv wok, na tu long karimaut sampela projek.

Ol pipel i komplem tu olsem ol bikman husat i yusim ol dispela ka nau i no save yusim gut. Ol i save yusim bihain long taim bilong wok.

Opisal ka bilong primia, rejistresen namba ZES 000 em nau ol i yusim olsem edministresen ka. Na ka bilong deputi primia, rejistresen namba ZES 004 em nau sampela CID plisman i yusim olsem wanpela plis ka. Na ka bilong provinsal eksekutiv kaunsil, rejistresen namba ZES 005 em yut sevis i yusim nau olsem wanpela ka

bilong karimaut ol yut projek. Ol pipel i tok olsem Dipatmen bilong Is Sepik i mas redi long baim mantenens bilong ol dispela ka sapos em i laik yusim, o no gat em i mas baim ol nupela ka.

Sapos ol ka ya i stap gut, mipela bai i no inap wari long rausim sampela moa mani long provinsal baset long baim ol nupela ka.

Ol pipel i askim nau provinsal edministreta, Florian Mambu long dispela.

Long dispela taim, 102 skul manki i pinisim gret 10 bilong ol long Utu haikul. Utu haikul i gat nem long win long skul long bipo.

Provinsal gavman i tok amamas tu long tingting bilong nesanel gavman long putim nesanel haikul long provins. Primia i tok dispela bai helpim long kamapim moa spes long ol studen husat ol i pinis long gret 10.

San bagarapim olgeta kaikai gaden bilong ol lain Kabwum

BIKPELA san long Morobe provins i bagarapim pinis moa long 21,000 manmeri bilong Kabwum ilektoret.

Na askim nau i go long gavman, ol sios grup, bisnis na ol praivet oganaisesen long givim helpim. Mema bilong Kabwum, Tom Horik i laikim ol narapela manmeri i mas helpim ol long kaikai nau i sot tru.

Horik i tok em i traim olgeta samting em inap mekim long helpim ol pipel bilong em tasol em i no inap. Olsem na em i askim nau long helpim bilong ol narapela manmeri.

Em i tok ol pipel nau i sot long kaikai na wara. Ol mama na pikinini i kisim taim tru long dispela bikpela san.

Long wanpela pas i go long Praim Minista, Rabbie Namaliu long 5 Novemba, Horik i tok, "Mi askim yu olsem bos bilong gavman long helpim ol Kabwum pipel. Mi bin yusim olgeta ilektoret Dvelopment Fan (EDF) mani bilong mi long givim kaikai long ol pipel. Tasol mani nau i sot na mi no inap long givim kaikai long olgeta. Sampela manmeri i dai pinis."

Horik i tok long pas olsem long dispela

tupela wik em i stap long ilektoret, em i bin raun long ol ples, gaden na tu stap wantaim ol lain husat i kisim bagarap long stori wantaim ol long hevi ol i stap long en.

Em i tok maski nau i stat long ren liklik, ol pipel bai i no gat inap kaikai inap long narapela 5 o 6-pela mun. Horik i tokim Namaliu olsem ripot bilong ol manmeri i kisim bagarap i stap pinis wantaim dipatmen bilong em.

Horik i tok dispela em bikpela hevi na gavman i mas lukluk hariap long en. Em i laikim samting olsem K50,000.

CALLING ALL BANDS

Mipela salim samting bilong Musik...

Emplifaia
Spika
Miksa
Dram
Dibot
Maut ogen

Let bilong Gita
Skin bilong Dram
Ol Songbuk na Kodbuk
Mekim Piarap bilong gita nating olsem pawa gita wantaim

Pick-up bilong gita K33.50 tasol

Rook's Radio, P.O. Box 191, Lae, PNG. Telipon: 42 4616

TU MINIT TINGTING YU GAT NAMBA TRU

"Yumi haus holi bilong God i gat laip." (2 Kor 6:16)

Mi laik stat wantaim wanpela stori nating. Bipo bipo tru long taim olgeta samting i kamap nupela long graun, na man tu em i nupela yet, i gat planti ol tambaran god i stap. Man yet i tok olsem, em tu em i wanpela kain god. Ol tambaran god i jeles long dispela na ol i laik stilim dispela pawa bilong god i stap insait long nupela man. Orait, long wanpela nait ol i hait i kam na i stilim dispela pawa bilong god, pastaim em i stap insait long man. Ol i laik haitim em gut tru bai man i no inap painim gen.

Tasol dispela i no isi. Sapos ol i haitim long wanpela ples long graun, bai man i painim. Sapos ol yet i holim long ples bilong ol long skai, bai wanpela de man i kalap i go inap long skai na painim bek. Ol tambaran god i paitim tok na wanpela saveman bilong ol i tok olsem, "Yupela i givim dispela samting long mi.

Mi save bai mi mekim wanem samting na man i no inap painim gen". Orait, em i pasim tupela han bilong em na i holim wanpela liklik lait. Dispela lait em i dispela pawa bilong god, pastaim man i holim. Orait, nau dispela saveman i opim bek tupela han bilong en, na dispela lait i no moa stap. Em i go pinis. Em i lap na tokim ol arapela god, "No waris! Man bai no inap long painim dispela pawa bilong en gen. Mi bin haitim long wanpela ples, we man i no save lukluk olgeta. Mi bin haitim em insait long man yet."

Dispela samting i stap insait long yumi yet. Yumi Kristen i save kolim em God; yumi save kolim em laip bilong God o grasia.

Narapela stori i pas gut wantaim dispela aidia long God i stap insait long yumi yet. Em i go olsem: wanpela pasto i gat wanpela pikinini, nem bilong em Josep. Josep wantaim poroman bilong em i bihainim dispela pilai we wanpela manki i hait na arapela i mas go painim em. Orait, nau Josep i hait. Tasol arapela manki i trikim em na i no wok long painim em. Nogat. Em i ranawe i go olgeta.

Josep i lukim dispela, nau em i krai na i ran i go long haus na i tokim papa. Papa i harim wari bilong Josep na nau em tu i stat long krai na em i tok, "God i gat wankain wari long yu. Em i bin haitim em yet, tasol tude ol man i les long go painim em."

Krais em i dispela God planti manmeri tumas i no wok long

painim. Krais em i na: akain man tru. Long taim em i stap long graun, em i bilong wanpela liklik ples nating. Em i mekim wok kamap inap em i gat 30 yia. Em i mekim wok tisa inap 3-pela yia. Em i no raitim wanpela buk. Em i no mekim wok politik. Em i no gat haus bilong em yet. Em i no gat famili bilong em. Em i no go long haikul. Em i no bin go moa long 250 kilomita longwe long aspela bilong em. Taim em i yangpela yet, olgeta poroman bilong em i ranawe pinis long em. Gavman i kilim em i dai olsem wanpela man nogut tru. Em i lusim olgeta samting.

Tasol tude, bihain long 2000 yia samting, namba bilong lain pipel i bihainim dispela man i winim olgeta palamen, olgeta king - olgeta dispela lain pipel



FRANK MIHALIC I RAITIM

wantaim - ol i no bin helpim laip bilong moa pipel olsem tok na tingting na eksampel bilong dispela wanpela man Jisas.

Yumi laki yumi stap insait long lain i bihainim em. Tasol nogut em i hait tumas insait long yumi yet na laip bilong yumi. Long toktok na pasin bilong yumi, yumi Kristen i mas soim olsem, Krais i stap insait long yumi yet, long wanem, yumi haus holi bilong God, na Krais em i God.

Ol sios tokaut long ol hevi bilong kantri long Praim Minista, Rabbie Namaliu

OL mausman bilong Papua Niugini Kaunsil ov Sios (PNGCC) i soim olsem ol i gat bikpela wari long ol hevi long kantri long wanpela kibung ol i holim wantaim Praim Minista, Rabbie Namaliu long 10 Oktoba long Mosbi.

Long wanpela pas ol bos na mausman bilong PNGCC i givim Namaliu long taim bilong kibung, ol i tok amamas long Namaliu long givim taim bilong em long bungim ol. "Mipela tok halo long yu na ol memba bilong gavman bilong yu long nem bilong Papa, Son na Holi Spirit."

Ol i tok long pas olsem ol i laik toktok wantaim Namaliu long

tupela bikpela hevi long kantri em long hevi long Bogenvil na wok bilong Ok Tedi Maining Limited.

Ol i tok klia long Praim Minista olsem ol i mekim dispela long soim bikpela wari bilong ol sios long ol dispela hevi. Ol i tok ol i harim ol ripot long ol samting i kamap long Bogenvil na ol i laik kamapim gutpela wok bung wantaim ol pipel bilong Bogenvil. Tasol ol i tok klia olsem i no gat wok politik bai kamap long dispela wok bung wantaim. Wanem samting ol i mekim i bihainim pasin kristen.

Ol sios i tok aut olsem ol bai helpim long ol dispela samting:

- medikel saplai;

- ol narapela samting olsem bensin long helpim ol haus sik long ranim ol jenereta long givim pawa na tu ol sevis bilong Red Kros;

- kamapim kristen stori wantaim ol manmeri long sori sori bilong mipela.

Ol i askim Namaliu long givim ol tok orait bai ol i ken go het long givim ol dispela sevis i go long Bogenvil.

Namba tu hap bilong pas em ol i toktok long wanpela ripot bilong wok developmen long PNG. Ol i yusim Ok Tedi long soim wanem samting ol i lukim i wok long kamap long kantri long ol kain develop-

men olsem.

Dispela ripot em wanpela grup long Jeneni em nem bilong em "Starnberg Institute for the Study of Global Structures, Developments and Crisis." Dispela grup i mekim dispela ripot bilong PNGCC.

Bihain long ol i lukluk long dispela stadi, ol bringim kamap sampela ol wari bilong ol long ol kain developmen long Papua Niugini. PNGCC i lukim olsem long tupela taim olgeta, kampani i no bihainim mama lo. Em long:

- ol kain developmen i wok long kamap long ol wok maining bilong yumi long kantri i no helpim tumas ol pipel

long sait bilong iekonomik developmen; na

- na bikpela bagarap i kamap long ol bus, graun na wara long wok bilong main i brukim mama lo we i tok yumi mas lukautim ol dispela samting long PNG.

Ol samting i kamap long wok maining olsem ol profit, takis, na royalti i bin stap olsem astingting bilong wok developmen long kantri i no bin kamap.

PNGCC i tok mani em gamvan i kisim long maining i no inap, liklik mani em i kisim em i yusim long bekim ol dinau nau i go antap tru na planti ol wok i kamap long ol main em

ol kampani i mekim i bihainim laik bilong ol asples manmeri.

PNGCC i tok ripot long Ok Tedi Main i soim bikpela bagarap i kamap long bus, graun na ol wara. Ripot i luk-save long ol dispela samting:

- 150,000 tan pipia bilong stong olnarapela samting i go daun long wara Ok Tedi na Flai, ol liklik han wara na solwara long Galf ov Papua long olgeta de;

- ol marasin bilong kopa i go daun tu long wara. Dispela i bagarapim ol pis na ol narapela abus bilong wara na tu ol manmeri tu. Dispela i kamap maski i Ok Tedi i save

kamapim ripot long EM TV long olgeta de; na

- dispela ol pipia bai pasim rot bilong wara long ran na bai haiwara i kam antap olsem 2 inap long 3 mita. Taim haiwara, ol diwai i dai na ol pis tu bai dai planti moa bikos ol i no inap painim moa kaikai.

Long pinis bilong pas, PNGCC i askim Praim Minista long bekim pas bilong ol. Ol sevenpela bos man mausman bilong Evangelikel Luteran Sios, Yunaited Sios, Engliken Sios, Selvesen Ami, Gut Nius Leteran Sios, Baptis Yunien Sios long PNG na Katolik Sios i sainim nem long pas.


Ileksen De bilong Papua Niugini, Me - Jun 1992

Gavana Jenerel bilong Papua Niugini i tok orait long dispela taimtebol:

Givim ol Pepa bilong	Vot 4 klok apinun	26 Mas, 1992
Ol Nominesen i pas	12 klok (belo)	24 Epril, 1992
Stat long Kaunim ol	Vot	13 Jun, 1992
Pinis long Kaunim ol	Vot	27 Jun, 1992

POTO BILONG OL KENDIDET

Olgeta lain husat i laik resis long Namba 5 Nesenei Palamen Jenerel ileksen long 1992 i mas salim tupela poto i kam hariap. Dispela poto i ken kala o blak na wait tasol. Na bikpela bilong ol poto i mas wankain olsem dispela i save stap long paspot (tok orait buk bilong go long ovasis). Olgeta nominesen bai pas long 24 Epril, 1992. Olsem na salim ol poto i kam pastaim long dispela de.



Authorised by
Reuben Kaiulo
Electoral
Commissioner Papua
New Guinea

Raitim nem long baksait bilong ol poto. Na salim i kam long dispela adres:

Electoral Commissioner,
Electoral Commission
P.O. Box 5348,
Boroko,
National Capital District.

Salim tu ol negetiv bilong poto i kam.

Putim long nem bilong: Mista Michael Malabag

Buk bilong ol Kendidet long 1992 Nesenei Palamen Jenerel Ileksen i redi pinis. Yupela i ken kisim long ol Provinsal Ilektoel Opisa o long Ilektoel Komisin Hetkwata long Turumu Strit, Boroko.

KOOL

Filter Kings

KOOL

Government Warning. Smoking
is Dangerous to Health.



• Wanpela man i karim bodi bilong piklini bilong em husat i bin dai long taim graun i bruk long Himalaya maunten, India long dispela wik. I gat bilip olsem moa long 1,100 pipel i bin dai.



• Ol pamuk meri long Banglades i karim wanpela piklini, husat i no gat papa na protes long rot i go. Ol i protes egensim tingting bilong Muslim long rausim hap ol i save stap long en, na mekim pamuk pasin long kisim mani.

Tripela olupela praim minista kisim tok long givim sik AIDS long 200 manmeri

OL dokta long Frans i sutim tok long tripela olupela praim minista na ol opisa bilong ol long dai bilong 200 manmeri long sik AIDS.

Wanpela sinia dokta bilong givim blut, Bruno Payet i tok tripela olupela praim minista

bilong Frans pastaim long yia 1985 bai kisim sas long dispela.

Em i tok gavman i sutim tok long Nesanel Blut Trensfasen Senta i no hariap long nupela rot bilong hatim ol blut long kilim ol sik long en. Em i tok ol i mekim olsem long yusim ol olupela blut i stap yet.

Em i laik kotim pablik helt dairekta, Jacques Roux sapos ol i karim aut dispela tes long blut bilong ol man ya.

Payet i tok gavman long dispela taim i stapim wok bilong ol dokta long skelim ol blut bilong ol manmeri i gat sik AIDS. Na daunim tu mani long baset i go long wok bilong helt.

Olsem na no gat wanpela samting i kamap inap nau, 200 manmeri i kisim taim long sik AIDS na i dai pinis. I gat samting olsem 400,000 manmeri i kisim taim long sik AIDS na i wetim

dai bilong ol i stap.

Payet i tok man i ken kalabus long laip long dispela bikos sas ya i kam aninit long posinim laip bilong ol manmeri.

Tupela olupela praim minista husat tu i kisim dispela sas em Mista Laurent Fabius na Pierre Mauroy. Tasol Fabius i tok em i no bin daunim wanpela baset bilong em long go long wok bilong helt long sait bilong givim blut.

Ol Japan i wetim nupela "papet" praim minista



• Olgeta 4-pela man husat i resis long sia long kamap olsem praim minista bilong Japan i sanap i stap. Long lephan em Miyazawa, Watanabe bihain long em, Mitsuzuka long hapsait. Ol i sanap long Tokyo.

PASTAIM long Demokratik pati i makim man bilong kamap nupela praim minista long las wik, olgeta pipel i save pinis long wina. Dispela man em Kiishi Miyazawa, husat i gat 72 krismas. I luk olsem em bai winim sia bilong presiden na kamap praim minista.

Olgeta toktok i bin stret long 1 Oktoba taim Shin Kanemaru, lapun bilong Liberel Demokratik pati i bin makim Miyazawa long kamap olsem nupela pati lida. Kanemaru i gat bikpela sapot long pati

wantaim Noboru Takeshita, olupela praim minista.

Dispela tupela man i bin helpim Toshiki Kaifu long kamap olsem praim minista. Na taim i bin gat komplek long wok politik, dispela tupela man i rausim sapot bilong ol na Kaifu i risain.

Na sapos Miyazawa i no harim na bihainim tu toktok bilong dispela tupela man, em tu bai aut long sia bilong praim minista. Wanpela piksa long las wik, ol atis i droim, i soim Miyazawa olsem liklik man nating husat i kisim toktok na skol.

Siria laikim Isrel lusim graun bilong Arab

SIRIA i askim Isrel long rausim olgeta ami bilong em nau i stap long ol graun bilong Arab.

Siria minista bilong Foren Afes Farouka al Shara i tok Damaskas i no inap long kamap long kibung bilong stretim toktok long kamapim gutpela sindaun long Midel Is. Damaskas bai i stap

aut inap long ol toktok i stret long Isrel.

Em i tok ol ripot nogut long nius olsem ol lain Juda long Arab i save kisim taim i no tru. Ol Juda olsem ol ol Arab kantri i save stap gut tasol.

Em i sutim tok long Isrel olsem ol i no bihainim tok orait i bin kamap long 1982 long

kamapim gutpela sindaun long Midel Is. Isrel i bin kamapim dispela samting wantaim Ijip long kem David.

Long dispela kibung bilong Midel Is kantri, Foren minista bilong Lebanon tu i sapotim toktok bilong Siria long Isrel i mas lusim ol hap bilong Sauten Lebanon.

Fares Buez i tok ami

bilong Isrel i mas lusim dispela hap na mekim rijon ya i stap op long ol kantri i ken raun long en. Ol intanesenel wok i ken kamap wantaim nogat pret na hevi.

Em i tok bai i gat gutpela sindaun na amas sapos Isrel i harim tok na bihainim na pinisim dispela hevi long Midel Is.



• Wesminista kaunsil long Australia i kamapim wanpela glaman sno long traime dispela masin long klinim rot, long taim bilong sno. Dispela masin i save bungim o miksime wantaim pisipis bilong kau.

Sir Michael bungim ol pipel na skul pikinini long Sandaun

FELIX RAMRAM i raitim

SIEF bilong Papua Niugini, Sir Michael Somare i bin go long Vanimo na bungim moa long 900 manmeri bilong ples, gavman dipatmen na ol pikinini bilong skul long Mande 28 Oktoba, 1991.

Long dispela bung, em i bin toktok long pasin ol memba bilong Wes Sepik husat i bin yusim nem bilong Pangu Pati long go insait long palamen. Na bihain ranawe na joinim narapela politikel pati.

Sir Michael i tokaut long dispela hevi bikos planti taim ol pipel bilong Wes Sepik i no save lukim wanpela wok i kamap long provins. Na tu long wan wan konstituensi ol memba i kam long en.

Sir Michael i tok olsem bikpela as i stap long ol memba husat i kisim nem bilong provins. Na wanem samting ol memba i tingting long mekim bai i no inap kamap. Na tu planti hevi we ol memba yet i tingting long stretim bai i stap yet

bikos ol i kalap tumas long ol politikel pati insait long palamen.

Planti memba i save tingting long gutpela sandaun bilong ol yet. Na i no save sanap strong long wanem as na ol pipel i makim ol long en. Sir Michael i tok dispela pasin tasol i kamapim planti hevi long ol pipel. Nau em i tokim ol pipel bilong Wes Sepik olsem Pangu Pati bai traim long senisim sampela lo bihain long 1992 nesenel ileksen.

Sir Michael i tok olsem senis i mas kamap long lo bilong maining, forestri na fiseris. Em i tok lo bilong ol dispela wok i mas senis long stapim hevi olsem long Bogenvil i kamap long taim bihain.

Primia Egbert Yalu na ol arapela bikman bilong gavman bin stap tu long harim toktok bilong Sir Michael.

Bihain long dispela kibung, Sir Michael i bin go long opis bilong Vanimo Samba Ov Komes na bungim ol eksekutyutiv.

Na bihain em i bungim ol Pangu memba yet.



• Jordan Aha bilong Kainantu i ai pas tasol em i ken kamapim gutpela pairap long gita bilong em. Nau em i kamap long Madang na pulim planti manmeri long harim pairap em i mekim long gita bilong em. Wanpela singsing bilong em i kos olsem 20 toya.

Hagen haus sik bai redi long 1992

HELT Dipatmen i redi long opim nupela haus sik bilong Hagen long mun Mas bilong neks yia.

Helt minista Galeva Kwarara i tokaut long las Fraide olsem wok bilong dispela haus sik i wok long go orait tasol.

Dispela haus sik bai i gat tupela bikpela rum long em. Wanpela i bilong sik taifoid na ol arapela sik. Narapela i bilong autpesen we ol sik manmeri i kam kisim marasin, rum bilong kisim piksa na patoloji rum we ol i ken sekim blut na arapela wara bilong skin.

Taim haus sik i redi, em bai daunim hevi we ol rum long haus sik i save pulap tru. Haus sik bai i gat 100 bet bilong slip na dispela bai kamapim moa spes long ol manmeri long slip.

Gavman bilong Japan i bin givim K5 milien long wokim dispela haus sik na Fujita kampani i wokim. Long dispela taim yet, planti manmeri husat i

kam long ol longwe hap i save painim hat long go bek long ples hariap. Olsem na ol i save slip. Dispela i save mekim haus sik i pulap tru na i no gat inap spes.

Taim nupela haus sik i redi, bai ol i kamapim sampela rot long dispela pasin. Ol lain husat i kam longwe tru na i no gat rot bilong go bek i ken slip inap tulait. Haus sik bai i no inap long oraitim ol arapela long slip nating long ol wot.

Long dispela taim yet, ol lain i gat sik taifoid i wok long yusim olpela klasrum klostu long haus bilong ol sista na nes.

Hap mani insait long dispela K5 milien i bin go long baim ol marasin na samting bilong yusim long nupela haus sik.

Kwarara i tok amamas tru long Japan gavman long givim dispela bikpela helpim long dispela haus sik long Hagen na tu long Mosbi.

Yalu laikim wanpela dipatmen bilong lukautim ol nesenel na provinsal minista

NESENEL gavman i mas tok orait long sanapim wanpela opis bilong provinsal na nesenel memba bilong gavman. Wok bilong dispela dipatmen em long stretim pe bilong ol memba na tu long lukluk long wok bilong ol wan wan memba.

Primia bilong Wes Sepik, Egbert Yalu i bin

tokaut long dispela hevi taim em i openim namba 6 nesenel spika konprens long Vanimo long Fonde 24 Oktoba, 1991.

Yalu i tok dispela nupela dipatmen bai i lukluk tu long givim gutpela trening long wan wan wokman insait long opis bilong nesenel na provinsal

spika. Mani bilong dispela dipatmen i mas go stret long provinsal fainens dipatmen. Na ol kuskus bilong provinsal gavman i mas mekim wok bilong dispela dipatmen long lukautim na yusim gut mani long baim ol minista inap long wok ol i mekim.

Nau yet planti minista i yusim "hanaut mani"

long mekim wok bilong ol yet. Na i no save tingting long lukluk long hevi bilong ol pipel na provinsal gavman. Planti mani i pinis nating tu long lukautim wok bilong provinsal gavman.

Wok na trening bilong olgeta asembli kuskus i mas kam pastaim long dispela dipatmen.

NOKEN PEIM MOA LONG OLSTOA!



10t



10t



10t



10t



5t

Sapos ol askim moa...go long narapela stoa!

Zaire inap bagarapim na bel isi long Afrika

ZAIRE oposisen grup i statim wanpela yunien grup long toktok egenim Presiden Mobutu.

Long dispela as, ol i bin askim aim bilong bel isi long Frans, Beljium na Amerika long lukautim toktok bilong ol. Na tu dispela yunien grup i bin tokaut olsem gavman bilong Mobutu i mas rausim olgeta ami bilong arapela kantri long Beljium.

Moa long 150 politisen, ol bikman bilong gsis na ol arapela oganaisesen i bin holim wanpela kibung. Long dispela kibung, ol i bin makim Etienne Tshisekedi olsem Ipraim minsta bilong Zaire.


Nau yet ol i askim Presiden Mobutu long rausim Benardin Mungul Diaka olsem kandidate bilong en. Na ol ami bilong gol arapela kantri i wok longlusim tu Zaire. Las ami bilong Frans i lusim Zaire na Beljium tupela wik i go pinis. Tasol bikpela tingting bilong ami em long rausim yet ol pipel bilong ol arapela hap husat istap long Zaire na Beljium.

Foren Afeas minista bilong Beljium, Mark Eyskens i bin askim oganaisesen bilong Afrika Yuniti long salim "Buffer Fos" tasol ol i no laik long suvim het long ol hevi bilong ol arapela kantri.

Eyskens i no bin tokim wanpela bikman bilong Beljium, o ol arapela Afrika kantri pastaim long em i askim long "Buffer Fos." Tasol nau em i kisim sampela sapot bilong Amerika. Na sapos Zaire i pundaun, planti hevi bai kamap olsem long Labiaria. Nau yet i no gat wanpela sain i soim olsem dispela hevi bai kamap.

Ami bilong Zaire i laik bikhet na bihainim long kamapim raskol pasin. Bikos ol i tok em i isi. Ol bai yusim ka na ol arapela strongpela masin long brukim ol stoa na kisim ol kaikai ol samting. Taim Zaire i kisim indipendens long Beljium ol i bungim planti hevi. Tasol hevi i no kamap bikpela bikos ol i kisim sampela helpim tu long Yunaited Nesens, wantaim ol arapela kantri olsem Frans, na ol arapela ami.

Ami bilong Frans, Isrel, Ijip, Saina na Saut Afrika i bin lainim ol ami Zaire long kain kain stail bilong pait. Nau ol ami bilong Zaire i hambak moa long ol arapela kantri. Planti taim ol i save stap aninit long lo. Tasol sampela liklik hevi i save kamap long kirapim bel long kamapim moa hevi long kantri.



• Ol pipel bilong Dubrovnik i lukluk long hap bom i bagarapim olpela taun. Dispela birua i bin kamap long dispela wik na planti manmeri i kisim bagarap.



• Planti Palestinian pipel i bin pulapim ol rot na kalap long ol ami ka bilong Isrel bihain long gutpela toktok i kam long Ilda bilong ol oisem wol i luksave nau long hevi bilong ol.



• Ol plisman i rausim ol yunien memba husat i stralk long Fraide long Camperdown. Dispela em long 125 mail longwe long Melben, Australia. Stralk ya i bin kamap long dispela wik.

ANC tokim ol Afrika pipel long bekim ol pait na kros

WANPELA komyuniti grup bilong stretim ol hevi long Saut Afrika i sutim tok long Afrika Nesenel Kongres (ANC) long ol hevi nau i wok long kamap. Dispela komyuniti grup em Komyuniti Ejensi husat i save painim aut as bilong ol hevi i kamap long en.

ANC i kisim dispela tok bihain long bikpela pait i bin kamap long biktaun Joanesbeg. Ol manmeri husat i go long kisim tren a teksu i go long wok i bin bungim bikpela pait we 200 manmeri i kisim bagarap.

Ol Afrika manmeri long Joanesbeg i bung long soka graun na pasim tok long pait wantaim husat birua i kam long kompaun na haus bilong ol. Ol i givim aut wanwan sotgan long wanwan strit long sutim husat birua. Ol i tok dispela em long was long ol yet.

Ripot i tok ol i mekim olsem na stapim plis long kam insait long ol strit na kompaun bilong ol blak man-

meri long Joanesbeg.

Ripot i tok dispela birua i kamap long wok politikis yet bihain long Ankatha na ANC gavman i sainim pepa bilong gutpela sindaun 6-pela wik i go pinis.

Wanpela memba lida bilong rijonel ANC, Kgabisi Masungkuto i tokim ol blak manmeri long wokim wanem samting ol i ken long abrusim ol yet long birua. Em i tok i luk olsem bai dispela birua bai i go insait long komyuniti bilong ol wait manmeri long liklik taim bihain.

Ripot i tok ol lida bilong ol blak manmeri, ANC i lusim pawa bilong ol nau long lukautim na bosim ol manmeri bilong em.

Wanpela mausman bilong plis i tokaut olsem ol plisman i no bin stap long dispela hevi. Tasol ol i laik bai gavman i mas stretim gen dispela toktok bilong kamapim gutpela sindaun.

OL LIKLIK NIUS

De Klerk i bung nau na tok-bilong Haiti tok

□ **JOHANESBEG:** Seketeri-jenerel bilong Komonwel, Sief Emeke Anyaoku i bin bung namba wan taim tru wantaim Presiden bilong Saut Afrika, De Klerk long las wik. Tupela i bin bung na toktok long rot bilong pinisim hariap ol hevi, trabel na pait i kamap long Saut Afrika.

De Klerk i no bin amamas long ol ausait lain i kamap olsem ol namelman long stretim gavman bilong Saut Afrika. Na em i tok dispela bung nau em i nambawan rot bilong Komonwel long helpim hevi bilong Saut Afrika.

Muvi man i dai long kensa

□ **NU YOK:** Man bilong wokim muvi A Chorus Line na ol arapela muvi bilong Shakespeare i bin dai long Nu Yok. Em i winim 70 krismas bihain long em i dai long sik kensa.

Lo tambuim top niuspepa

□ **KISUMU:** Wanpela top niuspepa bilong Kenya, The Nation i bin kisim tok save bilong lo long las wik olsem em i no inap long raitim wanem stori i kamap long dai bilong Foren minista, Robert Ouko long mun Februeri, 1990. Ol ripot long bipo i tok minista i dai bikos em i save na laik autim wanem gridi na stil pasin em ol lain long gavman i save mekim.

Woa ka ron namel long Isrel na Jemani

□ **BONN:** Ol opisa bilong Bonn i tok olsem wok bilong salim ol ka bilong pait namel long Isrel na Jemani i bin stap bipo yet. Dispela em i olsem wanpela helpim progrem bilong ol we i bin stap inap long 20 yia nau. Tasol wanpela samting we i mekim planti toktok na komplek i kamap em rot bilong salim ol dispela ka bilong pait i bin stap hait gut tru.

Amerika tambuim ol risman

□ **WASHINGTON:** Ol ripot i tok olsem Amerika i tingting nau long tambuim bisnis bilong ol risman bilong Haiti husat i go pas long ami long rausim gavman bilong presiden Jean-Bertrand Aristide. Na ol bai tambuim tu ol dispela man long go long Amerika.

Ol fama kilim 100 pikinini na meri

□ **NIAMI:** Ol fama i bin kilim moa long 100 meri na pikinini husat i save was long ol sipsip long wanpela ples long sauten Naija. Dispela birua i bin kamap bihain long wanpela wasman bilong sipsip i kros wantaim wanpela fama.

Pretim nuklia bom bilong Iran

□ **AMERIKA:** Dipatmen i lukautim olgeta wok bilong Amerika i no amamas tumas long ol ripot olsem Saina i wok long helpim Iran long wokim ol nuklia bom.



• "Mule" em wanpela liklik paia enjin bilong Gret Briten. Hia em i ran i go long wanpela liklik rot long Looe, Cornwall we ol i makim long en. Dispeal liklik masin ya em ol i wokim long prais bilong 5,000 paun, na i gat lata, pam.

Ol Gadsup i no laikim kompensesen

Dia Edita,
Mi wanpela manki Gadsup long Kainantu eria long lsten Hailans provins tasol nau mi stap long Lae, Morobe provins.

Mi laik autim wari bilong long tingting bilong gavman long em i laik baim mipela ol asples long grup em Yonki Dem i stap long en.

Mi ting mipela ol pipel bilong Gadsup i no laikim tumas dispela mani. Bikos dispela sevis bilong pawa saplai i gat bikpela helpim long mipela.

Mi ting gavman i no ken baim mipela. Tasol em i mas givim mipela fri pawa saplai. Mi save olsem mipela i gat bikpela wok long bihain long yusim dispela pawa saplai.

**Paul Ternara
LAE**

Ol ami no ken so op long Rabaul

Dia Edita,
Mi wanpela manki Sauten Hailans. Mi laik komplem long pasin em mi lukim ol ami bilong yumi i save mekim.

Taim ol i go operesen long Buka ailan na kam bek long Rabaul, ol i save spak no gut tru. Ol i dring spak na raun long Mande inap Sande.

Ol i save yusim ka bilong gavman na raun painim bia na pulapim ol meri Tolai long en.

I no gat trabel long ol i mekim kain pasin olsem. Bikos mani bilong ol i tok. Tasol inap long ol i soim sampela rispek tu long ol manmeri tu o no gat?

Ol Simbu long Lae mas go bek

Dia Edita,
Mi wanpela manki Sepik na mi skul long St Marys Komuniti skul long Lae. Mi laik autim bel hevi bilong mi i go long pasin mi lukim long ol bas stap long Lae siti.

Olgeta taim bai yu lukim ol manmeri bilong Simbu i save salim ol buai, smok na ol liklik samting nabaut long arere bilong ol bas stap. Mi lukim dispela pasin i no stret long mi.

Sapos yupela i no gat wok mani, orait go bek long ples na mekim wok gaden na bai yupela painim mani. I no gupela long ol manmeri i tok

Ol i ting ol i moa yet long paulim olgeta meri Tolai long Mande inap Sande. Tasol dispela i no helpim sait bilong disiplin na lo. Trabel i ken kamap long dispela kain pasin namel long ol gupela manmeri, na bai bagarapim laip bilong ol.

Mi ting gavman o ol bikman bilong ami i mas sekim dispela pasin bilong ol soldia long Rabaul taun. Sapos yu husat manmeri i lukim tu long ai bilong yu, mi save bai yu sapatim dispela pas bilong mi.

**Robert Ipesnais
RABAU**

baksait long yupela long ol pasin yupela i wok long mekim long arapela provins.

Mi yet tu i no wan bel long dispela pasin. Olsem na traim yusim het na go bek long ples.

Ating bai yupela yet i ken mekim sampela gupela samting i kamap long ples we sindaun bilong yupela bai i orait.

Em tasol na husat i laik bekim em laik tasol.

**Robin Wage
LAE**

K100 pepa mani bai gupela

Dia Edita,
Mi laik autim wari bilong mi long nupela K100 kopa mani em gavman bilong mipela i wokim. Mi ting dispela kopa mani ya i no gupela tumas.

Bai i gat planti hevi long dispela mani. Bikos em bai wankain olsem ol 10 toea, 20 toea, 50 toea na K1. Sapos wanpela man o meri i gat dispela K100 kopa mani.

Na wanpela man i askim ol long 10 toea o 20 toea samting, bai narapela i abrus na givim em K100 nating. Em bai ting olsem em i givim mani stret we poroman bilong em i askim long en.

Sapos em i pundaun tu long bus bai i hat long painim. Dispela bai givim bikpela bel hevi tru long husat man o meri i gat dispela K100 kopa mani.

Olsem na mi ting sapos ol i ken wokim K100 lip mani tasol bai i orait. Bikos em bai isi long pulapim long paus na karim raun.

**Ansato Kasindu
KIMBE**

Tingting gut na vot long ilekesen

Dia Edita,
Mi wanpela manki Gumine long Simbu provins, tasol nau mi stap long Westen provins.

Mi laik sapatim pas bilong brata ya Curox Souls olsem planti taim yumi save votim o lida bilong yumi i go long Nesenel Palamen, ol i no save tingim yumi ol grasrut manmeri.

Ol i save tingim tasol ol yet na pikinini bilong ol. Olsem na long 1992 ileksen, yupela i mas tingting gut na votim ol manmeri we i ken tingim yumi ol grasrut.

**Peter Wai Dima
KIUNGA**

Mani save paul long pos opis

Dia Edita,
Mi laik autim komplem bilong mi i go long ol wokman na meri bilong PTC long pos opis.

Planti taim ol wantok bilong mi long ples i save salim pas i kam long mi, tasol sampela samting long pas i save paul. Ol i save salim tu ol mani bilong mi. Tasol mani i save paul na pas nating tasol i save kamap long mi.

Dispela i bin kamap moa long wanpela taim pinis. Na mi ting ol lain

bilong mi i save giaman na i no salim mani. Tasol mi ting asua i stap long ol pos opis wokman.

Em i no gupela pasin long ol wokman bilong pos opis i paulim samting bilong ol pipel long pos opis. Bikos dispela em wanpela rot tasol we olgeta manmeri bilong Papua Niugin i save kisim helpim long en.

Yupela i save tok PTC i save bungim ol pipel wantaim. Olsem na holim strong dispela nem.

**Frank Blevi
MADANG**

Ol meri Madang noken so op tumas

Dia Edita,
Mi save lukim ol bai subim ol yet insait long trasis na siot bilong ol man. Taim ol i putim samting bilong ol man, bai ol i apim het i go antap na wokabout stret long ol pablik ples long Madang.

Dispela pasin i save daunim tingting bilong ol man. Bikos ol meri tu i

laik kamap olsem ol man long pasin na stail.

Mi ting ol meri i gat stail bilong ol yet. Olsem na ol i mas bihainim stret dispela stail bilong ol.

Sapos ol i laik stailim ol yet long we bilong ol meri yet, dispela bai i no gat toktok long en.

**Yaki Yamap
MADANG**

Kirapim musik skul Olgeta meri Goroka ino save paulim marit man

Dia Edita,
Mi laik bekim pas bilong sista ya Helen Sase bilong Goroka tasol nau em i stap long Mosbi. Pas bilong em i kamap long 10 Oktoba, 1991.

Pas bilong Sase i tok olsem ol meri Goroka i save bagarapim gupela marit bilong ol narapela manmeri.

Mi laik tokim em stret olsem ating em yet na ol susa bilong em wantaim wan haus lain bilong em i save mekim dispela kain pasin. Mi no ting olgeta meri Goroka i save mekim olsem.

**Ause Kalyo
KAVIENG**

Ol man ken putim sket o?

Dia Edita,
Mi wanpela manki lalibu long Sauten Hailans provins tasol nau mi stap long Mosbi siti wantaim ol susa na famili bilong mi yet.

Mi no save amamas long tripela susa bilong mi. Bikos ol i save putim trasis long ai bilong man.

Planti taim mi save tokim ol long stapim dispela pasin. Tasol ol i save mekim yet. Olsem na mi save sem nating stret ya.

Olsem na mi laik askim. Inap long mipela ol man i supim long sket bilong ol meri o no gat?

Lawrence Agul Yakili IALIBU

Maski long sapatim ol liklik pati



Dia Edita,
Mi kam long wanpela liklik ples insait long

Morobe provins. Nau yet mi stap long Moorata Namba 2

insait long Mosbi siti. Na mi wanpela strongpela sapota bilong

Mamusi memba mas tingting gut

Dia Edita,
Mi wanpela man Mamusi, nau mi stap long Rabaul taun. Mi harim long radio olsem Memba bilong Mamusi, Bruce Loloma i tok long rausim ol pipel bilong Pomio i go bek long ples bilong ol.

Ating mi ken tokim yu Bruce olsem yu mas tingting gut pastaim, na bihain yu ken toktok long radio.

Ating yu laik toktok long radio bai ol arapela memba i harim tasol nek bilong yu na ol bai i tok, "Ah memba bilong Mamusi i gat nem tu ya."

Mi ken tokim yu stret olsem bai i no gat stret ya. Bruce yu ting olsem wanem nau? Pomio i stap long Is o Wes Nu Briten. Sapos yu ting olsem Pomio i stap long Is Nu Briten, bilong wanem as na yu laik rausim ol long Rabaul taun.

Mi ken tokim yu olsem ol Pomio i ken stap long Rabaul. Bikos Rabaul em taun bilong ol.

Kemsey Lee Ekue RABAU

Hangamapim trabel man

Dia Edita,
Mi wanpela man husat i stap long blok long Kimbe long Wes Nu Briten provins. Mi laik egensim tingting bilong ol meri long Mosbi long i no laik sapatim tingting bilong gavman long lo bilong hangamapim man.

Mi ting i no gupela long ol meri i egensim dispela tingting. Bikos ol man no gut husat i brukim lo long kilim manmeri o bagarapim ol meri i mas hangamap.

Dispela tingting bilong ol meri long egensim lo bilong hangamapim ol man nogut i no inap stapim ol man nogut long bagarapim ol meri yet. Ol man no gut bai mekim pasin nogut long ol meri yet bikos ol meri i no laik sapatim dispela lo.

Mi ting olsem ol kain man no gut olsem i mas hangamap. Ol i brukim lo, orait lo yet i mas kilim ol.

Wagi Gindi KIMBE

Ol meri Hagen mas stap isi

Dia Edita,
Mi laik autim kros bilong mi i go long pasin em mi save lukim ol meri long Hagen i save mekim long olgeta potnait.

Ol i save bilas gut tru na penim pinga na maus bilong ol gut tru na kam sanap long ol pablik ples i stap. Ol i save mekim olsem long traim grisim ol wokman.

Mi save lukim planti wokman i save kisim taim long ol dispela lain meri. Bikos ol i save lusim planti mani bilong ol nating tru. Bihain bai ol meri ya i ranawe na go long narapela man gen.

Dispela pasin i no gupela tumas. Olsem na ol meri i mas traim yusim het bilong ol, na yesim dispela kain pasin.

**Paul Koiti
HAGEN**

Pangu Pati.
Planti taim mi save harim long radio olsem ol kain kain liklik pati i laik daunim Pangu Pati. Ol i save tok ol yet bai tekova long gavman.

Na taim ol i kisim gavman pinis, ol bai senisim wanem samting tru insait long ol trabel man, na tu long ol wokman i no gat wok? Pekpek i pulap long ol dispela kain liklik pati.

Mi laik askim tu ol dispela liklik pati olsem. Taim yupela i kisim gavman, sapos yupela man tru orait senisim pes bilong Sir Michael Somare long K50 pepa mani?

Mi laik mekim liklik toktok i go long ol manmeri husat i save sapatim ol kain kain liklik pati. Yupela i no ken westim taim bilong yupela.

Mobeta yupela votim Pangu Pati tasol.

**Peter Wolken
MOSBI**

Wok bilong redi long 1992 ileksen go het gut long Rabaul na Mosbi

ILEKTOREL opis long Rabaul i yusim rekot bilong kaunim ol man long 1990 long kisim nem bilong ol manmeri long vot long 1992 nesanel ileksen.

Provinsal ilektrol opis i bungim nau nem bilong ol manmeri husat i orait long vot. Nem bilong ol manmeri long 4-pela ilektoret i stap pinis long kompyuta. Na ol inap tokaut nau long hamas man na meri bai vot long neks yia.

Ilektrol opisa, Billy Jababa i tok ilektrol opis i no wari long salim ol opisa i go kisim ol nem. Ol i yusim nem bilong ol manmeri long taim bilong kaunim ol pipel long 1990.

Man bilong lukautim mani bilong Ilektrol Komisn long Mosbi i tok komisn bai salim mani i go long Lae ilektrol opis long baim ol dinau i stap yet. Ol dispela dinau i bilong Morobe provinsal gavman ileksen.

Rex Ao i save olsem ilektrol opis long Lae i gat moa long K60,000 dinau bilong baim ol kampan, ol man na meri bilong kaunim ol vot na ol arapela lain husat i bin givim han long dispela taim.

Ao i tokaut long dispela bilong bekim ol toktok bilong ilektrol opisa long Lae, Joab Voivoi.

Voivoi i bin tromoi toktok las wik olsem ol dispela lain i laik kotim ilektoret opis. Long wanem ol i no kisim pe yet long wok ol i bin mekim long taim bilong Morobe provinsal gavman ileksen.

Em i tok Ilektoret Komisn i gat K21,000 dinau i stap yet wantaim Provinsal Trensport Bod (PTB). V. anpela narapela grup tu em Islands Helikopta kampani.

Voivoi i bin tok tu olsem ol i no inap go long ol haus na kisim nem bilong 1992 nesanel ileksen. Long wanem ol i sot long mani bilong mekim dispela wok. Olsem na ol i salim tasol pepa i go long ol skul na ples bilong wok. Olsem bai ol tisa na bos i ken raitim nem bilong ol manmeri husat i ken vot long neks yia na salim i go bek long ilektrol opis.

Mosbi: Korobosea na Is Boroko

Long Mosbi, ol wokman bilong Komisn i raun yet long hap bilong Korobosea na Is Boroko long kisim ol nem. Ol i bin stat mekim olsem long mun Septemba yet. Na ol i laik pinisim long mun Desemba.

Wanpela mausman bilong Ilektrol Komisn opis i tok ol i kisim nem na namba bilong ol manmeri pinis long hap bilong Gerehu, Waigani, Yunivesiti na IASER. Ol bin raun i go olsem tu long Jun Veli na Tokarara na kamap pinis long Hohola eria.

Em i tok i no go yet long Boroko eria, Wadawada setelmen, 6 mail na 7 mail eria.

MEF salim olupela niusman go kosgen long Afrika

WANPELA voluntia woka bilong Melanesien Envairomen Faundes (MEF) i stap long ol samting bilong bus, abus na wara long Afrika.

Dispela man em Joseph Kau bilong Bekoro viles long Galp provins. Joseph i go olsem wanpela man bilong lainim na lukautim ol samting i stap long bus na wara bilong Papua Niugini.

Kau bai toktok wantaim moa long 50 manmeri bilong Afrika long wanem kain wok em Melanesien Envariromen Faundes i save mekim long Papua Niugini.

Em i tok hevi bilong ol samting long bus na

wara i wankain long hevi bilong man.

Olsem na olgeta kantri long wol i mas toktok wantaim na kamapim gutpela rot bilong stretim wanem kain hevi bai i kamap long taim bihain.

Joseph Kau i no save kisim pe long dispela wok bilong em. Em i mekim tasol long helpim Melanesien Envairomen Faundes inap wanpela yia nau. Tasol Joseph i tok em i bilip long lukautim na sevim ol samting bilong mipela long bus na wara. Taim Joseph i no joinim MEF yet, em i bin wok olsem edita bilong *Wantok Niuspepa*.

Bulolo yunien singaut long kirapim gen wok bilong Papua Niugini TUC

BULOLO Fores Wokas Yunien i laikim olgeta yunien grup long kantri long kirapim gen wok bilong Papua Niugini Tred Yunien Kongres (PNGTUC).

Presiden bilong Bulolo Fores Wokas Yunien, Cleopas Yawal i tok planti yunien memba nau bai painim bikpela hevi long wok bilong ol. Long wanem i no gat moa sapot bilong PNGTUC olsem long bipo.

Em i tok PNGTUC opis long Boroko long

Mosbi i pas pinis. Na wok i stap long han bilong olgeta yunien memba long kirapim gen PNGTUC. Olgeta yunien memba i gat pawa tu long makim nupela seketeri, presiden na arapela opisa long laik bilong ol.

I no gutpela long PNGTUC i pundaun bikos dispela em bun bilong olgeta wokman long ol kampani insait long kantri, Yawal i tok. Long dispela as bai planti wokman i kisim taim nau.

Cleopas Yawal i mekim dispela tok bihain long wanpela kos bilong Leba na Emploimen long Lae. Long dispela kos, Ramu Suga na Lae Mesules yunior grup i bin tokaut long lusim PNGTUC.

Tasol Cleopas i tok Ramu Suga i lusim samting olsem 100 wokman long las wik na dispela bai givim hat taim long ol i kisim sapot na helpim. Bikos PNGTUC i pundaun pinis.

Dispela hevi bai kamap yet long olgeta memba bilong ol yunien grup long PNG olsem na ol i mas bung gen na kisim PNGTUC i kam bek.

Em i askim olgeta yunien memba bilong PNGTUC long stat bungim mani i go long TUC long mekim wok bilong en. Sapos ol yunien i laik, ol i ken makim ol nupela eksekutiv gen bikos PNGTUC em papa bilong olgeta yunien grup long kantri.

Yunitek bai gat namba wan haus bilong ol meri

PAPUA Niugini Yunivesiti bilong Teknologi long Lae bai wokim nau nupela haus bilong ol meri long neks yia. Ol wokman bai statim wok bilong sanapim dispela haus bihain sapos ol bos bilong Yunivesiti i kisim tok orait long minista na olgeta toktok bilong mani i orait.

Dispela nupela haus i bilong ol meri tasol. Inap long planti yia nau, ol studen meri i save slip long wanpela haus olsem ol man studen.

Na dispela nupela haus bai inap lukautim samting olsem 200 studen meri.

Namba tu bos bilong Yunivesiti, Laten Lulupa i no inap tokaut long hamas mani bai ol i yusim long sanapim dispela haus.

Bikos ol bos i no stretim wanpela samting yet. Em i tok minista i mas givim tok orait na tu nesanel gavman i mas givim sampela mani bilong sanapim dispela haus. Em i bilip olsem wok bilong sanapim haus bai stat long 1992 na pinis long namel bilong yia yet.

Long nau yet, ol man studen na ol meri i save yusim wantaim ol haus long Poroman, Hetura wan na Hetura tu. Dispela em i namba tri haus na ol meri tasol bai slip long en, wantaim narapela nupela haus bilong ol studen bilong maining enjiniering.

SCRATCH 'N' WIN!

BUY...
FUEL or OIL
Member (S, M, P, R, H, G)

20000
WON!

SCRATCH...

WIN...

OVER 20000 PRIZES TO BE WON!

AVAILABLE AT ALL PARTICIPATING DEALERS TODAY!

Ol Hailans i no save pret long kilim man

Dia Edita,
Mi wanpela manki Finsafen tasol nau mi stap long Tabubil long West- en provins.
Mi save lukim ol manmeri long Hailans na mi save pret nating long ol. Bikos taim ol i pait, ol bai laik kilim man tasol.

Na tu ol i no save pait long han, ol i pait wantaim ol naip na tamiok. Taim yu pait wantaim ol, yu mas lukaut. Bikos ol bai painim wanem samting long kilim yu.

Kimmy Mingevi long TABUBIL

Maski lukautim kakaruk long Kimbe taun

Dia Edita,
Mi wanpela manki long welpam blok ausait long Kimbe taun.
Tasol taim mi save kam raun long taun, mi save lukautim planti kakaruk tumas long taun.

o susa i save lukautim kakaruk long traun long rausim ol.
Dispela em long wanem em i no ples bilong yu, em taun. Ol pusi na dok i orait, tasol sapos yu laik lukautim kakaruk, yu mas lusim taun na go long ples.
Bikos long dispela, mi laik askim ol helt inspekta long raun long taun na rausim ol kain samting olsem.

Mi lukim planti bilong ol dispela kakaruk long seksen I5. Ol i save raun na bagarapim ol flawa na samting bilong ol narapela manmeri. Na tu taim ol kakaruk i raun, ol i mekim taun i luk olsem wanpela banis kakaruk.
Olsem na mi laik askim husat brata

Leen Anz KIMBE

Ol Vunapope haus sik nes i no slek ya

Dia Edita,
Mi wanpela skul meri bilong Vunapope Skul Ov Nasing. Na mi laik bekim pas bilong wanpela em i bin kamap long Wantok Niuspepa long Fonde 8 Ogas, 1991, na toktok long ol nes na dokta bilong Vunapope haus sik.
Brata ya i tok olsem ol nes na sista long Vunapope haus sik i no save harim toktok bilong ol sik manmeri na givim marasin nating. Na tu em i

tok olsem ol wokman bilong Vunapope haus sik i save les tumas long mekim wok.
Yu husat man i toktok olsem i mas opim yau bilong yu na harim gut dispela toktok. Mipela i no olsem yu longlong man. Mipela skul tupela o tripela yia pastaim na wok olsem nes na sista long ol haus sik.

Delta Ann Ossy VUNAPOPE

Jisas tasol inap stretim sindaun

Dia Edita,

Mi wanpela manki bilong Tongo Riva insait long Mendi, Sauten Hailans provins. Mi laik autim bel hevi bilong mi ol biknem long gavman dipatmen, na tu ol arapela lida husat i wok long stilim mani na kamapim planti hevi insait long kantri.

Mi laik tokim yupela olsem hevi bilong dispela graun, wanpela man bai i no inap long stretim. Olgeta manmeri i wankain. Sapos wanpela man i laik painim gutpela sindaun na amamas olgeta taim, em i mas kisim Jisas Kraus olsem bosman bilong em.

Jisas yet bai inap long stretim hevi na sindaun bilong yu. Em yet bai helpim yu long mekim gutpela pasin. Na stretim ol arapela manmeri husat i laik painim gutpela sindaun.

Olsem na mi laik askim yupela ol biknem olsem, sapos yupela i laik painim gutpela laip na gutpela sindaun, askim God papa na em yet bai inap long helpim yupela.

Em tasol wari na tok-save bilong mi. Yu husat brata o susa i laik sapatim o egensim dispela pas orait rait tasol long Wantok Niuspepa na yumi olgeta gen lukim.

John Ninda MENDI.

Ramu Suga gat planti bos tumas



Dia Edita,
Mi wanpela paul bodi. Olgeta taim mi save harim long redio na niuspepa olsem Ramu Suga Kampani i no save mekim wanpela profit. Dispela toktok tasol i save mekim mi wari, na bel hat olgeta taim olsem bisnis bilong mi.

Mi laik tokim yupela olsem mi no wari long dispela. Tasol wanpela samting mi save lukim rong liklik em planti menesa na supavaisa tumas. Olsem na bikpela mani i save lus nating long ol dispela man. Mi lukim olsem i no gat wokman long Ramu Suga. Olgeta manmeri husat i wok i stap insait long fektori na opis em ol menesa na supavaisa tasol.

Mi bin wok sampela taim wantaim Ramu na mi save olsem sampela

man i no save wok na kisim mani nating. Ol bosman bilong Ramu i mas traun na lukluk long kain samting olsem. Rausim ol man we i no gat wok na sanap nating olsem supavaisa na menesa long opis.

Taim mi stap wantaim long ol Suga mi lukim olsem ol supavaisa i save putim han long poket, tasol na i no gat wok bilong ol. Ol dispela kain man i mas pinis long wok. Bikos mani save pinis nating long ol.

Nau yet ol menesa i save kisim nating ol draiva long mekim praivet wok bilong ol. Na fotnait ol bai yusim mani bilong kampani long baim ol dispela draiva.

Mike Beatie. LAE MOSIBU.

Pe bilong ol stua kaikai go antap moa

Dia Edita,
Mi wanpela manki bilong Laigam long Enga provins. Mi laik komplem long prais bilong ol kaikai long ol stua.

Pe bilong ol kaikai nau i go antap moa. Bipo prais i go daun tasol nau i abrusim mak bilong olgeta samting. Na tu prais bilong bensin tu i go antap.

Dispela em i min olsem wanem nau. Ating gavman i mas traun na sekim prais bilong ol samting. I luk olsem sampela stua i save giaman long prais

bilong ol ya.

Dispela i kamap bikpela nau long Wabeg. Na mi bilip olsem planti manmeri bai sapatim mi long dispela tingting.

Gavman i mas salim ol opisa bilong em i kam long Enga na sekim ol dispela stua, na husat em ol i painim i rong, ol i mas tokim em long daunim pe bilong ol samting o pasim stua bilong ol.

Kosa Kotosene WABEG

Apim pe bilong ol nes na APO

Dia Edita,
Mi wanpela nes husat i wok long Gusap Helt Senta long Ramu long Madang provins.

Wari bilong mi i go olsem. Inap gavman i lukluk long mipela ol nes na APO i wok nau long olgeta hap bilong kantri. Inap gavman i apim pe bilong mipela o no gat?

Mipela i save wok hat tru long sevim laip bilong ol manmeri. Na

mipela i save wok 24 aua long olgeta de na nait.

Inap helt minista i lukluk long dispela hevi bilong mipela?

Mi laik askim olgeta wan wok long kantri long sapatim dispela pas na tingting bilong mi.

Boting Dingua GUSAP - MADANG

Wantok sistem long PNG soka skwat

Dia Edita,
Mi wanpela manki Manus tasol nau mi stap long Mosbi. Mi save lukim planti ol memba bilong komiti bilong makim Papua Niugini soka skwat i save wan sait tumas.

Dispela i kamap ples kliia long bikpela gem bilong tim bilong yumi long Saut Pasifik Gems. PNG i no gat nem tru long dispela gem. Tasol soka i no nupela gem long kantri.

Ating em i taim nau long kisim ol

yanpela na nupela pilaia long makim PNG. Maski kisim ol lapun papa olsem Adam Lema, Simon Emmanuel na ol narapela. Taim bilong ol dispela lain i pinis.

Traun na lukluk nau long ol yanpela pilaia long primia risev, namba wan divisen na ol liklik junia divisen tu.

Willie Phy MOSBI

Save gut long nem Hailans

Dia Edita,
Mi wanpela boi bilong Isten Hailans tasol nau mi stap long Rabaul, Is Nu Briten provins.

Mi laik mekim liklik toktok i go long ol manmeri husat i save raitim pas na komplem long ol pipel bilong Hailans rijon. Dispela em long mekim ol bikhet pasin olsem salim buai na lus smok long ai bilong stua.

Mi laik tok kliia olsem nem Hailans i gat tripela kain, em Westen, Sauten

na Isten Hailans.

Na mipela ol Isten Hailans em mipela ol pipel bilong sem. Na tu mipela ol man bilong harim tok.

Olsem na taim yupela i laik komplem long ol Hailans, kolim stret nem bilong provins ol dispela bikhet man i kam long en.

John Evesa RABAU

Wel kampani bai bugarapim graun

Dia Edita,
Mi laik autim wari bilong mi long ol pipel bilong mi, na ol biknem politisen bilong Sauten Hailans. Yupela i amamas long kisim wanpela wel kampani long mekim wok long ples bilong yumi. Tasol yupela i no save long wanem samting dispela kampani bai mekim long ol pikinini bilong yumi long bihain taim.

Nau yet yupela i amamas long kisim mani. Na i no tingting long ol

pikinini bilong yupela. Yupela i mas save olsem wok bilong rausim wel long graun bai bagarapim olgeta gutpela graun.

Na mani yupela i amamas long kisim nau bai i no inap kam bek gen long yupela. Planti pikinini bilong ol man husat i go pas long toktok long bringim kampani bilong wel bai sindaun luk sori i stap.

Paul Ponpis KIMBE

Ol dokta na nes save giaman

Dia Edita,
Planti taim mi save harim long redio na ritim long niuspepa long ol manmeri i no ken kaikai buai na smok. Bikos dispela tupela samting i save kamapim maus kensa.

Dispela toktok i save kam aut long maus bilong ol wok manmeri bilong helt dipatmen olsem ol dokta na nes.

Tasol wanpela samting mi lukim i rong liklik. Bikos planti dokta na nes i save kaikai buai na smok tumas.

Ol i toktok long hevi bilong dispela tupela samting, tasol ol yet i kaikai buai na smok strong tumas long ai bilong ol manmeri. Taim ol manmeri i lukim olsem, ol i stat long kaikai buai na smok gen. Bihain ol i kisim sik na i go long haus sik, ol dokta na nes bai krosim ol gen. Mi lukim dispela pasin i no gutpela tumas.

Siragi Tureo MOROBE

Moa manki mas joinim soldia

Dia Edita,
Mi lukim olsem yumi i no gat inap soldia long lukautim kantri.

Nau yet yumi gat hevi long Bogenvil. Tasol ol liklik namba bilong ami i no inap long stapim dispela hevi. Planti soldia i dai nating na i no gat wanpela gutpela ansa i kamap. Na tu ol i no stretim hevi bilong Bogenvil yet.

Mi laik tokaut long yupela olsem, sapos ol ami bilong yumi i no inap stapim hevi bilong Bogenvil, wankain samting bai kamap sapos wanpela liklik kantri i pait wantaim yumi.

Olsem na mi laikim gavman i mas lukluk long dispela hevi na kisim planti yangpela man husat i pinisim skul na stap nating.

J. Onn Ninda MENDI

WANTOK BISNIS long PAPUA NIUGINI WANTOK

PRAIS!
PRAIS!
PRAIS!

KOPI

Pe bilong drai arabika kopi long wan wan kilogram long wik. Dispela i karamapim prais bilong kopi long dua bilong fektori na i no long saif bilong rot.

Kainantu	K1.00
Goroka	K0.97
Minz na Banz	K0.90
Hagen	K1.10
Lae	K1.00
Erap	K0.90
Wau/Bulolo	K0.95
Aseki	K0.95
Madang	K0.90
Is Sepik	K0.60

Ol ripot i kam long Kopi Industri Bod. Mipela i no kisim ripot bilong Hagen, Kainantu, Kundiawa na Wapenamanda

KOPRA

KOPRA Maketing Bod (CMB) i save baim kopra aninit long tripela grup. Namba wan grup em "Hot Air". Dispela em kopra i drai gut. Namba tu em "F.M.S" o (Fair Merchantable Standard). Dispela kain kopra i namel tasol. Narapela hap bilong em i nogut na narapela i gutpela. Na namba tru em "Smoke". Dispela kain kopra i no gutpela tumas.

Prais bilong kopra i pundaun long K5 long wan wan tan long Mosbi, Alotau, Lae, Madang, Wewak, Kavieng, Toboi, Kimbe na Kieta. Pe i stap olsem:

Smoke	K175
F.M.S	K177
Hot Air	K180

Prais bilong kopra long ol liklik hap i stap olsem:

SAMARAI	Smoke	K143
	F.M.S	K145
	Hot Air	K148
KANDRIAN na NAMATANAI	Smoke	K140
	F.M.S	K142
	Hot Air	K145
BUKA	Smoke	K139
	F.M.S	K141
	Hot Air	K144
FINSAFEN	Smoke	K135
	F.M.S	K137
	Hot Air	K140
LORENGAU	Smoke	K130
	F.M.S	K132
	Hot Air	K135
KEREMA	Smoke	K120
	F.M.S	K122
	Hot Air	K125

Prais bilong dispela wik i wankain tasol olsem bilong las wik tasol CMB i tokaut olsem sapot prais bilong dispela mun em K25.

KAKAO

PRAIS bilong drai kakao long wan wan tan long Rabaul long Mande inap long Fraide long las wik.

	Mande 28/10	Tunde 29/10	Trinde 30/10	Fonde 31/10	Fraide 1/11
Pe ol balya sasim long papa bilong fermentri	K859	K858	K845	K868	K881
Sapot prais	K282	K282	K282	K282	K282

Prais ol papa bilong fermentri i kisim K1,141 K1,140 K1,127 K1,150 K1,083

Sapot prais bilong kakao long dispela mun em K282. Dispela prais i no wankain olsem pe bilong kakao long ol narapela hap bilong kantri.

Exchange Rates



PNGBC

Bank buys at:	Notes	T/T
Australia	1.3790	1.3499
USA	1.0940	1.0595
UK	0.6250	0.6012
Bank sells at:		
Australia		1.3389
UK		0.5893
USA		1.0515
Solomon Islands		2.8717
China		5.6040
Fiji		1.5308
Hong Kong		8.1020
India		26.6260
Japan		135.5800
Malaysia		2.8580
New Zealand		1.8448
Singapore		1.7410
Switzerland		1.5470
Germany		1.7120
Gold rates (in US\$):		
per ounce		\$354.35
per gramme		\$11.39

Ramu Suga pinisim 100 wokman

YAKAM KELO i raltim

RAMU Suga i bin pinisim 100 wokman bilong en long las wik Mande, 28 Novemba.

Ripot i kam long kampani i tok olsem dispela i kamap bikos i no gat inap wok nau. Na tu, ol wok long hap i go daun.

Ramu Suga i gat hevi bilong mani na namba bilong suga em fektori i wokim i go daun. Dispela i kamap bikos bikpela san long Makam na Madang eria i kukim ol suga. Olsem na mak bilong suga

em fektori i wokim i go daun long 29,800 tan long dispela yia. Na dispela i aninit tru long 34,000 tan mak bilong suga long olgeta yia.

Jenerel Menesa bilong Ramu Suga, Sandy MacGillivray i tok kampani i bin bungim dispela hevi inap long tupela krismas nau.

Olsem na ol i rausim sampela wokman long las wik. Olsem bai kampani inap sevim mani bilong go het na wok yet.

Wanpela yunien memba bilong Ramu Suga, Yaking Aaron i tok i tru olsem ol dispela 100 wokman i no ama-

mas long kampani i rausim ol. Tasol yunien i no inap mekim wanpela samting long sapotim ol memba bilong en.

Aaron i tok kampani i salim ol dispela lain bilong go stap na kam bek wok taim ol samting i orait gen.


Tasol MacGillivray i daunim dispela na tok kampani i bin kisim ol dispela 100 woka olsem ol dewokman tasol. Long taim bilong katim suga, ol bai kam wok. Na taim suga i pinis, ol bai go stap inap long narapela taim bilong katim suga gen.

Na MacGillivray i tok tu olsem kampani bai stretim rot

bilong ol dispela lain wokman long go bek long ol ples bilong ol.

Em i tok nau kampani i laik mekim wok i go hariap. Olsem na ol hevi olsem em i bungim nau long mani, suga i sot na bikpela san i no ken bagarapim wok bilong kampani. Long dispela as, em i mas stapim ol mani long no ken lus. Olsem na em i rausim ol wokman inap long taim bilong wok gen long neks yia.

Wok bilong katim suga i save kamap olgeta yia namel long mun Epril i go inap long mun Septemba.



Kibung bilong kokonas: Kas nogut ya i putim ol kokonas i go insait long basket. Dispela em long taim bikpela Intanesenel kibung bilong kokonas i bin kamap long Rabaul.

Ol kakao na kokonas kodineta i mas wok bung wantaim long helpim tru ol liklik fama bilong ples

OL provinsal kodineta bilong Smolholda Kakao na Kokonas Rihebilitesen na Ekspensen Program (SCCREP) i mas wok hat long givim gutpela sevis long ol fama husat i wok aninit long progrem.

Dispela em strongpela askim i kam long Dairekta bilong Ekspot Krops Promosen Dvelopmentem long Egrikalsa na Laibstok, Felix Bakani. Bakani i bin autim dispela askim long wanpela bung bilong 20 opisa bilong SCCREP long Mosbi las wik.

Em i askim ol opisa long kamap wantaim sampela gutpela we bilong karim aut dispela SCCREP pro-

greem. Bakani i bilip ol i bin lainim sampela samting pinis long dispela woksop.

Bakani i askim tu bai gutpela wok i mas kamap namel long ol opisa bilong ol kain progrem olsem SCCREP long provinsal na nesanel gavman. Em i tok dispela bai kamapim gut wok bilong SCCREP.

Nesanel projek menesa bilong SCCREP, Lama Makara i tokim ol manmeri i kamap long woksop olsem em i wok bilong ol long lukim olsem SCCREP progrem i kamap gut.

Makara i tok dispela woksop i kamap gut na gavman i mas givim moa han long helpim ol fama.

CRA na ol papa bilong graun yet bai stretim hevi bilong Mt Kare

TOKTOK bilong stretim hevi long Maunten Kare maining long Sauten Hailans provins i mas kamap namel long ol papa graun wantaim CRA maining kampani.

Nesanel minista bilong Minerels na Eneji, Patterson Lowa i bin tokaut long dispela taim palamen i bung long Tunde, 5 Novemba, 1991.

Patterson i tok taim wok bilong painim gol long Maunten Kare i stat, ol papa graun yet wantaim CRA kampani i bin bung na kamapim ol tok wanbel. Long dispela taim, ol i wanbel long CRA i kisim 51 pesen sea bilong ol wok na ol pipel bilong ples i kisim narapela 49 pesen sea.

Long dispela taim yet, ol papa graun i bin makim tu ol dairekta bilong ol. Na ol dairekta inap makim ol man bilong mekim wok. Na ol papa graun i bin fomim 7-pela kampani olgeta.

Tupela bikpela kampani i kamap long ol dispela 7-pela kampani. Wanpela i makim Sauten Hailans na narapela i makim ol lain bilong Enga provins. Insait long dispela tupela grup, ol i kamapim asples kampani, KDC long wok wantaim CRA maining kampani.

Minista Lowa i mekim ol dispela toktok long bekim ol askim bilong memba bilong Koroba Lek i go moa longpes 15

Kakao bisnis i wok long kamap bikpela gen long Not Solomons

SAM VULUM i raltim

PLANTI manmeri i wok long salim nau ol kakao long Not Solomons provins. Tasol Kakao Bot (CB) i no tokaut yet long hamas kakao tru ol groa i salim pinis i kam long Rabaul long Is Nu Briten provins.

Ol ripot i kam long CB hetkwata long Rabaul i tok ol opisa bai stretim ol rekot, na tokaut long namba bilong kakao i kam long Buka long neks wik o wik bihain. Nau ol rekot i stap wantaim ol ekspota olsem Agmark Pty Limited na Angoo Cocoa.

Long wankain taim tu, eking siaman bilong CB, Dean Nogoru wantaim wanpela sinia opisa i stap nau long Netalens, wanpela kantri long Yurop we i save mekim wok bilong

kakao tu long wol. Ripot long CB i no tok klia long wanem kain wokabaut em siaman wantaim sinia opisa bilong em i go long en. Tasol i gat bilip olsem ol i go long wanpela kibung bilong wok kakao.

CB tu nau i wok klostu wantaim ol senis i wok long kamap long ol kantri long wol. Bikpela ren na win i bagarapim planti kakao long Ivory Coast, wanpela kantri long Afrika i go pas long kamapim planti kakao long wol.

Na tu sik nogut bilong kakao i kilim planti diwai long Brazil, narapela kantri gen long Saut Amerika na namba bilong kakao em Melesia i save kamapim i go daun. Na i luk olsem pe bilong kakao bai senis liklik. Tasol ol i no klia wanem taim bai senis na long hamas tru.



CRA na ol papa graun bai stretim hevi

i kam long pes 14

Kopiago, Aruru Matiabe.

Matiabe i laikim gavman i mas kibung wantaim ol papa graun bilong Maunten Kare husat i stap nau long Mosbi. Em i tok taim praim minista Rabbie Namaliu i bin raun long ovasis long dispela yia, em i bin go long Melbon, Australia na toktok wantaim mama kampani bilong CRA. Olsem na CRA i kisim dispela Prospektiv Eria (P.A) long go het wantaim wok bilong en.

Em i tok CRA i bin wok long Bogenvil na kamapim hevi pinis. Olsem na ol i no laikim wankain hevi i kamap long Maunten Kare.

Tasol minista bilong Minerels na Eneji i tok gavman i no gat toktok long dispela. Bikos dispela em wok i stap namel long ol pipel na CRA yet. Bikos tupela i bin tok orait long en.

Gavman bai sanap tasol olsem namelman bilong stretim wanem hevi na wari i kamap.

Em i tok CRA i bin kisim dispela P.A pastaim long praim minista i go long Australia.

Tupela wik i go pinis, ol pipel long Maunten Kare i bin askim ol gavman opisa long go na ol i ken bung wantaim kampani na stretim toktok. Tasol no gat lain bilong gavman i go bikos i gat sampela lain bilong Maunten Kare i kam stap nau long Mosbi. Ol i tok ol i papa bilong graun na i laik tok tok wantaim gavman.

Minista i tok long dispela as, asples kampani, KDC i no bin kam long Mosbi long dispela bung. Ol asples tu i bin wokim bikpela kaikai na redi nating.

Olsem na ol lain long Mosbi i mas go bek long Maunten Kare na bung wantaim ol pipel na kampani long stretim hevi bilong ol. Ol i ken makim ol nupela dairekta long laik bilong ol. Bikos ol i bin rausim siaman ol yet i bin makim pastaim long en.

Low i tok nesenel gavman bai traim bung wantaim ol papa graun long dispela wik. Sapos no gat, dispela bung i mas kamap long Maunten Kare yet.

• Ol mama i bung: ol mama i bung long Nesenel YWCA kibung long Rabaul long dispela wik. Kibung ya i stap long wanpela wik olgeta.

Haus sik bilong ol longlong i sot long marasin

HAUS sik bilong ol longlong manmeri long Loloki long Mosbi i no save helpim gut ol longlong bikos i no gat inap marasin na ol samting bilong yusim.

Dispela em wanpela bikpela toktok long ripot bilong wanpela medikel opisa, Fiona Noble. Em i tok aut long dispela ripot bilong em long wanpela kibung long haus sik.

Dispela haus sik em wanpela long ol ples long PNG we i gat ol kain kain masin na marasin long helpim na stretim ol longlong man na meri. Nau long senta i gat 43 manmeri em krisman bilong ol namel long 20 na 50.

Namel long dispela 43, tupela bilong ol em i longlong olgeta. Ol narapela i orait liklik. Ol lain ya i mas kisim marasin inap long 5 na 18 yia.

Tindiwi laik baim gan long lukautim em yet

PROVINSAL Afeas dipatmen i mekim wok nau long nau long glasim wok bilong Enga provinsal gavman.

Ol i laik painim aut sapos em i tru o nogat olsem Enga provinsal gamvan i laik kisim ol gan bilong wanpela spesel grup long lukautim wok bilong provinsal gavman.

I gat bilip olsem primia Danley Tindiwi na seketeri bilong dipatmen bilong Enga, Luke Kembo i bung na tok orait long kisim saplai bilong dispela ol gan.

Dispela i kamap kliia long wanpela pas em tupela lida wantaim i sainim i go long wanpela kampani long Mosbi, ol i kolim long Garry Maso Paya na Kampani Pty Ltd bai givim ol dispela sapot sevis.

I gat bilip tu olsem Garry M. Paiyer na Kampani bai kisim K10,000 kontrak long mekim dispela wok. Ol i kisim pinis K6,000. Ol plis i holim pinis tupela man husat i wok karim ol gan bilong kampani long Australia i kam long PNG.

K15,000 lus long haiwe

MOA long K15,000 saplai i bin lus long wanpela haiwe ka namel long Kundiawa na Hagen long Sarere 2, 1991.

Dispela haiwe ka em Is Wes Trensport, wanpela Collins na Leahy kampani i papa long en.

Ripot i tok dispela ka i bagarap long Koronigi wara, long wes bilong Kundiawa. Na sampela plisman i go na lukautim dispela ka wantaim ol kago insait. Tasol sampela pipel i kamap na raunim ol plisman. Bihain ol brukim kontena long ka i go insait na kisim olgeta samting.

Jenerel menesa bilong Is Wes Trensport, Kevin Pease i tokaut long Trinde Novemba 6 olsem dispela birua i bin kamap. Tasol Mista Pease i no amamas long ol plisman husat em i tok " i sanap taim ol pipel i stilim olgeta samting".

Ol bikman i tingting planti tru long wanem kain we ol stilman i brukim na go insait long kontena. Bikos ain we i pasim dua i lok tru we ol i kukim, na ol i no gat lok long en olsem bijo.

SUBSCRIBER NUMBER & AREA CODE CHANGES IN NEW ZEALAND.

Telephone, Facsimile and DialFup Numbers in **NORTHLAND** and **WELLINGTON** Regions have changed to a seven digit numbering scheme. Old Area Code 89 for **NORTHLAND** became redundant after the change.

IDD dialling procedure is as follows:

NORTHLAND - 05 + 64 + 9 + New Number. **WELLINGTON - 05 + 64 + 4 + New Number.**

Changes are as follows:-

NORTHLAND REGION	OLD AREA CODE & NO.	NEW AREA CODE & NO.
WHANGAREI	89 + 480000 - 489999	9 + 4380000 - 4389999
WHANGAREI	89 + 490000 - 491999	9 + 4300000 - 4301999
HIKURANGI	89 + 4338XXX	9 + 4338XXX
MAUNGAKARAMEA	89 + 4323XXX	9 + 4323XXX
MAUNGATAPERE	89 + 4346XXX	9 + 4346XXX
NGUNGURU	89 + 4343XXX	9 + 4343XXX
PARUA BAY	89 + 4365XXX	9 + 4365XXX
RUAKAKA	89 + 4327XXX	9 + 4327XXX
RUATANGATA	89 + 4335XXX	9 + 4335XXX
TOWAI	89 + 4334XXX	9 + 4334XXX
WAIOTIRA	89 + 4329XXX	9 + 4329XXX
WAIPU	89 + 4320XXX	9 + 4320XXX
WHAKAPARA	89 + 4339XXX	9 + 4339XXX
WHANGAREIHEADS	89 + 4340XXX	9 + 4340XXX
WHANGARURU	89 + 4336XXX	9 + 4336XXX
MAUNGATUROTO	89 + 4318XXX	9 + 4318XXX
PAPAROA	89 + 4317XXX	9 + 4317XXX
WELLINGTON REGION	OLD AREA CODE & NO.	NEW AREA CODE & NO.
UPPER HUTT	4 + 26XXXX	4 + 526XXXX
UPPER HUTT	4 + 27XXXX	4 + 527XXXX
UPPER HUTT	4 + 28XXXX	4 + 528XXXX
WELLINGTON	4 + 32XXXX	4 + 232XXXX
WELLINGTON	4 + 33XXXX	4 + 233XXXX
WELLINGTON	4 + 34XXXX	4 + 234XXXX
WELLINGTON	4 + 35XXXX	4 + 235XXXX
WELLINGTON	4 + 36XXXX	4 + 236XXXX
WELLINGTON	4 + 37XXXX	4 + 237XXXX
WELLINGTON	4 + 39XXXX	4 + 239XXXX
WELLINGTON	4 + 66XXXX	4 + 566XXXX
WELLINGTON	4 + 69XXXX	4 + 569XXXX
WELLINGTON	4 + 61XXXX	4 + 561XXXX
WELLINGTON	4 + 60XXXX	4 + 560XXXX
WELLINGTON	4 + 690XXX	4 + 5690XXX
WELLINGTON	4 + 570XXX	4 + 570XXXX
WELLINGTON	4 + 62XXXX	4 + 562XXXX
WELLINGTON	4 + 63XXXX	4 + 563XXXX
WELLINGTON	4 + 64XXXX	4 + 564XXXX

NUMBER QUERIES: RING 013.



Post & Telecom
Keeping you in touch with IDD

Ol Orokolo pipel kisim yam long Mun

BIPO bipo tru long taim bilong tumbuna, i gat wanpela lapun man i save stap long ples Orokolo. Nem bilong dispela man em Aru Aru. Aru Aru i marit long wanpela yangpela meri tru long dispela ples.

Aru Aru i no save harim long sik mun bilong ol meri. Wanpela taim em i painimaut cilem meri bilong em i gat sik mun. Man em i kalap nogut tru na bal kaskas.

Em ting wanpela man i mas slip wantaim em. Na i stat long krosim meri bilong em. Tasol meri bilong em i tok, "Olgeta meri i save kisim dispela kain sik. Yu no ken kros nating long mi."

Tasol lapun Aru Aru i no amamas long dispela bekim. "Mi save wanpela man i mas slip wantaim yu na yu kisim dispela kain sik. Nem bilong dispela man em Papale Mun. Bai mi kilim dispela man."

Narapela moning em kisim meri na tupela i go katim saksak. Meri katim saksak i stap na em i go katim wanpela Hapala diwai, na sapim spia bilong em i stap. Em i redim nau ol samting bilong go kilim Papale Mun.

Narapela moning em kisim kanu na pul i go long kilim Papale Mun. Em pul i go long han san na mun i save go daun. Long nait em i save bihainim mun. Na long de taim em i save bihainim san.

Mun i harim pinis olgeta samting Aru Aru i save toktok long en, long meri bilong em.

Em pul i go na kamap long wanpela ailan. Em i go sua na lukim tupela manki pilai i stap long nambis. Em singautim tupela, "Papa na mama bilong yutupela we?" Tupela singaut mama na papa i kam na olgeta pulim kanu bilong em i go antap.

Dispela nait em i slip wantaim ol. Ol stori i go na em i tokim ol long wanem as em i kam. Ol i kliam tingting bilong em olsem olgeta meri i save painim sik mun. Tasol Aru Aru i strong yet long kilim Mun.

Narapela moning em i no



kaikai. Em ting olsem sapos em i kaikai, em bai lusim strong bilong mekim wanem wok em i go long en. Em i singsing nau, "Dispela em i wanpela birua ... we i bungim mi na mun wantaim." Em singsing olsem na pulim kanu i go daun long wara na pul i go inap em i kamap gen long narapela ailan.

Long dispela ailan i gat wanpela man tasol na meri bilong em. Em lukim pikinini na askim long papa na mama bilong ol. Olgeta i pulim kanu bilong em i go antap long hap olgeta kanu i sua long en.

Dispela nait em i slip wantaim ol. Bipo long ol i slip, lapun Aru Aru i stori long raun bilong em. Ol i pilim fani tru na givim wankain skul long em. Tasol Aru Aru i no harim toktok bilong ol.

Narapela moning Aru Aru i kirap na drink sampela wara.

Bihain em i komik gras bilong em na kalap i go daun long kanu long pul i go. Em i bilip olsem sapos em i drink wara, olgeta strong na mejik pawa bilong em bai i lus taim em i pispis.

Em pul i go na kamap long namba tri ailan. Em lukim wanpela boi tasol na askim em, "Singautim papa na mama bilong yu i kam." Tasol boi ya i bekim olsem em wanpela i save stap long dispela ailan. Liklik boi ya em Mun, we lapun Aru Aru i painim long en.

Liklik boi ya i helpim Aru Aru na pulim kanu i go antap long nambis. Bihain em kisim Aru Aru i go long haus bilong em antap long wanpela Hepe diwai.

Mun na San i save stap long dispela haus. Na save raun long olgeta kona bilong

graun. Mun i save raun long nait, na San i save raun long de taim.

Haus ya i pulap stret long ol sta. San i go raun long Kere-ma na i no stap long dispela. Mun i tokim Aru Aru olsem bikpela brata bilong em, San i go wok long gaden.

I gat ol narapela kain string rop long dispela haus i go joinim olgeta diwai long graun. Ol man nating i no inap lukim ol dispela rop. Mun wantaim San i save yusim ol dispela rop long raun long graun.

Tupela stori i go na San i kamap. Man Aru Aru i lukim bodi bilong San i klin tru na em i kalap nogut. Em i save olsem sapos man i wok long gaden, em bai i no inap lor g kam bek klin olsem.

Bihain yangpela boi i go senis na tanim kamap olsem mun. Em i luk nais tru olsem wanpela strongpela yangpela man. Em i tokim Aru Aru nau long olgeta samting em i harim. Aru Aru i bel kaskas olgeta.

Tasol Mun i tokim em, "Mi no slip wantaim meri bilong yu tasol. Olgeta nait mi save slip wantaim olgeta meri bilong dispela graun. Olsem na ol i gat sik mun. Yu i no inap long kilim mi. Bikos em meri bilong mi yu stilim."

Lapun Aru Aru i no gat toktok. Mun i givim em wanpela yam na tokim em long pul i go bek long ples. Aru Aru kalap long kanu na pul long sampela minit tasol. I no long taim em i kamap long ples, na olgeta manmeri singaut i kam bungim em.

Em tokim ol olsem em i no kilim Mun. Tasol em kisim wanpela gutpela kaikai i kam long ol.

Em i planim dispela yam long gaden pinis na sanapim ol spia bilong em long pait. Yam i kamap bikpela na groa i go antap long ol dispela spia.

Dispela stori i bihainim as we ol pipel i save long planim yam nau.

Morea Ua'a
BOMANA



Ol meri i no save olsem boi nogut i slip antap na glasim ol gut tru.

I no long taim Kanage i abrusim wanpela han bilong diwai na pundaun i go daun namel stret long ol meri. Wantu tasol em sanap na askim ol, "Yupela ges, mi kam long we?" Ol meri kalap nogut stret. Olsem na ol i no bekim wanpela toktok.

Bihain em giaman singaut i go antap long maunten, "Mi no sanap gut na yu paitim mi ya!" Em singaut olsem na ran i go antap long bus.

Samting tru em Kanage i kisim taim. Olsem na em go sindaun long bus, na holim lek wantaim han bilong em i stap.

Camellos Gidison
GOROKA

□ Wanpela manki Eno i hangre stret na sisti i go insait long Okari Fast Food long balm wing bilong kakaruk na kaikai. Meri Filipino i askim em, "Yu laikim wanem?" Na bi ya i bekim, "I want four chicken feathers."

Meri Filipino i longlong olgeta. Em i no save long wanem samting boi ya i askim.

Bihain em kisim tingting na tokim liklik boi olsem, "Sori mipela i no save salim gras bilong kakaruk."

Ol arapela wokman insait long stua i lukim olsem na kilim skin stret long lap.

Negi Fane
MOSBI

□ Tambu meri bilong Kanage i dai na planti manmeri tru i kamap pulap long kral long bodi bilong em.

Ol man i bung long haus boi na sindaun stori i stap. Na ol meri i sindaun stori wantaim meri bilong Kanage long wanem samting susa bilong Kanage i save mekim bipo long em i dai. Bodi bilong tambu meri i stap namel long ol meri.

Kanage i lusim ol man na go long sekim bodi bilong tambu meri. Em wokabaut i go na sindaun namel long ol meri, klostu long bodi.

Em nau. Em i kirap na kral strong tru. Sem taim em i kapupuk na olgeta meri i lukluk strong long em. Kanage i sem pinis tasol em i giaman na bekim olsem, "We lau, sori tambu bilong mi i dai na kapupuk olsem taim em i stap laip."

Tasol no gat. Em Kanage yet i kapupuk. Na sutim tok nating long dalman.

Francis Wane

Dokta i mas sekim bodi bilong yutupela wantaim



Dia LAIPLAIN,

Mi na man bilong mi save amamas long slip wantaim; mitupela wantaim i gat bikpela laik long kamapim wanpela pikinini. Tasol mi no bel yet, bihain long mitupela i bin marit long wanpela yia nau.

Man bilong mi i krosim mi. Bikos em i ting samting i rong long bel bilong mi. Na i save toktok long pinisim em.

Mi bilip olsem mi no gat asua long bel bilong mi. Olsem na mi bal mekim wanem samting long bel bilong mi, bai mi ken karim wanpela pikinini?

DESPERATE

Dia PREN,

Mipela i sori tru long yu no karim wanpela pikinini. Na man i wok long sutim tok long yu.

Plantu marit i wankain olsem bilong yutupela. Taim ol yangpela man i marit, ol i laikim wanpela pikinini.

Sampela meri i no save karim pikinini long tu o tripela yia bihain long ol i marit. Nau yet yu no karim pikinini, olsem na no ken ting olsem yu i no inap long karim pikinini.

Man bilong yu i no gat gutpela as long pinisim yu, bikos yu no karim pikinini. Yutupela i no marit longpela taim yet long painimaut olsem yutupela i no inap kamapim pikinini o no gat.

Ating samting i mas rong tu long wara bilong man. Na ating samting i mas rong tu long bodi bilong yu.

I no gutpela long yutupela i sutim tok i go i kam namel long yutupela yet.

Sapos yu no bel yet bihain long narapela yia, yu mas i go long wanpela klinik o helt senta klostu long yu, na askim ol helt woka long sekim bodi bilong yutupela wantaim.

MI LAIPLAIN



• Ol palaman i wok long stapim pala long bikpela haus long Godons long Mande. Tripela haus olgeta i pala na lusimplanti samting kos bilong ol i olsem K100,000.



MUSIK na TELEVISIEN

Amerika Top 40

Amerika brasben bai meknais long Mosbi

WANPELA narakain musik ben bilong Amerika bai kam long Mosbi long Fraide, 8 Novemba, 1991. Dispela ben i no olsem ol lektrik rokenrol ben.

Nem bilong dispela ben em *The Dirty Dozen Brass Band* bilong Nu Ollins. Ol bai stap pilai tasol long Mosbi na bihain bai ol i go long Filipin Allan.

The Dirty Dozen Brass Band bai pilai namba wan taim long Sarere long Islander Traveodge hotel long Walgani Driv. Dispela namba wan so bilong ol bai stat long 7 klok apinun na pinis long 9 klok nait.

Mani bilong baim dua long dispela taim em K35 long wan man o meri.

Tasol prais bal kam daun olgeta long K5 long Sande, 2 klok i go Inap long 4 klok apinun taim ben i pilai long Konvesen rum bilong Islander Travelodge hotel yet. Dispela so i bilong givim sans long olgeta grasruts manmeri nabaut long kamap na lukim. Na tu em i gutpela sans bilong ol pikinini.

Dispela em i namba wan taim bilong kain musik ben olsem bilong Amerika long kam pilai long Papua Niugini. Tasol ol lain bilong Amerika Embasi i tok olsem ben i no Inap go limlimbur long ol narapela hap bikos em i no gat taim.

Ripot i tok dispela wokabout bilong *The Dirty Dozen Brass Band* i kam aninit long wanpela blkpela limlimbur progrem bilong ol. Ol i pinisim nau olgeta hap bilong Yurop na kam olsem long Papua

Niugini. Long hia, ol bai go long ol narapela kantri long Saut Is Esia rijon.

Wokabout bilong dispela musik grup i kam long Papua Niugini i olsem rot bilong senisim kain pasin tumbuna na stail bilong ol wantaim yumi. Ol i laik soim mipela wanem samting ol i gat long en na mipela tu bal soim ol samting em mipela i gat long en. Dispela em long salt bilong musik.

Olsem na long taim ol i wokabout, *The Dirty Dozen Brass Band* bai holim wanpela liklik kos long skul bilong musik long Yunivesiti. Dispela kos bai kamap long Sarere stat long 1 klok apinun i go Inap long 3 klok. Na olgeta kain kain musik man, meri, ben na grup i ken kamap. Dispela bung i no bilong ol blkpela lain tasol. No gat. Em i bilong olgeta lain wantaim.

Ol memba bilong *The Dirty Dozen Brass Band* i bin bung wantaim long 1977. Long dispela taim, ol i save pilai nabaut wantaim ol kain kain brasben o raun nating long Nu Ollins. Nem bilong ol i bin stat tu long ol pati we i save kamap long Dirty Dozen Social and Pleasure Club long Nu Ollins. Na long olgeta pati bilong en, klap i save kisim dispela ben olgeta taim. Olsem na i no long taim, ol i senisim nem na kamap olsem *The Dirty Dozen Brass Band*. Em nau, dispela nem i pas maski ol i

gat 8-pela memba tasol. Na i no 12-pela olsem tok tok bilong nem ol i kisim.

Namba wan taim bilong ol long kamap pilai long ol bikpela musik resis em long 1979. *The Dirty Dozen Brass Band* i kamap resis long Heritage Festival long Nu Ollins.

Namba wan wokabout bilong ol i go long ovasis i bin kamap long 1982 taim ol i go long Groningen long Holan. Na bihain long dispela, ol i statim nau ol wokabout i go long samting olsem 21 arapela kantri

pinis. Na Papua Niugini em i wanpela bilong ol nau.

The Dirty Dozen Brass Band i bin katim pinis 5-pela musik kaset. Wanpela em long dispela yia tasol.

Ol i kollim dispela kaset olsem "The New Orleans Album" na i stap nau long ol stua (Mi no klia long Papua Niugini). Long dispela kaset, ol 8-pela memba bilong *The Dirty Dozen Brass Band* i soim tru save bilong ol long musik. I gat wanpela singsing tasol long salt A em i gat ol tok tok long en.



1. EMOTIONS - Mariah Carey
2. DO ANYTHING - Natural Selection
3. ROMANTIC - Karyn White
4. HOLE HEARTED - Extreme
5. CAN'T STOP THIS THING WE STARTED - Bryan Adams
6. CREAM - Prince and The N.P.G.
7. REAL REAL REAL - Jesus Jones
8. SOMETHING TO TALK ABOUT - Bonnie Raitt
9. GOOD VIBRATIONS - Marky Mark & The Funky Bunch featuring Loleatta Holloway
10. O.P.P. - Naughty By Nature
11. DON'T WANT TO BE A FOOL - Luther Vandross
12. I ADORE MI AMOR - Color Me Badd
13. EVERYBODY PLAYS THE FOOL - Aaron Neville
14. THE ONE AND ONLY - Chesney Hawkes
15. LOVE.. THY WILL BE DONE - Martika
16. HEY DONNA - Rythm Syndicate
17. DON'T CRY - Guns 'N' Roses
18. RUNNING BACK TO YOU - Vanessa Williams
19. ENTER SANDMAN - Metallica
20. SET THE NIGHT TO MUSIC - Roberta Flack with Maxi Priest
21. WITH YOU - Tony Terry
22. IT'S HARD TO SAY GOODBYE TO YES TERDAY - Boyz 11 Men
23. LOVE OF A LIFETIME - Firehouse
24. I WONDER WHY - Curtis Stigers
25. WHEN A MAN LOVES A WOMAN - Michael Bolton
26. LET'S TALK ABOUT SEX - Salt-N-Pepa
27. THAT'S WHAT LOVE IS FOR - Amy Grant
28. MOTOWNPHILLY - Boyz 11 mens
29. KISS THEM FOR ME - Siouxsie and the Banshees
30. GET OFF - Prince and the N.P. G.
31. WALK THROUGH FIRE - Bad Company
32. NOW THAT WE FOUND LOVE - Heavy D. and the Boyz
33. BLOWING KISSES IN THE WIND. - Paula Abdul
34. SET ADRIFT ON MEMORY BLISS - P.M. Dawn
35. GET A LEG UP - John Mellencamp
36. MY HEART BELONGS TO YOU - Russ Irwin
37. JUST WANT TO HOLD YOU - Jasmine Guy
38. STREET OF DREAMS - Nia Peebles
39. LIES - EMF
40. (EVERYTHING I DO) I DO IT FOR YOU - Bryan Adams

EMTV

THURSDAY 7TH NOVEMBER, 1991	FRIDAY 8TH NOVEMBER, 1991	SATURDAY 9TH NOVEMBER, 1991	3.00 SPORTS DUNDAY 5.00 BONANZA "Case of Severe Matrimony" (G) 6.00 NAT. EMTV NEWS (G) 6.30 CHIT CHAT WITH SIR PAULIAS MATANE 6.35 DISNEY MOVIE "Chandra Black Leopard Of Ceylon" Part 1 (G) 7.30 60 MINUTES 8.22 EMTV TOK SAVE 8.25 NATIONAL EMTV NEWS UPDATE 8.30 SUNDAY NIGHT MOVIE "The Bndal Path" (G) 10.00 MAN ABOUT THE HOUSE "Match of the Day" (PGR) 10.30 LUMEN 2000 11.27 MEDITATION 11.30 STATION CLOSE	5.29 EMTV NEWS BREAK 5.30 HOME AND AWAY (G) 6.00 NATIONAL EMTV NEWS 6.30 A CURRENT AFFAIR (G) 7.00 SALE OF THE CENTURY 7.25 EMTV NEWS UPDATE (G) 7.30 NEIGHBOURS (G) 8.00 THE YOUNG DOCTORS 8.52 EMTV TOKSAVE 8.55 EMTV NEWS UPDATE 9.00 COUNTRY PRACTICE 9.54 EMTV NEW UPDATE 9.59 EMTV NEWS MAGAZINE 10.00 21 JUMP STREET "A.W.O.L." (PGR) 10.57 MEDIATION WITH PASTOR WALO ARNI 11.00 STATION CLOSE	6.00 NATIONAL EMTV NEWS 6.30 A CURRENT AFFAIR 7.00 SALE OF THE CENTURY 7.25 EMTV NEWS UPDATE 7.30 NEIGHBOURS (G) 8.00 THE YOUNG DOCTORS 8.54 EMTV TOK SAVE 8.59 EMTV NEWS UPDATE 9.00 A COUNTRY PRACTICE 9.59 EMTV NEWS UPDATE 10.00 THE EQUALIZER (PGR) "Regrets Only" 10.59 MEDIATION WITH PASTOR WALO ARNI 11.00 STATION CLOSE	8.52 EMTV TOKSAVE 8.55 EMTV NEWS UPATE 9.00 WEDNESDAY NIGHT MOVIE (G) "It's In The Air" 10.27 MEDITATION WITH PASTOR WALO ARNI 10.30 STATION CLOSE
6.00 TEST PATTERN AND MUSIC 5.27 STATION OPEN 5.30 ITN WORLD NEWS 6.00 TODAY SHOW (G) 8.00 STATION CLOSE 1.42 STATION RE-OPEN 1.45 MIDDAY WITH RAY MARTIN (PGR) 3.00 SESAME STREET 4.00 KIDS KONA 4.30 HUCKLEBERRY HOUND 5.00 HOGAN'S HEROES "Movies Are Your Best Escape" 5.27 EMTV TOKSAVE 5.29 NATIONAL EMTV NEWS BREAK 5.30 HOME AND AWAY 6.00 NATIONAL EMTV NEWS 6.30 A CURRENT AFFAIR 7.00 SALE OF THE CENTURY 7.25 EMTV NEWS UPDATE (G) 7.30 NEIGHBOURS (G) 7.52 EMTV TOKSAVE 7.55 EMTV NEWS UPDATE 8.00 THE COSBY SHOW "Bad Dreams" 8.24 EMTV NEWS UPDATE 8.29 EMTV NEWS MAGAZINE 8.30 ALL TOGETHER NOW "Emotional Rescue" 8.59 EMTV NEWS MAGAZINE 9.00 BEYOND 2000 10.00 BURKE'S BACKYARD 10.57 MEDITATION WITH PASTOR WALO ARNI 11.00 STATION CLOSE	4.00 TEST PATTERN AND MUSIC (G) 5.27 STATION OPEN 5.30 ITN WORLD NEWS (G) 6.00 TODAY SHOW 8.00 STATION CLOSE 1.42 STATION RE-OPEN 1.45 MIDDAY WITH RAY MARTIN (PGR) 3.00 SESAME STREET (G) 4.00 FLINTSTONES F FROLICS (G) 4.30 HUCKLEBERRY HOUND 5.00 HOGAN'S HEROES (G) "Go Light on the Heavy Water" 5.27 EMTV TOKSAVE 5.29 NATIONAL EMTV NEWS BREAK (G) 5.30 HOME AND AWAY (G) 6.00 NATIONAL EMTV NEWS 6.30 A CURRENT AFFAIR 7.00 SALE OF THE CENTURY 7.25 EMTV NEWS UPDATE 7.30 NEIGHBOURS (G) 8.00 HEY DAD (G) 8.26 EMTV TOK SAVE (G) 8.29 EMTV NEWS UPDATE (G) 8.30 AUSTRALIA'S FUNNIEST HOME VIDEO SHOW 8.54 NATIONAL EMTV NEWS UPDATE 8.59 EMTV NEWS MAGAZINE 9.00 FRIDAY NIGHT MOVIE "The Constant Husband" 10.27 MEDITATION 10.30 STATION CLOSE	8.00 TEST PATTERN AND MUSIC 11.57 STATION OPEN 12.00 WIDE WORLD OF SPORTS 5.00 TO BE ADVISED 5.27 EMTV TOK SAVE 5.29 EMTV NEWS BREAK 5.30 GILLETTE 6.00 NATIONAL EMTV NEWS (G) 6.30 HEY HEY IT'S SATURDAY (G) 8.22 EMTV TOKSAVE 8.25 EMTV NEWS UPDATE 8.30 HAWAII 5-0 (PGR) "Vashon The Father" 9.29 EMTV NEWS MAGAZINE 9.30 GUNSMOKE "Sam McTavish" (PGR) 10.30 THE WACKIEST SHIP IN THE ARMY "Brother Love" 11.27 MEDITATION 11.30 STATION CLOSE SUNDAY 10TH NOVEMBER, 1991 8.00 TEST PATTERN AND MUSIC 9.57 STATION OPEN 10.00 WIDE WORLD OF SPORT 12.00 BUSINESS SUNDAY 1.00 SUNDAY 2.30 GILLETTE	4.00 TEST PATTERN AND MUSIC 5.27 STATION OPEN 5.30 ITN WORLD NEWS (G) 6.00 TODAY SHOW (G) 8.00 STATION CLOSE 1.42 STATION RE-OPEN 1.45 MIDDAY WITH RAY MARTIN (G) 3.00 SESAME STREET (G) 4.00 FLINTSTONES FROLICS (G) 4.30 HUCKLEBERRY HOUND (G) 5.00 HOGAN'S HEROES (G) "Happiness is a warm Sergeant" 5.27 EMTV TOK SAVE (G) 5.29 EMTV NEWS BREAK 5.30 HOME AND AWAY (G)	4.00 TEST PATTERN AND MUSIC 5.27 STATION OPEN 5.30 ITN WORLD NEWS 6.00 TODAY SHOW 8.00 STATION CLOSE 1.42 STATION RE-OPEN 1.45 MIDDAY WITH RAY MARTIN (G) 3.00 SESAME STREET (G) 4.00 FLINTSTONES FROLICS (G) 4.30 HUCKLEBERRY HOUND (G) 5.00 HOGAN'S HEROES (G) "The Scientist" 5.27 EMTV TOK SAVE 5.29 EMTV NEWS BREAK 5.30 HOME AND AWAY (G) 6.00 NATIONAL EMTV NEWS 6.30 A CURRENT AFFAIR 7.00 SALE OF THE CENTURY 7.25 EMTV NEWS UPDATE (G) 7.30 NEIGHBOURS 8.00 MEKIM MUSIK	WEDNESDAY 13TH NOVEMBER, 1991 4.00 TEST PATTERN AND MUSIC 5.27 STATION OPEN 5.30 ITN WORLD NEWS 6.00 TODAY SHOW 8.00 STATION CLOSE 1.42 STATION RE-OPEN 1.45 MIDDAY WITH RAY MARTIN (G) 3.00 SESAME STREET (G) 4.00 FLINTSTONES FROLICS 4.30 HUCKLEBERRY HOUND 5.00 HOGAN'S HEROES (G) "The Scientist" 5.27 EMTV TOK SAVE 5.29 EMTV NEWS BREAK 5.30 HOME AND AWAY (G) 6.00 NATIONAL EMTV NEWS 6.30 A CURRENT AFFAIR 7.00 SALE OF THE CENTURY 7.25 EMTV NEWS UPDATE (G) 7.30 NEIGHBOURS 8.00 MEKIM MUSIK	G - General Exhibition PGR - Parental Guidance Required AO - Adults Only

WANTOK

NIUSPEPA BILONG OL PAPA NIUGINI STRET

PABLIK NOTIS

Sapos yu laik advertais, telepon 25 2500 na askim long

PH: Miri Aiori - Ext. 203
John Iagata - Ext. 215
Kosinto Fosagu - Ext. 216

PABLIK NOTIS

1991 MINIMUM WAGES BOARD

Pablik i mas save nau olsem Minimum Wages Board i sekim nau Minimum Wages Board Determination (Namba 1 ov 1989). Ol pipel i ken mekim sabmisen o raitim sabmisen o tingting bilong ol i go long Bod.

Ol samting long aninit bai i helpim yupela long redi wanpela sabmisen bilong givim i go long Bod long skelim.

Terms of Reference

Lukluk long ekonomi bilong mipela long nau yet na bihain taim ekonomi bilong mipela i groa na kamap gupela, na tu hevi bilong no gat inap wok em ol yut i bungim nau bikos namba bilong wok i go daun stat long 1989 Minimum Wages Bod hearing, em hevi long Bogenvil i kamap na prais bilong ol kes krop i wok long pundaun yet; na

No ken lus tingting long wanem samting baset bilong bai i skelim long kamapim praimerik ekonomik developmen long kamapim inap wok, daunim hevi bilong lo na oda, kamapim gutpela sindaun bilong ol pipel long rurel eria, na givim wankain gutpela pe i o long long olgeta manmeri bilong Papua Niugini, na wanem samting bai i kamap long tingting bilong Bod long skelim wok bilong Gavman long ol developmen em i plenim long kamapim insait long kantri; na

Lukluk tu long gutpela wok bung bilong industri long pulim moa invesmen i kam insait long kantri, bikos dispela bai helpim long kamapim moa wok insait long kantri;

Bod i redi long lukluk, na makim wanem kain senis, na de dispela senis bai i kamap, wantaim taim bilong dispela kain senis. Dispela em bilong olgeta o sampela minimum wages o pe long mak bilong tripela yia na:

1. Long skelim na makim gutpela senis long pe olsem i stap long wage adjustment em i bin kamap long Minimum Wages Board determination Namba 1 bilong 1989. Na long painimaut sampela we long mekim pe i luk moa gutpela long pawa bilong ekonomi long rurel eria.
2. Long skelim na makim gutpela pe long ol wokman insait long ol Level 1 na Level 2 senta.
3. Long skelim na makim stretpela pe em ol yut i save kisim nau long rurel eria (dispela em ol yut husat i wok long ol plantasin sekta), wantaim tingting long no ken apim pe tumas. Bikos ol rurel kampani i ken kisim planti wokman. Dispela em long taim nau we planti yut i no gat wok na stap nating. Na tu mas tingting long prais bilong ol kes krop em i go daun daunblo tru nau (Lukim NEC Decision Namba 36/91).
4. Long sekim na makim olgeta olpela Minimum Wages Board Determinations bilong Camping Allowens, Hevi Duti Allowens, Rurel Margins bilong Skil, Tool Allowens na Rurel Hadsip Allowens."

Bod bai i holim pablik hearing long Mosbi long Desemba 2, 1991. Ol pipel husat i laik helpim i mas raitim sabmisen bilong ol na givim i go long bod.

Ol pipel husat i laik helpim i mas toksave long Eksekutiv Opisa, Minimum Wages Bod, P O Box 5644, Boroko o ring long telepon namba 27-2273/27 o 272271. Dispela bai i helpim Bod long makim stretpela de, taim na ples bilong holim ol bung insait long kantri.

Yu ken kisim wanpela kopi bilong Terms ov Reference na program bilong Bod long sem opis

MARGARET LAYMETTE ELIAS
Chairperson
Minimum Wages Board

TOK SAVE I KAM LONG KOPI INDUSTRI KOPRESEN LONG GOROKA

PABLIK TOK SAVE

Hettok: Kopi Stabilais- esen Fand Halivim Kopi Prais

Dispela toksave ikam long Het opis bilong Kopi Industri Kopresen (Coffee Industry Corporation - CIC) long Goroka na i go long olgeta kopi pama o groas.

Stat long namba wan (1) dei long dispela mun (Novemba), Gavman i givim Baunti moni long halivim apim prais bilong kopi, i go antap. Olpela Baunti Moni em i bin stap olsem 24 toea long wanwan kilogram. Stat long namba wan (1) dei long dispela mun (Novemba) em i go antap pinis long 28 toea long wanwan kilogram.

Namba wan (No. 1) Drai Kopi em bai 28 toea. Pastaim em i 24 toea. Dispela bounti moni bai Kopi Pama o gross inap kisim long fektori doa tasol. Sapos yu salim long rot nambaut bai prais igo daun likik.

Baunti em Halivim Moni groas inap kisim antap long wol maket prais bilong kopi.

Olgeta kopi baiya long rot sait, stua or fektori i mas klia olsem i gat senis long prais bilong namba wan (No. 1) Drai Kopi. Em mas go antap long 28 toea long wanwan kilogram.

Long 3 pela mun i go pinis, prais bilong kopi long wol maket i daun tru. Olsem na baunti moni i mas go antap.

I gat pasin bilong bihainim long putim baunti i go antap or i kam daun. Dispela pasin em ol i save sekim long olgeta wanwan mun.

Yupela i save pinis olsem moni long Stabilaisesen Fand bilong kopi i pinis long taim. Long dispela taim nau yumi stap long halivim i kam long Gavman. Dispela halivim long Gavman bai stap inap long yia 1995. Em bai givim taim long yupela ol kopi pama o groas long mekim ol senis long stretim sindaun bilong yupela long kain taim nogut.

WANTOK

NIUSPEPA BILONG OL PAPUA NIUGINI STRET

PABLIK NOTIS

Sapos yu laik advertais, telepon 25 2500 na askim long

PH: Miri Aiori - Ext. 203
John Iagata - Ext. 215
Kosinto Fosagu - Ext. 216
Bonner Hui - Ext. 202

BOOK MAKING EKT 1974

Ol man i ken aplai nau long
kisim Bookmakers Laisens
long Wabag long Enga
provins.

Sapos yu laik save moa
long wanem samting yu mas
gat bipo long yu aplai na tu
ol aplikesen fom, yu ken
kisim long:

CHIEF COLLECTOR OF
TAXES
P.O BOX 502
PORT MORESBY

o ring long telepon namba
226718

Ol aplikesen bai pas long 19
Novemba 1991.

NAGORA BOGAN
CHIEF COLLECTOR
OF TAXES

**All the
league
news**

when it happens!

every week
in your
Wantok
&
Times

RIT NA SAVE

Wantok - Niuspepa
bilong PNG stret



TOTAL HARDWARE

Bikpela
tok amamas i
go long Elcom
long opening
bilong Yonki
Hydro Electric
projek.

Gutpela wok tru.

TOTAL HARDWARE

●LAE
P.O. Box 675, Lae.
Phone: 42 1476
Fax: 42 2062

●MT HAGEN
P.O. Box 1, Mt. Hagen.
Phone: 52 2285
Fax: 52 2140





SOFBAL

Raun bilong Madang sofbal pinis long las wiken

MADANG Sofbal Asosiesen i pilai pinis raun tu resis bilong dispela yia. Na planti tim i kamapim gutpela na strongpela gem long husat bai pilai insait long gran fainal.

Nau yet resis i strong tumas na planti tim i kamapim wankain gem. Dispela i soim long namba bilong ol skoa long resis bilong

raun tu. Las wiken olgeta A gret tim bilong ol man i kamapim gutpela na strongpela gem. Waterboard i traim bun wantaim ol wan kampani Kinhill Krammer tasol tupela i gat wankain strong long putim wankain namba bilong skoa 10-10. Niu Taun Jets i bungim Karanas long narapela gutpela gem.

Tupela wantaim i kamapim gutpela gem long holim skoa i stap long liklik namba 14-14 na narapela gutpela gutpela tim Kabiui i fofitim wan solwara bilong em Bismak long kisim nating tupela poin.

Namba wan gem namel long Waterboard na Kinhill Krammer, na namba tu gem namel

long Niu Taun Jets wantaim Karanas i gutpela. Ol dispela 4-pela tim i kamapim gutpela gem stret long ai bilong ol sapota bilong ol.

Pianti manmeri i amamas long ol dispela tim bikos ol pilaia pilai gutpela gem stat long namba wan inings i go inap long namba 7 inings. Tasol skoa i no bikpela tumas. Nau

yet olgeta tim i gat bikpela tingting long kamapim moa trening long i stap insait long fes 4 long pilai long gran fainal.

Poin lata bilong ol A gret tim bihain long las wik gem i soim olsem Kabiui i go pas long 11 poin, Waterboard, Kinhill Krammer na Karanas i bihainim long 9-pela poin. Narapela gutpela na strongpela tim, Niu Taun Jets i ran bihain long 6 poin na Bismark i mas tainim bun long putim mak long skoabod yet.

Poin lata bilong ol arapela tim i no kamap yet bikos planti tim i no pilai stret long taim ol opisal i makim long em. Long resis bilong dispela yia ol B gret man na meri bai tripela raun. Na ol A gret man wantaim ol arapela junia gret bai pilai 4-pela raun.

Tarangau i no gat nem long A gret tasol em i gat tim bilong B gret, bilong man na meri wantaim. Tasol las wik ol B gret boi i rausim tim bilong ol long resis.

Waterboard lusim ol pilaia

SOFBAL tim bilong ol meri Waterboard long Madang bai lusim ol pilaia bilong em liklik taim.

Dispela em bikos sampela meri husat i save pilai long Waterboard i skul meri bilong Divine Word Institut. Olsem na ol bai go long ples bilong ol long taim ol i pasim skul.

Dispela bai givim hat taim long klap bikos A gret tim bilong i winim

gutpela ples long kamap namba 4 long lata.

Ol studen meri husat i save pilai em, Elizabeth Tobung, Elizabeth Tami na Jenny.

Tresera bilong asosiesen Joseph Zare i tok sapos ol nupela meri i laik pilai, ol i ken baim K6 fi bilong pilaia rejistresen i go long asosiesen. Dispela em wankain tu long ol man.



• Stail ya: Dispela sofbal pilaia i soim tru stail bilong em olsem pitsa bilong sofbal long Mosbi sofbal resis long las wiken. Sofbal sisen i stat nau long Mosbi.

PORT MORESBY MEN'S SOFTBALL WEEK-END DRAWS Sunday November 10, 1991

Time	Fld	Div	Game	
10.30	1	A	F/Gazelle	vs NGI Taubar
12.00	1	A	Brown Eagles	vs Elcom
1.30	1	A	Fuji	vs Karanas
3.00	1	A	Manalos	vs Island Hawks
4.30	1	A	Malangan	vs Chebu
10.30	3	B	Malangan	vs Hoodsco
12.00	3	B	Fuji	vs Aviat
1.30	3	B	Island Hawks	vs NBC
3.00	3	B	Brown Eagles	vs Elcom
4.30	3	B	F/Gazelle	vs NGI Taubar
9.00	1	C	NGI Taubar	vs Fuji
10.30	2	C	Karanas	vs Island Hawks
12.00	2	C	Don Bosco	vs Royals
1.30	2	C	De La Salle	vs Manalos
3.00	2	C	Malangan	vs Chebu
4.30	2	C	Hoodsco	vs City Tigers

PORT MORESBY WOMEN'S SOFTBALL ASSOCIATION INC. SATURDAY 9TH NOVEMBER, 1991.

DIAMOND 1	TEAM		TEAM	GR	UMPIRE
0900	NGI	vs	Chebu	D	Simitap/Mesak
1030	Malagan	vs	Yokomo	A	Naron/Sorang
1200	Elcom	vs	Chebu	A	Duba/Knox
1330	A/United	vs	NGI	A	Talim/Sorang
1500	Wantoks	vs	Fuji	A	Tera/Paivu
1630	Mazda	vs	GI Gazelle	A	Sogai/Avuchulas
DIAMOND 2					
0900	Bomana Police	vs	Royals	D	Tadigu/Terra
1030	Aviat	vs	Karanas	D	Mesak/Simitap
1200	Chevron	vs	GI Gazelle	C	Pasok/Taule
1330	Malangan	vs	DTI	C	Evald/Tovia
1500	Yokomo	vs	Elcom	C	Tadigu/Pialkolos
1630	A/United	vs	Karanas	C	Talim/Mesak
DIAMOND 3					
0900	UPNG	vs	JJ Garamut	D	Avuchulas/Sogai
1030	UPNG	vs	Fuji	B	Tovia/Evald
1200	Royals	vs	Wantoks	B	Tokome/Tokome
1330	Medics	vs	Mazda	B	Naron/Ravu
1500	Aviat	vs	Dodgers	B	Knox/Taule
1630	Tarangau	vs	Hanza Bay	B	K. Paivu/Duba

Dodgers 'D' Grade - Bye



BENSON and HEDGES

Goroka bai lukautim 1992 kik bilong ol meri Kaycee autim Wewak volibal taitel

PNGFA i pasim tok orait pinis long lukautim 1992 Nesenel Wimens sempionsip Goroka.

Goroka Soka Asosiesen bai i lukautim dispela resis long namba 17 de i go inap long 20 Epril, 1991 long lsta wiken.

Tok orait ya i bin kamap long 1991 Benson & Hedges Nesenel Klap sempionsip long Mosbi. Dispela em long tupela wik i go pinis. Presiden bilong 10-pela klap husat i kamap long sempionsip i bung wantaim ol opisal bilong nesenel soka bodi, na i kamap long dispela tok orait.

Seketeri bilong PNGFA Idris Kumbruwah i tok ol i bin toktok long sempionsip bilong ol meri na eksekutiv i oraitim dispela tingting.

Em i tok Goroka i redi tru long lukautim dispela sempionsip bilong ol meri long neks yia. Sapos ol i no inap long senisim tingting long holim dispela sempionsip long Lae, Goroka bai go het long lukautim dispela bikpela kik bilong ol meri.

Kumbruwah i tok i bin gat planti tingting long Lae Futbol Asosiesen i lukautim dispela sempionsip long Lae siti. Na sapos Lae i no redi bai Goroka i ken holim. Tasol nau yet PNGFA i oraitim pinis Goroka long go het long mekim wok rere bilong lukautim kik ya.

PNGFA i bin makim Lae long lukautim 1991 Nesenel Wimens sempionsip. Tasol LFA i gat sampela kain asua

nabaut. Olsem na em i no rere long lukautim dispela kik.

Long dispela as na PNGFA i bin senisim taim na ples bilong kik i go long Hagen. Tasol

sampela asua i kamap na PNGFA i stapim sempionsip ya long kamap long dispela yia.

Kumbruwah i tok sapos Lae i gat hevi

yet na i no inap long lukautim dispela gem, Goroka bai i redi tasol long lukautim Kumbruwah i save wok long Nesenel Spot Institut (NSI) long Goroka yet.



• Strongpela gem stret ya. Dispela em stat bilong Pablik Sevans soka resis long Mosbi long las wiken.

CHARLES MALENKI i raitim

WEWAK Volibal Asosiesen i bin holim bikpela gren fainal bilong em long las

wiken long Sarere Novemba 2, 1991 wantaim bikpela amamas taim seketeri bilong dipatmen ov Is Sepik, Bela Seiloni i opim dispela gren fainal.

Long makim ol referi bilong Wewak, Dokta Hapo Maliaki bilong Lae Volibal Asosiesen i bin kamap long dispela gren fainal. Long opim dispela pilai i bin gat tumbuna singsing em ol boi Kaycee Yut bilong Kreer Kompaun i bin putim kamap.

Bikpela gren fainal pilai i bin kamap namel long tupela biknem tim bilong resis, Kaycee na Spiders klap. Tupela i pilai long tupela gret wantaim, A na B.

Long pilai bilong A gret, ol boi bilong Kaycee i bin strongim banis bilong ol taim ol i rausim ol boi hetwara (Kuia) Spiders long tripela set, na Spiders i skoarim tupela set tasol. Long B gret, Kaycee i wkim wankain pasin long ol boi Spi-


ders na win 3 set- 2 set.

Long pilai bilong ol meri long A gret, ol meri Brandi haikul i soim olsem ol i gat namba long pilai volibal, na i autim tiket bilong Westpac Bankers tripela set-tupela set.

Long B gret, ol meri Bimisco i autim tiket bilong ol skul meri bilong Bisop Leo haikul tripela set-wanpela set. Bimisco em wanpela nupela nem tim.

Bihain long ol pilai, presiden bilong Wewak Volibal Asosiesen, Andrew Warisan i salim bikpela tok tenkyu na amamas i go long ol opisal na eksekutiv long mekim dispela gren fainal i kamap gutpela.

Presiden i salim bikpela tok tenkyu i go long menesa bilong SP Brewery, Rais Industri, Wewak Hotel, Garamut Enterprise, PNGBC, Water Board, Prinsipel bilong kaindi Tise Koles, na ol opisal wantaim pilaia na sapota bilong Kaycee na Siders klap.



Royals autim tupela Mendi basketbal taitel



• Nancy Maguna bilong Royals B gret tim i kisim sil bilong em long presiden bilong Mendi Basketbal Asosiesen, Mista Samson Yawa. Poto na stori Eski Fagan.

ROYALS i gat nem nau long Mendi Amatua basketbal resis.

Royals i winim dispela nem bihain long em i autim tupela taitel long A na B gret.

Long A gret resis bilong ol man, Royals i autim Carson 63-58. Na long B gret resis bilong ol meri, Royals i autim Siriens.

Long ol arapela gret em Wes i autim Capuchins long A gret resis bilong ol meri.

Ol dispela gren fainal pilai i bin kamap long las wik em planti basket sapota i kamap na lukim. Ol pilai i bin kamap long Wara Magani basketbal kot.

Bihain long ol gren fainal, presentesen i bin kamap long Wara Magani basketbal kot yet.

Olive Boko na Clea Hou nekim ol meri DCA

EDUKESAN i givim strongpela salens stret long DCA long resis bilong ol meri long Mosbi pablik sevan soka resis long las wiken.

Dispela gem i bin kamap long Sarere 2 Novemba, 1991 taim gem bilong pablik sevans soka i stat. Long dispela taim ol susa na mama bilong Edukesen i opim dispela pablis sevan soka wantaim bikpela skoa stret 5-0.

Ol meri DCA i no gat tru wanpela sans long brukim umben bilong Edukesen. Bikos ol beklain pilaia bilong Edukesen i sanapim strongpela banis tru.

Ol gol bilong Edekesen i kam long tupela straika bilong em, Olive Boko na Clea Hou. Olive i skorim tripela gol, na Clea i skorim tupela. Tupela kas meri ta i daunim tru sans bilong DCA long skoa.

Narapela tupela tim bilong ol meri husat i kam nupela long dispela resis em PNGBC na Dipatmen bilong Praim Minista (DPM). Tupela tim i bin soim pinis olsem tupela i ken autim ol nem tim bilong las yia.

PNGBC i bungim ol meri Tisa na dro wantaim ol long Sande. Gem bilong tupela wantaim i strong na wankain inap long pinis bilong pilai. Tupela tim wantaim i dro 1-1.

Ol meri DPM i pretim stret ol poro meri bilong Teksesen. Tasol ol i no gat inap pawa na i lus 2-0. Tasol Teksesen i no winim dispela gem isi.

Ol i bungi, strongpela salens stret.

Namba tu presiden bilong NCD Pablik Sevans soka asosiesen (PSSA), Jenny Silikava i tok dispela em i nupela taim yet. Olsem na planti tim bai soim trupela pawa bilong ol yet long sampela wik bihain.

Em i tok gem bilong ol meri bai i go strong moa. Bikos ol meri husat i save pilai long Mosbi soka resis bai pilai wantaim sampela tim. PSSA i tambuim tasol namba bilong ol PMSA pilaia long resis bilong ol man, na i no bilong ol meri. Long resis bilong ol man, mas i gat tripela PMSA pilaia tasol long wanpela gem.

Misis Silikava i tok dispela i no sut long ol meri. Ol meri husat i pilai long Mosbi soka resis i ken pilai wantaim tim bilong ol long Pablik Sevans soka resis. Tasol dispela i no bilong olgeta memba bilong famili. Dispela resis i bilong papa na mama tasol. Sapos papa i pablik sevan, mama i ken pilai na i no ol pikinini, anti o susa.

Narapela gutpela resis i bin kamap namel long ol meri Lens na Yunivesiti. Yunivesiti em ol sempion bilong las yia. Tasol ol meri Lens i holim pasim ol gut tru, na ol i dro 1-1.

Raun namba tu bai i kamap long dispela wiken. Olgeta gem bai i kamap long Sarere na Sande long Jemania soka graun.

Oi Pasifik Ailan tingim get "Kapul" bilong SP Gems

STEVEN kalai, Ludwig Peka na mi - Mipela tripela i wokabaut i go long Pos Opis long Vila, biktaun bilong Vanuatu. Mipela i laik go baim sampela stem na salim pas i kam bek long ples.

Mipela i wokabaut i go insait stret long Pos Opis na mipela i harim wanpela Ni-Vanuatu i sain-gaut i go long wanpela poro bilong em insait long Pos Opis. Em i singaut, "Hei, Kapul.... Hei Kapul". Em i singaut strong tru na mipela i harim.

Mipela tripela i bin ting, em tru tru nem bilong ol Vanuatu yet. Olsem na mipela i sanap wetim ol wokman bilong Pos Opis long givim stretpela nem long mipela.

Tasol. Dispela singaut i bin i gat tupela stori long en. Man ya i singautim meri olsem kapul. Bikos tupela wantaim i bin kam stap insait long Saut Pasifik Gems hia

long Papua Niugini. Olsem na wan wan long ol i lukim wanem poro i bin kam hia tu. Em nau bai ol i singautim em olsem. "Kapul".

Narapela samting tu, em tupela i bin laik sekap sapos mipela i bilong Papua Niugini o mipela i bilong Vanuatu yet. Long taim mipela i lukluk long ol, ol i save stret olsem mipela i bilong hia. Olsem na ol i kam na stat stori long Steven Kalai.

Oi i stori long kain kain ol gutpela samting i bin kamap long ol long hia. Planti arapela lain husat i kam tu long hia i bin go bek long ples bilong ol wantaim planti stori tu long tokim wantok bilong ol.

MELENESIA KAP NEKS YIA

Long neks yia, em bai husat ol i



stap insait long skwat bilong Melanesia Kap bai i ken go na sekap sapos stori bilong dispela Saut Pasifik Gems i pinis o nogat-long narapela sait bilong Vanuatu yet, ol man o meri i go inap lukim planti nupela samting.

Nupela palamen haus bilong Vanuatu em klostu i pinis nau na ol i ken go lukim. Narapela bikpela samting em nupela stedium. I gat toktok olsem Melanesia Kap resis bilong neks yia bai kamap long nupela stedium. Olsem na husat i go inap lukim na soim stail bilong ol long nupela stedium.

FIJI - NAU

Oi boi Anda 23 bilong yumi i lusim Papua Niugini long Sande long go olgeta long Fiji. Dispela i bilong kik resis insait long painim husat tru insait long oseaia rijon bai stap insait long bikpela resis bilong ol manki Anda 23 long neks yia.

Oi boi bilong yumi i gat gutpela sans long tupela o tripela gem bilong ol. Sapos ol i winim wanpela tasol, em tu i orait. Dispela bai soim wanem ol eria em kosa na menesa bilong ol inap long wok strong long en, na bihain bai ol dispela boi i kamap gutpela soka pilaia.

Namba wan gem bilong ol bai kamap long dispela Sarere. Bai yumi wet tasol na harim. Mi bilip olsem dispela grup i gat planti ol pilaia we bai stap insait long tim bilong go makim PNG long

Melanesia Kap resis long Vanuatu.

Planti saveman i luk save pinis olsem... Oi asua bilong yumi i no stap long ol pilaia. Nogat. Yumi i gat planti gutpela pilaia. Nau em i taim bilong strongim ol wok administresen long olgeta eria.

WOK ADMINISTRESEN

PNGFA i mas stretim wok administresen bilong en. Oi referi i mas stretim eria bilong ol tu. Oi kosa tu i mas stretim ol yet tu. Wan wan asosiesen i mas mekim wankain. I go daun long wan wan tim tu - Oi tu i mas mekim wankain.

Ating, yumi olgeta i makim 1992 olsem yia bilong stretim administresen bilong soka long olgeta eria mi kolim antap ya.

Pablik sevan soka stat wantaim senis

OL man i singaut, ol diwai i meknais na kain kain samting i kamap long opim namba wan kik resis bilong ol wokman na meri bilong gavman long Mosbi.

Oi namba wan kik bilong 1991-1992 sisen i bin stat long las wik Sarere, 2 Novemba, 1991 long Klap Jemania pilai graun. Na bung bilong opim ol kik i bin stat long 8 klok moning.

Oi tim bilong ol man na meri i biias na sambai long kain kain kala na stail yunifom. Bikos planti i bin laki long painim sponsa bilong helpim ol wantaim ol yunifom samting. Tasol ol arapela i popaia na i mas lukautim ol yet.

Wanpela klap husat i bin laki long dispela yia bilong painim sponsa em Nesenel Providen Fan (NPF) soka klap. Long las sisen, 1990-1991, NPF i no laki tumas long painim sponsa. Olsem na ol i fomim wanpela tim tasol bilong ol man. Na oi meri nogat.

Long dispela yia, Niugini Asset Menesmen (NAM) i lukim olsem NPF i painim sponsa na kwiktaim ol i suvim nus long sapatim ol. Na dispela i givim sans tu long ol wokmeri bilong NPF long fomim wanpela tim. Olsem na NPF i gat wanpela tim bilong ol man na narapela bilong ol meri.

NPF soka klap i bin laki tu bikos ol i no go painim sponsa long ausait, nogat. Sponsa bilong ol, NAM i stap insait yet long opis. Na NAM i wok namel wantaim ol wokman na meri bilong NPF.

Lukluk Bek

Lukluk bek long stat bilong dispela yia, planti tok kros samting i bin kamap long wok bilong Nesenel Providen Fan (NPF). Orait bikpela senis i bin kamap long husat bai lukautim menesmen wok bilong NPF. Na long dis-

pela taim, Niugini Asset Menesmen (NAM) i kam insait. Na wantaim ol em bikpela senis.

NAM i rausim sampela wokman na meri, baim ol nupela kompyuta na mekim ol narapela senis insait long NPF yet. Wantaim ol dispela nupela kompyuta na masin samting, ol memba bilong fan inap kisim nau mani bilong ol. NPF inap redim tu mani bilong ol memba long wokim o baim haus.

Tasol olsem Menesing Dairekta bilong NPF na Fan Menesa bilong NPF, Richard Kassman i tok, "Wok tasol insait long opis i no inap bringim gutpela sindaun na pren namel long menesmen na ol wokman na meri. Menesmen i mas soim tru olsem em i laik wok wantaim ol wokman na meri bilong em."

"Na wanpela bilong ol dispela rot em long sapatim ol pilai em ol wokman na meri i resis long en." Kassman i tok moa olsem NAM i

amamas long sapatim dispela tupela soka tim.

"Mi save olsem dispela tupela soka tim bai helpim long strongim gutpela pren na bel isi pasin namel long ol wokman na meri. Na taim olgeta samting i pinis, ol memba bai amamas tasol long gutpela sevis ol i kisim," em i tok.

Kos bilong olgeta samting em NAM i givim long NPF soka klap inap long K1,500. Na namel long dispela em yunifom bilong ol man na meri, 4-pela soka bal bilong trening na pilai, wanpela bokis (eski) bilong putim ais na ol kolwara samting na wanpela bokis marasin.

Na Niugini Asset Menesmen i helpim tu long prinim ol namba na raitim ol nem long ol yunifom.

Long taim em i kisim ol dispela samting las wik, klap presiden, Augerea Rage i givim bikpela tok amamas long NAM.

Em i tok wanem samting NAM i

mekim i no bilong nau tasol. Dispela kain sapat i soim tru kain pasin em NPF na NAM bai bihainim long wok bilong ol.

"Mipela i amamas long sapat bilong NAM na mipela bai pilai strong long dispela sisen bilong win na stap insait long ol fainal."

Rage i tok NPF tim bilong ol man i bin kik i go inap long namba wan 5-pela ples tasol long 1990-1991 sisen. Na long dispela sisen, NPF i laik mekim nem long tupela resis wantaim.

Long tim bilong ol meri long dispela sisen, wanpela biknem soka meri, Ikanau Matangiau bai go pas long ol. Wantaim ol arapela yangpela na eksperiens pliaia long tim, ol inap kirapim das liklik pablik sevis kik resis bilong ol meri long dispela sisen.

Oi meri NPF i bin holim namba wan kik bilong ol las wiken.

Tim bilong ol man i pulap long planti gutpela soka pilaia.

DAVID UNAGI LEAGUE DRAW
9th and 10th November, 1991
Round One: Game Two

All "A" games on Sunday (10/11/91)
All "B" games on Saturday (09/11/91)

POOL A

Time	Fixtures
10.00am	Eno United vs Kiki Rocks
11.20am	Hella Kens vs Spiders
12.40pm	Bena Youth vs Junipi Warriors
2.00pm	East Kipo vs Kiro Raiders
3.20pm	Grass Root vs Curtain Bros (Si-goi)
4.40pm	West Kongovs Muruks

Bye: PTC Deve

POOL B

Time	Fixtures
10.00am	9 Mile Angras vs Kantie
11.20am	Siko Panthers vs Megusa Roosters
12.40pm	Lufa Youth vs Nupa East
2.00pm	Meuro Tigers vs Furuki
3.20pm	Limestone Bross vs Aeroto Tigers
4.40pm	East Wallabies vs Gouno Nomads

Bye: Warasua

Results of games played last weekend (3/11/91)

POOL A

Bena Youth 8	drew	PTC Deve 8
Grass Roots 8	defeated	Kiki Rocks 4
Eno United 9	defeated	Kiro Raiders 4
West Kongo 10	drew	Spiders 10
Junipi Warriors 2	defeated	Hella Kens 0
Curtain Bros (Si-goi) 6	drew	East Kipo 6

POOL B

Limestone Bross 10	defeated	Meuro 4
Lufa Youth 24	defeated	East Wallabies 8
Kantie 6	defeated	Nupa East 2
Nine Mile Angras 22	defeated	Aeroto Tigers 2
Megusa Roosters 10	defeated	Furuki 6
Siko Panthers 8	defeated	Warasua 4

NCD PUBLIC SERVANTS SOCCER ASSOCIATION DRAWS

Saturday November 9, 1991


No.	Time	Division	Ground	Fixture
1	8.00	Men	NPF	v Nates
2	9.10	Women	NPF	v Teachers
3	10.10	Men	PNGBC	v POSF
4	11.20	Women	PNGBC	v NBC
5	12.20	Men	DPM	v Att/Gen
6	1.30	Women	DPM	v Att/Gen
7	2.30	Women	Health	v Lands
8	3.30	Men	Health	v Lands

Sunday November 10, 1991

1	8.00	Men	Education	v Taxation
2	9.10	Women	Education	v Taxation
3	10.10	Men	PTC	v Home/Aff
4	11.20	Women	PTC	v Home/Aff
5	12.20	Men	Elcom	v DCA
6	1.40	Women	Elcom	v DCA
7	2.40	Women	UPNG	v NHC
8	3.30	Men	UPNG	v NHC

Weekends Bye: NCDC (Men)
Prim/Min (Women)

Tupela nupela Wewak blut joinim Anda 23 tim



• Francis Kusunan



• Terence Soweni

TUPELA yangpela bilong Wewak i joinim pinis Nesenel Anda 23 soka skwat bilong Papua Niugini na i go long Fiji long las wiken. Tupela bai i pilai insait long Osenia soka resis.

Anda 23 skwat i lusim Jacksons ples balus long Mosbi long las Sande moning wantaim 20 pilaia we ol bai i stap 4-pela wik olgeta long Fiji. PNG tim bai i pilaim tupela gem wantaim Fiji, tupela gem wantaim Nu Silan na wanpela gem wantaim Australia.

Olgeta pilaia bilong skwat i kam long Mosbi na tupela tasol long Wewak. Tupela brata ya em Francis na Paul Kusunan bilong Wewak Yunaitet soka tim.

Ol i bin kam pilai long 1991 Benson & Hedges Nesenel Klap sempionsip long Mosbi long tupela wik i go pinis. Wewak Yunaitet i go insait long gren fainal egensim

olpela sempion na nem tim, Mosbi Guria na i lus 3-2.

Hia em nem bilong olgeta 20 pilaia insait long tim: Gewa Aisi, Paul Kusunan, Francis Kusunan, Desmond Waku, Terence Soweni, Batman Furigi, Joe Aisa, Naptali Timothy, Roy Karong, Geno Vevao, Baksi Warong, Ronald Simon, Charles Api, Nouata Inara, Ben Luluai, Didi Saripa, Willie Enosi, Danny Isaiah, Hanz Gawabing na Jackson Ngahan.

Ol opisal bilong tim em kosa Joe Turia, tim dokta Peter Pangatana, tim menesa Moses Murray na teknikel opisa, Hans Radamaher.

Kosa Turia i tokim Wantok long Sarere nait olsem bikpela tingting bilong ol em long stretim wari bilong kantri long taim bilong 1991 Saut Pasifik Gems. Em i tok sapos ol i win o dro long gem bilong

ol, ol i ken amamas long dispela. Bikos ol bai pilaim ol strongpela kantri olsem Australia na Nu Silan.

Turia i bin painim hat liklik long makim skwat bilong em long bipo. Olsem na em i yusim Nesenel Klap sempionsip long makim dispela fainal skwat. Planti pilaia bilong dispela skwat i kam long Guria na Yunivesiti soka klap bilong Mosbi.

Tasol olgeta pilaia ya i save pilai long primia divisen. Na ol pilaia long anda 23 tim bilong ol arapela Osenia kantri i save pilai tu long primia divisen.

Skwat i no bin pilaim wanpela trening gem bipo em i go. I bin gat tingting long wanpela anda 23 tim i kik long Nesenel Klap sempionsip. Tasol dispela i no kamap. Bikos aida ya bai bagarapim sans bilong Mosbi Guria na Yunivesiti.

Turia i tok tu olsem ol bai i yusim dispela tim long makim wanpela skwat bilong redi long narapela Saut Pasifik Gems.

I gat bikpela sori long tim i lusim wanpela gutpela pilaia bilong Lae. As bilong dispela em Lae Futbol Asosiesen i gat sampela dinau wantaim PNGFA em ol i no baim yet. Olsem na dispela pilaia, Eddie Fred i no inap long joinim tim.

Turia i gat bikpela bilip long tim bilong em, na i save olsem ol bai i pilai gut. "Sapos mipela i dro o win, dispela em gutpela amamas," Turia i tok.

Tasol bikpela tingting em long kisim bek gutpela tingting na sapot bilong soka i kam bek. Bikos sapot bilong soka i bin go daun long taim bilong 1991 Saut Pasifik Gems taim nesenel tim i lus.



• Paul Kusunan



• Desmond Waku



• Geno Vevao



• Willie Enosi



• Ben Luluai




• Nouata Iwara



• Charles Api



• Baxie Warong



• Ronald Simon



Hagen Sunam winim stail long Mosbi

SUNAM soka klap bilong Hagen i soim tru stail bilong soka insait

...tasol Motoku lusim sans

STAIL golkipa bilong Wewak Yunaitet soka klap, Max Motoku i lusim sans bilong em long go long Fiji wantaim Nesenel Anda 23 tim.

Yangpela Max i bin pilaim gutpela gem stret long rausim planti gutpela gol long 1991 Nesenel Klap sempionsip em i bin kamap long Mosbi long tupela wik i go pinis. Na dispela i opim ai bilong ol nesenel selekta, na ol i putim nem bilong em insait long Anda 23 tim.

Tupela arapela Wewak Yunaitet pilaia ol selekta i kisim tu em tupela Kusunan brata, Paul na Francis. Tupela i stap insait long fainal 20 pilaia tim husat i lusim Mosbi long Sande 2 Novemba, 1991.

Tupela Kusunan brata tasol i kam long ol ausait provins. Olgeta 18 arapela pilaia long tim i bilong Mosbi tasol. Gutpela gem bilong Max long lukautim gut umben i mekim na helpim Wewak Yunaitet i go insait long gren fainal egensim nem tim, Mosbi Guria. Tasol ekspirien i daunim ol 3-2.

Long gren fainal Max i bin sanap strong na



• Max Motoku i lusim Anda 16 skwat tasol em i gat planti sans yet.

banisim planti gutpela gol. Planti pilaia bai ting Max i stat goli long nau tasol. Tasol yangpela Max i bin sanap lukautim umben long taim em i liklik yet i kam inap nau.

Planti soka sapota i bin kalap nogut taim Anda 23 kosa Joe Turia i no kisim yangpela Max long las minit. Turia i kisim tupela arapela kosa bilong Mosbi yet. Nem bilong tupela em Ronald Simon bilong Guria, na Naptali Timothy bilong Yunivesiti.

Max i tokim Wantok olsem em tu i bin kamap nogut long ol i kisim em. Em i stat

trening wantaim ol na bihain em i kalap nogut long sampela de bihain olsem ol i rausim em.

Yangpela Max i bin kalap nogut long taim ol selekta i tokaut olsem em i stap insait long Anda 13 tim. Dispela em long taim em i wokabaut i go antap long gren sten long kisim tropi bilong "Namba wan golkipa bilong tonamen."

Tasol yangpela Max bilong Is Sepik provins i no wari tumas long dispela. Em i save olsem em bai i gat sans yet long autim ol arapela golkipa olsem Ronald Simon na Naptali Timothy.

long Hailans rijon taim em i kamap kik long 1991 Benson & Hedges Nesenel Klap sempionsip long Mosbi.

Dispela sempionsip i bin kamap long 24-27 Oktoba, 1991 na Mosbi Soka Asosiesen (PMSA) i bin lukautim long Bisini soka graun. Planti manmeri tru i bin kamap long lukim dispela bikpela sempionsip.

Sunam em i maina primia bilong Hagen soka resis long dispela yia. Long Mosbi em i pilaim gutpela stail bilong gem stret. Em i bin winim sapot bilong planti manmeri bikos gem bilong em i isi na strong.

Long pinis bilong dispela 4-pela de tonamen, Sunam i winim awot bilong "Fair play".

Ol kas nogut bilong "antap" i no go insait long fainal. Tasol dispela awot i min olsem ol i bin pilaim gutpela gem we i bihainim rul bilong tonamen.

Trena bilong Sunam soka klap, Duna Mara i tok soka long Hagen i wok long go strong yet. Tasol i gat sampela samting we ol i mas kamapim yet long strongim pilai soka long hap. Bikos ragbi lig em bikpela gem bilong Hagen na ol arapela Hailans senta.

Tasol insait long liklik taim bihain, Hagen bai



mekim ol arapela bikpela senta i kirap nogut.

Duna Mara i laik salim bikpela tok tok tenkyu i go long ol sapota na husat i helpim ol pilaia bilong Hagen Sunam long Mosbi. Ol lain ya em

Mista Pomahun na famili, Tonny Kambek, Hillary Arnie na Leonard Kawas, na tu olgeta lain husat i givim sapot long Sunam klap taim ol i kisim fil bilong pilai.

Gem bilong Sunam long olpela Nesenel

Klap resis i wok long senis olgeta taim. Long 1990, Sunam i bin kamap long Madang long wankain resis we em i givim sampela hetpen liklik. Long 1991, em i kam bek gen long Mosbi na kisim moa sapot tru.



Manus bai lukautim 1992 PNG Kap kik



. Enoch wantaim PNGBC stail: Enoch Pakarop (raithan) bilong PNGBC i givim sisti long stilim bal long kas nogut bilong Natural Resources. Tupela tim ya i bung long namba gem bilong Mosbi Pablik Sevan soka resis long Mosbi long las wiken, na PNGBC i winim dispela strongpela gem 2-1. Lukim moa Pablik Sevan soka stori long insait. Poto Misako Elemiah.

NEM soka senta long Niugini Ailan rijon, Manus i kisim sans nau long lukautim wanpela bikpela nesanel tonamen bilong PNGFA.

PNGFA i oraitim pinis Manus long lukautim bikpela nesanel soka resis bilong winim 1992 PNGFA Kap.

Dispela resis bai i kamap long namba 17 de i go inap long namba 20 de bilong mun Septemba, 1991. Dispela em long independens wiken.

Seketeri bilong PNGFA, Idris Kumbruwah i ripot long Goroka olsem ol eksekutiv bilong PNGFA i oraitim dispela tingting pinis.

Dispela tingting long holim PNGFA Kap long Lorengau, biktaun bilong Manus i bin kamap long Mosbi long tupela wik i go pinis.

Dispela em long taim 10-pela klap i kamap bung long 1991 Benson & Hedges Nesanel Klap tonamen. Guria i winim gen dispela sempionsip long namba 5 taim egensim yangpela Wewak Yunaitet tim, 3-2.

Long kibung, presiden bilong wan wan klap i bung na ol opisal bilong Manus i askim long lukautim dispela tonamen.

Kumbruwah i tok olgeta eksekutiv bilong PNGFA i wan bel long dispela askim, na oraitim Manus long lukautim dispela bikpela kik.

Manus em wanpela senta we i save pilaim strongpela na gutpela stended bilong soka. Dispela i bin kamap tru

taim Lamarap soka tim bilong Lumbrum, Manus provins i pilai i go insait long fainal bilong Nesanel Klap kik long tupela wik i pinis. Lamarap i bin pilai gut tru na kamap namba 4 long dispela tonamen.

Long wankain resis bilong las yia, narapela tim bilong Manus (Leipon) i kik i go insait long gren fainal. Tasol em i no gat inap ekspiriens na lus long nem tim, Mosbi Guria. Dispela gren fainal em ol i bin skruim long Madang i kam long Mosbi bikos long bikpela pait.

Kumbruwah i makim olsem 8 o 11-pela tim long ol provins i redi long dispela tonamen long Lorengau.

INSAIT

• Kaycee autim tupela Wewak volibal taitel p21

• Olive na Clea bagarapim sindaun bilong ol meri DCA p21

• Royals autim tupela Mendi basketbal taitel p21

• Mosbi Pablik Sevan soka stat wantaim senis p22

KIKBEK
WANTAIM PISE
- PES 22



• Tupela nupela blut joinim Anda 23 tim, tasol yangpela Motoku lusim sans p23

B&H

BENSON
and
HEDGES

B&H

Madang Blues i no inap kik long 1992 soka sisen

I luk olsem Madang Blues soka klap bilong Madang soka resis bai i no inap kik gen long 1992 soka sisen.

Wanpela sinia ripresentativ pilaia bilong klap i tokim Wantok long Mande Novemba 4, 1991 olsem klap presiden, Eminoni Topio i tokim em olsem Madang Blues bai i no inap kik gen long neks yia.

Dispela pilaia i tok, "Mi harim dispela nius long sampela sinia pilaia bilong klap. Na bihain mi bungim presiden long las wiken na askim em, na em i tok "yes".

Ol pilaia i ken go kik long narapela klap, tasol i no Madang Blues, Topio ya i tok olsem.

Eminoni Topio em papa bilong Papua Niugini intanesanel straika, Trimo Topio. Em i statim Madang Blues soka klap long yia 1988.

Long 1988 Madang Blues i bin kik long namba wan divisen. Na kik i go insait long gren fainal wantaim ol studen bilong Sen Fedalis Koles, na i lus 0-2.

Bihain long 1989, ol eksekutiv bilong Madang Soka Asosiesen i oraitim klap i go kik antap long primia divisen. Na long 1989 i kam inap long dis-

pela sisen, Madang Blues i bin pinis long top 5 posisen tasol.

Sapos stori i go tru na Maadang Blues i no kik long neks yia, bai 7-pela klap tasol i kik long primia divisen. Nem bilong ol dispela klap em Watabag, Kristen Press, Guria, Gala Yunaitet, Air Niugini, Mimlon, na Momase.

Na tu bai i no gat gutpela strongpela resis. Bikos dispela klap i gat 4-pela ripresentativ pilaia. Nem bilong ol em Trimo Topio, Simon Robert, Hondo Bart na Martin Der.

Wantok i no inap kisim presiden bilong klap, Topio long tokaut long dispela. Na tu long painimaut long as bilong dispela tok win. Tasol presiden bilong Madang Soka Asosiesen, Peter Angasa i tok em i harim liklik long dispela.


Tasol em (Angasa) i no kisim wanpela opisal leta o toksave yet long dispela. Olsem na em i no inap toktok tumas long dispela. "Tasol mi wari long dispela klap," em i tok.

Printed and published by Area 11 Printing Solutions, of Bilibili Place, Goroka, at Allomora, Goroka, PNG, 1988.

Goroka bai lukautim 1992 Nesanel kik bilong ol meri - lukim stori long pes 21



OK TEDI WESTEN PROVINS



Ok Tedi i wok long givim bikpela helpim nau long Papua Niugini

BERNARD MALADINA
i raitim

BIHAIN tasol long Bogenvil Kopa Main long Panguna i pas, Ok Tedi i kamap nau olsem bikpela rot bilong Papua Niugini long kisim mani.

Ripot bilong Beng ov Papua Niugini i tok olsem kopa em Ok Tedi i save kamapim long 61.8 tausen tan i kalap i go antap long 68.6 tausen tan bihain long namba wan 4-pela

mun i kam inap long mun Jun. Na dispela i winim tru mak bilong 1990.

Long dispela taim yet, Ok Tedi i no bin kisim planti gol tumas. Bikos hap ol wokman i brukim graun long en i no gat planti gol. Long mun Jun bilong 1991, prais bilong kopa em ol i painim i kamap inap long K1,915 long wan wan tan.

Wanpela ripot em ol lain bilong Centre for International Economics long Kenbera,

Australia i bin raitim i soim olsem Ok Tedi i kamap nau olsem namba wan bikpela helpman bilong ol bisnis samting long Papua Niugini. Dispela em bihain tasol long Bogenvil i pas.

Ripot bilong senta i tok, "Bihain long bikpela mani na taim i bin lus long stretim Ok Tedi, dispela main i givim nau bikpela han long helpim Papua Niugini long go het. Dispela helpim i kamap stret

long taim em kantri i painim hevi na sindaun bilong ol pipel i wok long bagarap. Na dispela i kamap bikos hevi long Bogenvil kopa main i pas."

Ripot i skruim toktok na sapotim ol toktok bilong en long wanem helpim em wok bilong main i bin mekim long Papua Niugini:

• Long 1990, olgeta kopa em Papua Niugini i salim i go long ovasis i kam long Ok Tedi


tasol. Na em i salim tu 45 pesen gol. Na dispela ol samting i pulim K523 milien i kam insait long Papua Niugini;

• Long 1991, ol ripot i soim olsem main bai givim K27.4 milien i go long baset bilong nesenel gavman. Na dispela i winim bikpela hap bilong mani em nesenel gavman yet i save bungim;

• Main i save baim ol samting em ol bisnis kampani na fek-

i go moa long pes 13

Figure 7: Local purchases significant



• Man wantaim masin bilong em i sanap redi long wok long Ok Tedi main. Gutpela wok bung wantaim i helpim Ok Tedi long go het na tu Papua Niugini.

THEODIST PTY. LTD.

SPRING GARDEN ROAD, GORDONS
PH: 25 6500 FAX: 21 7164
P.O. BOX 1618 BOROKO, P.N.G.

ONE PHONE CALL IS ALL YOU NEED TO MAKE.



STATIONERY AND OFFICE PRODUCTS CATALOGUE 1991-92

Nationair is proud to be a partner over the last five years in the development of the Western Province.

OUR SCHEDULE IS YOUR SCHEDULE

SUPER KINGAIR, BANDEIRANTE, NAVAJO,
AIRCRAFT AND HELICOPTERS - A PHONE
CALL AWAY.

NON-STOP FLIGHTS:

TO BRISBANE, TOWNSVILLE, DARWIN OR HONIARA. IN STYLE IN PRESSURISED
COMFORT AND ABOVE THE WEATHER AT JET SPEEDS, ABOARD THE BEST,
THE LATEST, BEECH SUPER KINGAIR, B200 IN PNG.

OUR NEW PHONE LINES ARE:

PORT MORESBY
25 4055

TARI
50 8047

MT HAGEN
55 1577

OUR FAX NO:
21 3986



NATIONAIR

PO BOX 488
BOROKO

THE PRIDE OF OUR NATION'S FUTURE

Australia kisim tok save olsem Ok Tedi bai i mekim bikpela wok long divelpmen bilong PNG

OK TEDI bai mekim bikpela wok long divelopmen bilong Papua Niugini long bihain taim. Wanpela ripot i go long Australian Palamentari Komiti bilong Foren Afeas, Difens na Tred i tokaut olsem.

Opisa bilong Ok Tedi husat i save stap long Melben long Australia, Colin Smith i givim dispela ripot. Em i tok dispela bikpela projek i kamap gut nau. Olsem na i gat as long tokaut long bihain taim bilong dispela projek.

Smith i tok gavman bilong Papua Niugini i gat 20 pesen sea long Ok Tedi main. Tasol em i mas kisim yet mani i kam long main long sait bilong win mani.

Tasol dispela main bai i givim bikpela helpim long divelopim PNG.

"Ol sea holda i wet yet long kisim win mani bilong ol long dispela projek, tasol projek ya i givim yet bikpela helpim long ekonomoni o divelopmen bilong PNG, na i bin mekim bikpela senis long divelopmen bilong Wes provins," Smith i tok.

Long ol arapela divelopmen,

em i tok, wok bung namel long ok Tedi Maining Limited (OTML) na ol papa graun i no kamap gut. Tasol dispela em bikpela samting namel long tupela grup ya.

Tasol PNG gavman i no ken stretim tasol toktok bilong baim kompensesen mani long graun em projek i kamap nau. Gavman i mas helpim tu long ol arapela bikpela samting olsem lo na oda wantaim ol samting bilong graun.

OTML i ken helpim. Dispela em long harim komplek bilong ol papa graun na toktok wantaim gavman long traim kamap long sampela gutpela tok orait, na stretim dispela askim, Smith i tok.

Gutpela wok bung bilong ol wokman wantaim menesmen bilong kampani em bikpela samting tu.

"Kampani i mas skelim gut na makim ol gutpela ovasis wokman. Dispela em bikpela samting. Ol ovasis wokman i mas hariap na save gut long ol wokman husat i gat kain kain tumbuna pasin na laip bilong ol yet. Dispela em long

we bilong bungim wantaim ol pipel husat i kam long kain kain eria bilong kantri, na i gat bikpela laik long lainim wok long kamapim gutpela wan wan sindaun bilong ol," Smith i tok.

"Ol wokman husat i no inap o i no laik save long pasin bilong ol wokman bai i no inap helpim dispela projek," em i tok.

Smith i tok moa olsem wok i go het gut nau long Ok Tedi main. Olsem na i gat gutpela as long tokaut long bihain taim bilong dispela projek.

Hia em ol sampela samting o toktok em mas i gat lukluk long en long helpim wok bilong main i go het gut:

- Toktok bilong ol pipel long ol bagarap em bai i kamap long graun bilong ol (Environmental concerns);
- Wok bung wantaim ol papa bilong graun;
- Wok bung wantaim ol wokman bilong main;
- Wok bung wantaim ol pipel klostu long main, na tu wantaim gavman; na
- wok bilong lukautim o dau-

nim hevi bilong lo na oda.

"Ol dispela samting em wok bilong kampani. Na olgeta wok mas i kam aninit long lukaut bilong menesmen bilong kampani long toktok gut wantaim ol pipel," Smith i tok.

"Helpim i mas kam long gavman tu, dispela em long ol toktok olsem bilong kompensesen mani, wok bilong lukautim lo na oda, na toktok bilong ol bagarap em bai i kamap long graun na eria bikos long dispela projek," em i tok.

Tasol Smith i tokim komiti olsem dispela projek i givim bikpela helpim long ekonomoni bilong Papua Niugini long ol dispela we:

- Stet i save kisim inkam takis na kastom risip long olgeta yia;
- Flai Riva provinsal gavman i save kisim samting olsem K8 milien long olgeta yia. Dispela em long royalti mani na spesel sapot gren mani;
- Ol papa graun i save kisim mani i kam long kampani long olgeta yia long kompensesen na royalti. Dispela mani i kamap olsem K1,700,000. Ol

BERNARD MALADINA
i raitim

papa graun i kisim sampela kain helpim tu long sait bilong mani;

- Kampani i givim wok long sampela 2,000 pipel na 1,300 i wok aninit long sampela kain kontrak wok;
- Kampani i givim sampela bikpela sevis long taun olsem ol haus, rot, ol samting bilong skul we i kam aninit long edukesen, helt, wara saplai, pawa saplai na sampela moa;
- Klostu olgeta 5,000 pipel long Tabubil i strong nau long main long sampela kai we;
- OTML i save tromoi K3 milien olgeta yia long trenim ol nesenel wokman;
- Sampela 38 bisnis bilong ol man Papua Niugini i mekim K22 milien. Dispela em bikpela mani tru. Na bisnis bilong ol i strong tasol long main na taun we i kamap long main;
- Kampani i tromoi K72 milien long baim ol samting na sevis long Papua Niugini yet;



• Kiunga taun skul em wanpela helpim bilong Ok Tedi i go long ol pipel bilong Westen provins.



• Wanpela bilong ol planti projek we i kamap aninit long join venja program bilong Flai Riva provinsal gavman na Ok Tedi Maining. Ol pipel bilong ples Kawok i gat nau wanpela 28,000 lita tenk bilong kisim ren wara.

Osborn
cutting tools

ESAB

HITACHI

MAGNAUGHT
INGERSOLL-RAND
AIR COMPRESSORS

BAND-IT

KAWASAKI

HARRIS

ENERPAC

K.K.KINGSTON PTY LTD

WHETHER IT BE MACHINERY, CHEMICALS OR PLASTIC...
CHANCES ARE YOU'LL FIND IT AT KINGSTON'S.

A company of people dedicated to
its products and service

POM 256083
P.O. Box 6860, Boroko, P.N.G.
Fax 21 4639

RE-COIL

flexOvit

MITUTOYO

ELEKTRA BECKUM

NORGREN

SIDCHROME

KLINGER

KTC

Metabo

Proud to be suppliers to Ok Tedi Mine

JON ROY'S WHOLESALE & DISCOUNT MART

Munahu Street, Gordons
(Next to Dunlops)

We keep a huge range of the following items,

Clothing:-

- Mens, ladies, childrens
- Baby wear
- Manchester
- Footwear
- Pharmaceuticals
- Stationery
- Materials & Haberdashery
- Kitchenware
- Hardware
- General trade lines

and much, much more

**Trade stores specially catered for.
Call us today on phones 25 1750, 25 8414.**



TAWAP KAMEN INVESTMENT PTY LTD

Specialising in:-

- Local & National Labour Supply
- General Contractors
- General Building & Repair
- Carpentry
- Plumbing
- Cleaning
- Driving School
- Trade Store Operation

TAWAP KAMEN INVESTMENT PTY LTD

**P.O. BOX 292 TABUBIL
WESTERN PROVINCE
PHONE: 58 9116**

Gol na kopa i no inap helpim tumas Papua Niugini

DINAU em Papua Niugini i gat long ovasis bai stap antap yet. Maski wok bilong painim gol, kopa, silva, wel na ol arapela samting bilong graun i bin kamap bikpela long las tupela yia.

Dispela i min olsem wanem samting i kamap nau long wok bilong gol, kopa na wel i no inap long helpim tumas kantri. Na dispela tu i no inap givim wok long olgeta manmeri. Liklik lain tasol bai kisim wok na mani long ol dispela wok na projek.

Dispela ol toktok i stap insait long wanpela ripot bilong Wol Beng. Na ripot ya i bin kamap long mun Me.

Beng ripot i tok dinau em Papua Niugini i gat long ovasis i bin kalap hariap tru i go antap long 1990. Pastaim i bin stap daunbilo, tasol long dispela taim, em i kalap i go antap long klostu 46 pesen.

Dispela i kamap bikos planti praivet kampani i bin kisim dinau long ovasis bilong wok long ol main long Ok Tedi, Misima na Porgera.

Beng ripot i tok, "Dispela mak bai go daun long taim bihain. Tasol long skelim wantaim ol arapela kantri, em bai stap antap yet inap long yia 1994. Dispela bai kamap bihain long ol i stretim dinau bilong ol wok long Kutubu na Porgera."

Dinau long pablik sekta tu bai i stap antap yet. Na mak bilong dispela yia bai winim tu mak bilong dinau em kantri i gat long 1988 i kam inap long 1990.

Ripot i tok Papua Niugini i gat bikpela dinau long ovasis bikos em i save bekim ol dinau liklik liklik. Na dispela i mekim mak bilong em long bekim i go antap moa yet. Long namel bilong narapela 8-pela yia, dispela mak

bai go daun liklik.

Tasol i luk olsem long dispela taim, bikpela toktok bai kamap long suvim gavman long bekim hariap ol dinau. Na dispela bai givim hetpen na senisim rot bilong gavman long yusim mani.

Wol Beng i bin givim strongpela tok lukaut tu long gavman i mas lukaut gut long rot na taim em i kisim nupela dinau long ovasis.

"Gavman i mas stapim dispela kain pasin bilong em long kisim dinau mani bilong wokim ol kain kain samting. Na em i mas lukluk long kisim bikpela mani i kam stret long ol lain husat i no inap sutim toktok strong long bekim dinau hariap," Ripot bilong Wol Beng i tok.


"Sapos gavman bilong Papua Niugini i bihainim dispela rot, mak bilong dinau em i gat long ovasis bai orait gen long yia 1994. Na dispela bai pundaun olgeta aninit long mak bilong 1990 na 1991."

Wol Beng i bin amamas tu long lukim olsem Papua Niugini gavman i bin stretim wok edministresen na lukautim ol dinau em i kisim long ovasis. Dispela i kamap isi bikos gavman i gat ol nupela kompyuta na masin i stap bilong wok nau. Na tu ol wokman na meri bilong em i save kisim trening wantaim ol lain bilong Komomwel Sekreteriet na Yunaited Nesens Developmen Program.

Wol Beng i givim strongpela tok lukaut tu olsem dispela ol bikpela wok i kamapim planti arapela askim. Na planti bilong ol i sut long wok egrikalsa na sapos dispela ol gol, kopa na wel projek inap givim kaikai na mani long olgeta pipel bilong Papua Niugini.

i go moa long pes 13

Figure 2.1: OVERALL BALANCE OF BALANCE OF PAYMENTS BY SECTOR, 1990-99



ULTIMATE DEPENDABILITY!

NISSAN DIESEL ALL WHEEL DRIVES



TFA 21 4 x 4
DUMP TRUCK

TZA 52 6 x 6
LOG TRUCK



NISSAN DIESEL



TZA 52 6 x 6
DUMP TRUCK



BOROKO MOTORS

THE GOOD GUYS FOR BEST BUYS



**DYNAMIC ENGINEERING & CONSTRUCTION
PTY. LTD.**

**KIUNGA
WESTERN PROVINCE**

GENERAL CONTRACTORS

Covering complete servicing for,
- Drafting, - Site Preparation -
Building
Electrical: - Plumbing - Sewer-
age - Transit Concrete Mixers -
Steel Fabrication

**SPECIALISING IN DESIGN & MANUFACTURE
LIGHT STEEL FRAMED BUILDINGS**

- Quick Construction
- Lite Weight
- Super Strength
- White Ant Proof
- Galvanised
- Wet/Dry Rot Proof
- Budget Priced

RING: 58 1058


FAX: 50 1092

**WRITE: P.O. BOX 20, KIUNGA,
WESTERN PROVINCE**

PRYDE FURNITURE

**SUPPLIERS AND
MANUFACTURERS OF:**

- CUSTOM MADE AND STANDARD
FURNITURE
FROM
HARDWOOD
- CURTAINS
- CARPETS



And furniture
repair &
reupholstering
services to Ok Tedi Mining at Tabubil.

P.O. Box 1622, Boroko, PNG Fax 21 7861 Phone: 25 4233

Factory: Morea Tobo Road, Six Mile
Showroom: Morata St., Gordons.

Fonde 7 Novemba, 1991 pes 6

Ol stua long Mosbi maus wara nau long mit bilong sikau i kam long Westen provins

WANPELA gutpela abus bilong Westen provin em mit bilong sikau.

Na em i pulap tru long Obo eria. Tasol ol i no inap salim i go long ol narapela hap olsem long Mosbi. Long wanem hevi bilong sip na rot bilong salim i bikipela yet.

Tasol ol ripot i kamap nau i tok ating long neks yia, olgeta stua long Mosbi bai kisim mit bilong sikau. Bikos planti stua i wok long askim nau long kisim na salim mit bilong dispela abus.

Wanpela papa bilong stua long Obo eria, Peter Gelau i tok planti askim i bin kam long Mosbi long mit bilong sikau. Tasol hevi bilong rot na sip i pasim mit bilong go long siti. Olgeta mit i mas stap gut long bokis pastaim long ol i salim i go long ol arapela hap.

Gelau i tokaut olsem ol lain bilong em i karamapim pinis ol leg bilong ol sikau mit na putim long bokis ais. Na planti bilong dispela bai go long ol stua na pipel bilong Tabubil na Kiunga.

Gelau i tok em i harim planti askim long ol bikipela stua long Mosbi. Na em i askim pinis ACI kampani bilong Lae long wokim

ol bokis bilong putim ol mit bilong sikau.

Gelau i sanapim pinis wanpela haus long Obo eria. Na em bai yusim dispela haus olsem fektori bilong putim sikau mit long bokis. Na em i save olsem lek na bun bilong sikau bai i go tu long Mosbi. Em bai stretim tu toktok wantaim ol lain bilong Laurabada Siping kampani long kisim tu mit bilong sikau long Obo i go long Mosbi.

Moa long wan tausen (1 tausen) sikau i stap raun nabaut long ol bikipela gras long Westen provins. Mit bilong sikau i no gat gris long en na i moa gutpela bilong ol pipel long kaikai.

Sikau i bin kamap namba wan taim long Papua Niugini long 100 yia i go pinis. Na em i kam long hap bilong Irian Djaya. Gutpela gras na kaikai long rot i helpim ol sikau long kam olgeta na pulap nau long Obo eria bilong Westen provins.

Insait long Westen provins yet, planti sikau i stap raun nabaut long Daru long saut is na i go long Moahet long saut wes. Na i go antap olgeta long Obo na Boset eria bilong Not Flai.

OK Tedi i tok ripot bilong ol bagarap i kamap long ol diwai na enimel i no tru

TOKTOK bilong ol diwai samting na ol arapela enimel insait long Ok Tedi main eria bai i no inap kamap hariap long taim bihain.

Dispela toktok na askim i kamap gen taim wanpela grup bilong kantri Jemani i tokaut olsem Ok Tedi gol main i bagaram pinis planti diwai na enimel taim em i kisim gol.

Wanpela ripot bilong ol i tok olsem gol main i bagarapim Ok Tedi Riva, Flai Riva na tu putim planti pipia samting i go insait long graun na wara. Ol dispela hevi i kamap bikos Ok Tedi maining kampani i no sanapim wanpela dem o ples bilong tromoi ol pipia samting.

Dispela wok painimaut i gutpela. Bikos em i wanem samting i kamap long ol graun na bus wantaim wara na ol enimel bilong yumi. Na tu wanpela kampani bilong kantri Jemani yet i gat 20 pesen sea long Ok Tedi. Ol arapela bikipela seaholda em BHP husat i gat 30 pesen sea, Amoco Kopresen wantaim 30 pesen sea, na Papua Niugini gavman yet i holim 20 pesen. BHP kampani yet i lukautim ol wok long Ok Tedi.

Tupela wik i go pinis, BHP i bin toktok egens long ol wok painimaut bilong dispela grup long Ok Tedi. Em i tok dispela grup i no gat wanpela sapot bilong em yet. BHP i tok wok bilong sanapim wanpela dem o ples bilong tromoi pipia bai kos samting olsem K1 bilien.

Tasol nau, BHP i tokaut olsem wok bilong Ok Tedi bai kilim ol pis long wara, diwai na ol arapela enimel long hap bilong Flai Riva. Ol opisa bilong BHP kampani i bin toktok long dispela long taim bilong wanpela kibung bilong Papua Niugini jiloloji, eksploresen na maining konpresen long Rabaul long dispela yia.

Ol opisa i tok kampani yet bai sekap na stretim ol dispela hevi. Na ol i tokaut olsem ol wok painimaut i bin stat pinis long 1981 yet. Na ol i laik kisim wanpela ovasis kampani long mekim ol dispela wok.

Progrem bilong mekim dispela wok i bin kamap long 1983 bihain long stat bilong wok painimaut bilong kampani. Ol BHP kampani opisa i tok long dispela progrem, ol bai lukluk long stretim gutpela

Tabubil Beker i stat pinis long kukim ol pret na bisket

WANPELA bisnis i stat pinis long Tabubil las mun we ol pipel bilong Westen provins na wanpela nesanel kampani i bung wantaim.

Tabubil Beker i bin stat aninit long Ok Tedi lokal bisnis developmen program na i bungim wantaim ol lain bilong Kavora-bib bisnis grup na Poon PNG Pty Ltd. Tupela wantaim i gat 50 pesen sea long

dispela haus bilong wokim ol bret na skon samting.

Dispela bisnis bilong wokim bret, skon na bisket i bin stat tasol long las mun. Tasol tingting bilong dispela bisnis i bin stat long ya 1990 yet.

Tabubil Beker i gat ol nupela masin na samting bilong wokim ol bret, skon na bisket. Ol masin ya i kos moa long

K150,000. Ol dispela masin i bilong miksim flaua, katim bret, holim flaua na ol arapela wok olsem olgeta bekeri i save mekim long en.

Dispela Beker i save wokim 4,000 bret rol, 1,000 bret na 2,000 skon. Em i ken wokim 96 bret long wan aua.

Tabubil bekeri i gat 9-pela wokman bilong ples yet. Na

Albert McQueen bilong Australia i menesa.

I gat tingting long opim wanpela stua bilong ol yet long neks mun. Wanpela meri bilong Kavora-bib bai wok long stua na salim ol bret, skon na ol arapela samting em bekeri i wokim. Long nau yet, em i save saplaim tasol ol bikipela stua.

Obo pis projek i go het gut tru

OBO pis projek long Westen provins i wok gut nau.

Dispela projek i kos moa long K40,000 we ol i save painim ol pis olsem Baramundi long Flai Riva na salim long Kiunga na Tabubil na ol Hailans provins.

Ok Tedi Flai Riva Developmen Tras i givim mani long sapatim na statim dispela projek.

Ol man bilong ples long Komovai, Kaviananga na Usikof i save go pulim pis na salim long Obo Pis Projek. Dispela projek i save salim 500 kilogram basket

pis long olgeta wik. Na ol i save kisim samting olsem K2,000 ilong olgeta wik.

Moa long ol dispela pis i save go long bikipela mes bilong maining long Ok Tedi we ol wokman i save kaikai.

I gat bilip olsem dispela projek bai pulim samting olsem K100,000 long helpim ol pipel bilong dispela ol komyuniti long olgeta yia.

Winmani bilong dispela projek bai go long wokim ol bikipela stua bilong salim ol pis.



• Ol wokman bilong OK Tedi i tok gutbal long olpela Menesing Dairekta, Dick Carter. Na man husat i kisim ples bilong em nau em Ian Gunn (namba tri long lephan).



Bilong baim tasol... Ol man, merl o grup i ken baim na raun long dispela bot, MV Sylan.

Ok Tedi i tok ripot bilong ol bagarap i kamap long diwai na enimel i no tru

i kam long pes 6

wara bilong ol pipel, helt na ol arapela sevis.

Ol i mekim wok painimaut tu long solwara bilong Galp provins. Dispela program i go het yet na planti senis i kamap long stretim ol dispela hevi. Ripot i tok gavman i tok orait pinis long APL i mekim ol dispela wok stat long 1989 yet.

APL i sekap nau long wanem samting ol marasin nogut bilong gol man bilong kamap long diwai na enimel na ripot long

gol i lus i go long Tores Stret. Kampani i tok tasol olsem bikipela marasin nogut bilong gol i stap yet long graun bilong Flai Riva. Ripot i tok olsem i no gat kopa i stap aninit long wara bihain long ol wok i bin stat long 1987.

Bekim bilong dispela wok painimaut i soim olsem i no gat hevi i kamap long dispela samting. Na Ok Tedi bai i go het yet long

MAF - PNG HEADQUARTERS MT HAGEN AIRPORT WHP.

P.O. Box 273, Mount Hagen, PNG
National: 55 1337, 55 1451
International (657) 55 1337, 55 1451
Facsimile: (675) 55 1387

40 years in PNG service with church and community now operating with 25 aircraft from 13 bases throughout the country.

Established in 1951 MAF has been actively involved in the development of outlying communities supporting church and village projects Charter enquiries 55 1506, 55 1317.



FULLY ACCREDITED CHARTER OPERATOR

MAF - PNG FLIGHT TRAINING CENTRE

• From Basic Flight Training to Commercial Pilot Level

• Cessna 441, 440, 440B, 441B, 441Q

• Cessna 441, 440, 440B, 441B, 441Q

Salpress i gat gutpela bisnis wantaim Ok Tedi

CLEMENT MIRIA
i raitim

OK TEDI i no wok tasol long painim gol na kopa na givim mani long poket bilong Papua Niugini.

Em i save wok hat tu long kirapim ol bisnis bilong ol pipel bilong Papua Niugini na helpim tu ol dispela bisnis long stat. Wanpela bilong ol dispela kain kampani em Salpress, husat i save prinim ol samting bilong Ok Tedi.

Salpress em i bisnis han bilong Salvesen Ami. Na em i save mekim olgeta bikpela wok bilong prinim ol samting bilong Ok Tedi. Long olgeta yia, em i save prinim na wokim ol pepa samting bilong Ok Tedi. Na dispela wok i save winim tru mak bilong K1 milien. Kampani i bin mekim olsem long taim em i stat 6-pela yia i go pinis i kam inap nau.

Jenerel Menesa bilong Salpress, Andrew Grimes i tok, Ok Tedi i bin helpim ol gut tru. Ok Tedi i bin givim han long pulim mani bilong ol na tu long kirapim wok bilong ol pipel bilong Papua Niugini.

"Mipela i save wok bung gut


tru wantaim ol lain bilong Ok Tedi. Na mipela i save yusim gut tru wanem kain wok em Ok Tedi i givim mipela," Grimes i tok.

Em i skruim tok moa olsem Ok Tedi i wok long helpim gut tru ol liklik bisnis long go het. Na long taim em i stap wok yet long Westen provins, em i mas mekim olsem.

Gutpela stori long wok bilong Salpress i kamap long Ok Tedi bihain long em i bin stat long 1984. Kampani i bin gat wanpela masin tasol bilong prinim ol samting. Na wanpela masin bilong potokopim ol samting. Ol i bin baim ol dispela samting long wanpela Katolik misin woka bilong Yul Ailan. Na ol i save yusim dispela long wokim ol pepa bilong Sande skul.

Tasol bihain long ol i winim kontrak bilong wok wantaim Ok Tedi, ol i gat ol bikpela masin samting nau bilong prinim ol pepa samting. Long liklik samting nating, Salpress i kamapim bikpela nem nau long wok bilong prinim ol samting.

Salpress i gat 40 manmeri i wok wantaim em. Dispela ol lain i bilong Papua Niugini yet.




• Ol atis bilong Salpress. Long lephan i go long raithan em Kana Iamo, Watou Kana na Jeffrey Nayak i taitim bun na wok i stap.



• Printing supavalsa bilong Salpress, Nou Keule i sindaun lukluk long wanpela nupela kain masin olgeta bilong prinim ol samting.



• Prodaksen menesa, Puana i sanap fran long ol sampela masin bilong prinim ol pepa samting.



INCOME MARKETING PTY. LTD.

PROFESSIONAL BUSINESS CONSULTANCY AND SERVICE

NEED NOT BE EXPENSIVE!

INCOME MARKETING PTY. LTD., established in 1987, is nationally owned and offers affordable business consultancy and services to companies, business groups and organisations of all sizes. Our consultants are committed to providing the same quality of professional services to all clients whatever their size, wherever they may be located. Our services include:

- | | |
|--------------------------------|-------------------------|
| * Accounting & Taxation | * Financial analysis |
| * Business Start-up assistance | * Management services |
| * Commercial negotiations | * Personnel & Training |
| * Computer services | * Purchasing & Sourcing |

Contact us at either of our offices for more information or a general talk about your requirements.

P.O. Box 1712 Ph: 25 8563 or P.O. Box 242 Ph: 61 1450
Boroko, N.C.D. Fax: 25 6797 Alotau, M.B.P Fax: 61 1481

- A Papua New Guinea Company -



**HINO NA HITACHI I HELPIM
WOK BILONG
OL MAIN
LONG PAPUA
NIUGINI**

Hino

**LONG SAVE MOA,
TOKTOK WANTAIM**

NORM KEAY
MANAGER TRUCKS & EQUIPMENT
PH 229446 · FAX 217268 · TELEX NE22125
PO BOX 74 PORT MORESBY NCD

STAN FREEMAN - MANAGER TRUCK CENTRE
PH 433660 · 422322 FAX 423997 LAE

COL OZANNE - FIELD SALES MANAGER
PH 522762 · 521888 FAX 521937 MT HAGEN

PETER WILLIAMSON - FIELD SALES MANAGER
PH 229499 · 229400 FAX 217268 PORT MORESBY NCD

**IGAT OL SPEAPAT NA GUTPELA PLES BILONG SEVIS LONG
OLGETA HAP BILONG KANTRI PAPUA NIUGINI**

Ela Motors

**PORT MORESBY 22 9400 LAE 43 3655 RABAU 92 1988 MADANG 82 2188 GOROKA 72 1844 MT HAGEN 52 1888
WEWAK 86 2255 KAVIENG 94 2132 KIMBE 93 5155 TABUBIL 58 9060 VANIMO 87 1254 PORGERA 508203**

Ok Tedi i givim planti wok long ol pipel bilong PNG

BERNARD MALADINA
i raitim

OK TEDI em wanpela kampani husat i save kisim planti wokman insait long kantri.

Long Jun 1991, main Ok Tedi main i kisim 1,926 wokman olgeta. Long ol dispela wokman, 86 pesen i bilong Papua Niugini. Wanpela stadi i go insait long Ok Tedi em Senta bilong Intanesenel Ekonomik i bin kamapim long Kenbra, Australia.

"Antap long dispela, Ok Tedi i givim wok tu long 1,706 wokman aninit long kain kain kontrak wok. Long 1990, main i kisim 36 pesen wokman olgeta sapos yu skelim wantaim ol arapela wokman insait long kantri. Antap long dispela sapos yu lukluk long ol wokman husat i save wok aninit long ol kontrak, main i kisim n a r a p e l a 1 , 2 5 0 wokman," senta i tok.

Senta i tok kamap bilong Ok Tedi i givim o sapotim stret ol arapela developmen long kamap insait long Ok Tedi rijon. Lukluk long nesene level, kamap bilong Ok Tedi bai i givim planti gupela sevis.

edukesen na trening. Dispela em long olgeta yia.

Senta i tok olgeta helt na edukesen sevis i no gutpela long Papua Niugini. Planti bebi husat em mama i save karim i save dai. Na tu taim bilong wan wan man long stap long dispela graun i sotpela tumas, wankain olsem ol arapela pipia kantri.

"Long 1986 i kam Ok Tedi i bin gat wanpela tok orait bilong kamapim gutpela helt wok wantaim gavman. Dispela tok orait i karamapim bikpela namba bilong pipel tru. Nau yet i gat 10,000 pipel long Tabubil yet we i karamapim 14 ples, ol liklik haus, skwata setelmen, na ol wokman bilong main.

Long olgeta mun, ol helt woka i save go insait long ol dispela ples na setelmen we rot i go long en. Foapela et pos long ol dispela ples i stap aninit long lukaut bilong kampani husat i karimaut main wok long hap," senta i tok.

Senta i tok taim toktok bilong baim kompensesen mani i stap bikpela yet, ol papa bilong graun i save kisim sam-

liklik bisnis komyuniti we long 1990 i gat 48 bisnis olgeta husat i bin kamapim K33 milien, na kisim 774 wokman," senta i tok.

Senta i tok tu olsem long 1990 kampani i bin baim ol samting long PNG we prais bilong ol i kamap long K90,400,000 olgeta. Dispela em prais bilong ol samting kampani i baim long ol saplai kampani. Na K64,400,000 em kampani i tromoi long baim ol sevis.

Na tu, senta i tok narapela helpim kampani i save givim em long takis em i baim i go stret long gavman.

(Graph) i soim ol takis em Ok Tedi i baim i go long gavman.


Royalti mani em kampani i save baim i go long gavman. Dispela em long mak bilong 1.25 pesen long mani em i save mekim. Long 1990 kam-

pani i baim K5,600,000 royalti mani olgeta.

Gavman i gat 20 pesen sea long main. Na gavman i save kisim win mani long dispela sia.


Ol arapela sea holda bilong kampani em Broken Hill Proprietary (BHP) wantaim 30 pesen, Amoco wantaim 30 pesen tu, na tripela Jemani kampani husat i kisim 20

Grap 4: Ol helpim Ok Tedi i givim long PNG long main wok. Dispela em long namba bilong ol wokman em i kisim.



Ripot long dispela grap i kam long BHP na Institut Afeas bilong Papua Niugini.

Grap 1: Mining-a major sector



Data Source: Department of Finance and Planning, Economic Policies, vol 2, 1991 budget documents.

Bikos dispela developmen i kamap long wanpela ausait eria bilong kantriwe i no gat namba wna developmen olsem ol arapela senta.

Ol arapela developmen Ok Tedi i helpim long kamapim em long Tabubil na Kiunga. Tabubil i kamap nau olsem wanpela bikpela taun we i gat planti haus bilong ol wokman na famili bilong ol. Na long Kiunga, i gat nau wanpela gutpela bris bilong ol sip i kam sua long wara.

Ol samting long taun olsem ples balus, rot, pawa na telipon i kamap gutpela nau. Na pe bilong ol dispela senis i kamap long K282 milien olgeta long Jun, 1991.

Olgeta pipel i kisim nau ol sevis we i ken kamapim gutpela sindaun bilong ol olsem pawa saplai, rot, wara, trenpot na komyunikesen we i karamapim telipon na radio.

Senta i tok moa olsem bikpela mani i save go long dispela sevis long olgeta yia. Long 1991 em pe bilong olgeta dispela sevis i kamap long samting olsem K32, 600,000 olgeta. Long dispela mani, samting olsem K1.4 milien bai i go long pablik helt, wara saplai, na K3,300,000 long

pela bekim o helpim. Long 1991 ol bai kisim K600,000 mani wantaim narapela K160,000. Dispela K160,000 mani em kampani i baim i go insait long tras fan bilong ol papa graun. Long 1991 ol papa graun bai kisim 30 pesen bilong ol royalti mani. Dispela bai i kamap long K1, 700, 000 olgeta.

"Ol pipel husat i save stap long Ok Tedi na Flai Riva i painim gutpela sindaun nau bikos long ol wok bilong Ok Tedi na Flai Riva Developmen Tras. Moa long 100 ples i save kisim helpim long dispela Tras we i save givim mani long kamapim ol developmen olsem bikpela haus bilong ol pipel long komyuniti i bung (komyuniti hol), et pos, haus bilong sindaun na kisim win, tenk wara, bris long ol rot bilong wokabaut. Tras i save helpim tu ol liklik lokal bisnis developmen olsem sapotim ol liklik pis kampani long Fai Riva.

"Kampani i bin givim K2,500,000 i go long Tras long 1990, na K2,600,000 em ol i makim long baset long givim long 1991.

"Helpim bilong mekim wok menesmen na pepa wok long ol bisnis i kamapim wanpela

Planti pikinini i no kisim sik malaria long dispela yia.

Dispela em wanpela rot we Ok Tedi Main Limited i mekim long helpim ol manmeri long Papua Niugini long amamas na stap gut.

Malaria i save kilim planti pikinini tru long PNG. Tasol i no gat wanpela pikinini i dai moa long Ok Tedi eria long Westen provins.

Pablik helt progrem bilong Ok Tedi i wok long stapim malaria long 1982 i kam inap nau. Namba bilong ol pikinini i kisim sik malaria long ol ples pastaim i stap long 70 pesen nau i go daun long 10 pesen. Progrem i stretim sindaun bilong moa long 1000 pikinini na sampela 2000 bikman na meri tu.

Helpim bilong Ok Tedi i kamapim rekot bilong gutpela helt sevis long noten rijon bilong Westen provins.

Na antap long dispela, helpim bilong mipela i helpim olgeta manmeri tu long kantri.

Dispela helpim i kam long mani

pesen. Ol dispela kampani em Degussa wantaim 7.5 pesen, Metallgesellschaft wantaim 7.5 pesen na DEG wantaim 5 pesen.

Nau yet gavman i save kisim mani long inkam takis bilong ol wokma long main em kampani i save baim ol. Long 1990 dispela takis i kamap long K37,300,000 olgeta.



Poto long antap i soim Kiunga bris.... long olgeta taim, Ok Tedi i save yusim dispela bris long kisim ol kago o salim ol samting i go long ovasis.

Ok Tedi Developmen Tras i wok long helpim ol komyuniti i stap arere long gol main

OK Tedi/Flai Riva Developmen Tras bai yusim K5 milien long ol projek bihain long pinis bilong dispela yia.

Kampani i wokim ol projek ya long ol ples i stap arere long wara Ok Tedi na Flai.

Dispela Developmen Tras i bin stat long mun Januari 1990 na wok bilong en em long karimaut ol projek bilong Ok Tedi Maining Limited i go long ol pipel.

Kampani i putim mani long akaun bilong ol komyuniti na tu long kamapim ol projek. Developmen trast i helpim ol pipel i wok klostu wantaim nesene na provinsal gavman.

Kampani i wok wantaim provinsal gavman. Em i bihainim ol progrem bilong provinsal gavman bai i no gat ol samting i paul.

Kampani i givim wok tu long ol lokal manmeri long komyuniti.

As tingting bilong kampani long taim bihain em long helpim ol manmeri long kirapim ol bisnis bilong ol yet. Ol kain projek olsem pasindia bot bai ol manmeri i yusim long Flai riva, pis fam, kakaruk projek, pik projek na kau projek.

Kampani bai yusim K750,000 bilong dispela K2.5 milien em ol i makim long wokim ol komyuniti bisnis long dispela yia. Narapela hap bilong mani bai ol i yusim long ol narapela komyuniti projek. Kampani bai baim stret mani i go long akaun bilong dispela ol projek.

Nau i gat samting olsem 30,000 manmeri long 100 ples i mekim ol wok long mani i kam long Tras.

Obo i gat nupela helt senta pinis

OL kontrak kampani long Westen provins i mekim bikpela wok tru wantaim Ok Tedi/Flai Riva Developmen Tras.

Wanpela wok kamap bilong dispela wok bung em long Obo helt senta. Dispela helt senta inap long kisim ol 4000 manmeri i stap arere long wara Flai na Striklen.

Wanpela kontrak kampani, Peter Gelau Builders i wokim dispela helt senta. Ol i kisim ol asples man long helpim ol long kirapim dispela projek.

Menesa bilong Komyuniti Rile-sens bilong Ok Tedi Main, Martin Paining i tok planti ol asples kampani nau i wok wantaim Developmen Tras long kamapim ol projek.

Em i tok dispela em bikpela tingting ol i laik strongim. Long

wanem kain projek bai kamap bai givim sevis long ol pipel olsem long helt senta na tu givim wok long ol manmeri.

Minista bilong Helt long Flai Riva provinsal gavman, Michael Namalok i opim dispela helt senta long Obo.

Kos bilong dispela senta em K125,000 na em i gat ples bilong kisim marasin, ples bilong ol sikman na meri long slip, ol mama i karim, ples bilong waswas na haus kuk. Em i gat tu tripela bikpela tenk l bilong kisim wara.

Mamalok i tok kampani bai lukluk tasol long ol projek olsem helt, edukesen na wara saplai. Em i tok ol i laikim bai olgeta ples arere long ol wara i gat wan wan projek. Tras i putim K2.5 milien long ol dispela projek.



Ok Tedi i kisim long ol samting em i salim na ol narapela takis i go long gavman. Ok Tedi i helpim olgeta manmeri long PNG long helt sevis, ol rot, skul na ol narapela samting bilong komyuniti.

Tasol long mekim dispela i go het, yumi mas wok bung wantaim. Ok Tedi i kamap nau olsem wanpela kampani i save kamapim gutpela kopa.

Gutpela wok bai kamapim moa gutpela helt na sindaun bilong yumi olgeta long taim bihain.



Sista husat i lukautim helt senta long Obo i wokabaut raun long haus sik wantaim wanpela opisa bilong Ok Tedi kampani. Dispela em long taim ol i opim helt senta long mun Julai.

Flai Riva i ken kamap olsem gutpela pren na birua

IAN KAKARERE
Iraitim

OLSEM olgeta arapela hap long kantri na wol, Flai Riva eria long Westen provins tu i gat ol hevi bilong en.

Long taim bilong ren, ol pipel bilong Kiunga i save amamas bikos ol bai i gat inap kaikai. Tasol long taim bilong bikpela san, ol bisnisan i save kisim taim long kaikai bilong stua. Na tu, ol manmeri save kisim taim bikos i no gat inap kaikai.

Wanpela man bilong wok long ol bikpela masin long Kiunga bris, Buge Wamu i tok mak bilong wara long Flai Riva i save go antap tru long taim bilong ren. Na long taim bilong san, wara bai go daun olgeta. Na sapos mak bilong wara long Flai Riva i go daun moa yet long Kawok, ol sip bai i no inap long go antap long Kiunga taun. Na ol sip long Kiunga tu i no inap go daun gen long nambis.

Olsem na long taim ol sip i ron, ol kepten i save putim was oltaim long Kawok ston. Sapos dispela ston i kam antap abrusim mak bilong wara, dispela i no min olsem ol sip i no inap long ron.

Wamu i tok long sampela taim, ol kru bilong sip i save rausim olgeta kago na ron nating.

Depo menesa bilong SP Holdings, Freddy Morove i tok long mun Septemba 1991, haus kago bilong ol long hap i bin pulap long bia na sofdring. Long wanem ol sip long Mosbi i bin kamap stret long taim.

Long mun Julai, Kiunga vokesenel senta i bin pas bikos i no gat inap kaikai.

Kepten Ray Taylor i bin makim Flai Riva long 1981 stat long Kiunga na i go long daun long maus bilong em.

Menesa bilong Kiunga Stevedores, Bob Lock i tok Flai Riva i senis pinis na dis-

pela bai bringim planti hevi tru long ol pipel bilong Tabubil na Kiunga.

Lock i tok taim ol sip i no save kamap long Kiunga, i gat inap wok long ol wokman i mekim. Tasol taim ol sip i kamap, i save gat planti wok tru na ol wokman i save mekim ol ovataim wok.

Em i tok long 1982, bikpela san i bin stap inap long 6-pela mun olgeta. Na Flai Riva i drai olgeta. Long dispela taim tu, wok bilong Ok Tedi gol main i bin stat. Na planti ol kontrakta kampani olsem Belchtel/MKI i bin flai i go long Kiunga long balus na statim wok long Ok Tedi.

Long dispela taim tu, wanpela sip bilong ol lain bilong Filipin Ailan i bin pas long wesana. Na ol wokman i taitim bun tru long rausim sip. Bihain long olgeta hatwok, ol i givap na planim tomato arere long dispela sip. Ol tomato i gro gut



• Bikpela wara bilong Flai Riva i slip sore i stap.

tru arere long wara na ol i gat wetim wara long kam antap inap tomato bilong kaikai na gen.



SalPress

PRINTERS

(Trading as Salvationist Press)

FOR ALL YOUR PRINTING REQUIREMENTS

SPECIALISING IN

- LARGE QUANTITY PRINT RUNS
- INVOICE BOOKS • LETTERHEADS
- FAX FORMS • ENVELOPES
- SUNDRY COMPUTER STATIONERY
- HEAT FOILING IN GOLD, SILVER OR COLOURS


BEFORE YOU BUY COMPARE OUR PRICES

FOR PROMPT SERVICE CALL US ON

21 1110

FAX.: 21 7317

P.O. BOX 3003, BOROKO N.C.D.



• Ok Tedi gol main long Sta Maunten i slip krungut i stap. Poto i soim ples we ol wokman i save painim gol na kopa long Maunten Fubilan. Dispela projek i stap 18 kilomita longwe long boda bilong Indonesia. Pastaim tru i no gat man i stap long en. Wok bilong painim gol na kopa long Ok Tedi i stat long mun Epril, 1981. Na oi i bin painim na rausim namba wan gol bilong Ok Tedi long 15 Me, 1984.



Ok Tedi i go het nau long helim ol wok kamap long Papua Niugini

i kam long pes 1

tori bilong Papua Niugini yet i wokim. Long dispela pasin, em i suvim ol bisnis kampani na fektori long wokim moa samting na givim tu moa wok long ol pipel long kantri. Long 1990, mak bilong mani em main i yusim long baim ol samting long Papua Niugini yet i bin stap olsem K90.4 milien;

- Ok Tedi main i save givim planti wok tru long ol pipel bilong Papua Niugini. Long mun Jun, 1990 main i bin givim wok long samting olsem 4,800 pipel. Dispela ol lain i wok yet long main, ol lokal kontrakta nabaut na ol arapela lain husat i givim tu ausait sevis long main;

- Main i bin tromoi bikpela mani tu long wokim na stretim ol samting bilong komyuniti. Long mun Jun 1991, Ok Tedi i bin tromoi K282 milien long wokim taun, liklik ples balus wantaim ol haus kago na pasindia, ol rot, putim lektrik pawa, ol skul, haus sik, gutpela wara sistem na ol kain samting olsem telipon na redio. Na kos bilong dispela olgeta samting long dispela yia bai stap long mak bilong K32.6 milien;

- Main i save tromoi mani tu bilong helpim ol ples na komyuniti i stap klostu. Dispela em long wok bilong bisnis na ol arapela komyuniti sapot sevis na ol papa graun. Em i givim helpim long ol dispela rot bilong givim nani long Ok Tedi/Flai Riva Developmen Tras (K2.5 milien) long 1990 na ol i makim pinis K2.6 milien bilong 1991. Dispela i kam aninit long wanpela lokal bisnis developmen progrem bilong ol, kompensesen pe


bilong wan wan yia na long ol royalti pe.

Long skruim dispela ripot, Centre for International Economics i bin lukluk na skelim tu wanem kain ol wok i bin kamap long kantri bihain long independens i kam inap nau.

Em i tok ol wok bisnis long Papua Niugini i kamap long

bungrot nau. Maski graun, wara na bus bilong Papua Niugini i pulap tru long gol, kopa na wel samting, kantri yet i no wok gut tumas long ol dispela samting inap long 15 yia nau. Mak bilong ol manmeri na pikinini long Papua Niugini tu i wok long go antap hariap tru.

Figure 8 Pathways through which Ok Tedi contributes to government revenue



Gol na kopa i no inap helpim tumas Papua Niugini

i kam long pes 4

Long dispela as, gavman i mas daunim liklik pasin bilong yusim planti mani nau. Bikos dispela bai kamapim tasol moa hevi long taim bihain. Wol Beng i givim piksa long wanem samting i bin kamap long Ok Tedi na nesenel gavman long 1980.

"Gavman i ting olsem wok bilong Ok Tedi main bai kamap gut hariap na em i kisim bikpela dinau tru long ovasis. Tasol bihain, olgeta samting i go isi na gavman nau i kisim taim long bekim ol dinau. Olsem tasol, baset mani bilong em tu i sot na em i no inap mekim sampela samting em i laikim long en."

GET THE STRENGTH OF BHP TITAN AROUND YOU

Whatever you are doing .. laying concrete, building with timber or securing your property .. it is comforting to know that the strength of BHP TITAN is there to protect you.

Whether it is razor ribbon, reinforcing mesh, nails or anything else from our comprehensive range, you can rely on top quality products and first class service when you bring your needs to us.

BHP
Steel

BHP TITAN PTY. LTD.
Head Office Lae: P.O. Box 1026, LAE, Papua New Guinea
Telephone 45 7111, Fax 45 7385

Branch Offices:
Scratchley Rd, Badin, P.O. Box 804, Port Moresby
Telephone 21 7712, Fax 21 4914

Planti bisnis i save painim hevi long lukautim gut ol buk

IAN KAKARERE i raitim

OPISA bilong Komes i tok ol liklik bisnis long Westen provins i gat hevi long menesmen wok olsem takis, rekot bilong mani na ol arapela rekot bilong bisnis.

Not Flai Bisnis Dvelopmen opisa, Karae Kawi i tok planti liklik bisnis i no gat gutpela rekot long mani bilong ol long beng, i no klia long ol pasin bilong beng na we bilong stretim ol oda na saplai bilong bisnis.

Long las yia Komes divisen i bin ranim wanpela kos long pasin bilong lukautim ol bisnis buk. Dispela kos em long pasin bilong stretim ol rekot na lista bilong ol kampani o bisnis.

Em i tok ol bisnis husat i ron gut em ol lain i gat stretpela rekot. Tasol i gat bikipela laik yet long moa kos i mas kamap long wok bilonglukautim buk na mani.

Narapela hevi tu em long takis. Planti bisnis i no klia long we bilong baim takis bilong bisnis na ol wokman bilong ol.

Wanpela opisa bilong Komes long provins nau i wok long givim ol toktok na helpim long pasin bilong baim takis na long hevi bilong mani.

Kawi i tok sampela bisnis i gat planti sea tasol siaman o menesa i save ranim

bisnis olsem samting bilong famili yet.

Sampela taim ol memba bilong famili i save kisim pe long potnait tu. Dispela i save givim hevi na

sotim winmani bilong bisnis. Em i tok sampela bisnis i no save laik kisim helpim bilong Komes divisen taim ol i painim hevi.



• Ol kastoma i baim samting long Progressive Traders stua. Steamships Treding kampani na wanpela lokal bisnis kampani bilong Not Flai i papa long dispela stua.

Obo i laik rejista olsem wanpela kampani

OBO Pis Projek long Lek Mari distrik i laik rejista olsem wanpela kampani bilong sapotim ol komyuniti wantaim mani long provins.

Ol opisa bilong Ok Tedi Bisnis Dvelopmen seksen na provin-sal gavman Divisen ov Komes

bai go raun long Obo na Kaviananga long toktok wantaim ol pipel long tingting na wok bilong kampani.

Menesa bilong Obo, Allan Moisu i tok long mun Julai, Ok Tedi i bin helpim na wokim maket long Tabubil, stretim ol bokis ais bilong putim pis na stretim tu ol wokman na meri. Wan wan famili bilong Kaviananga bai i gat sea long dispek kampani sapos em i kamap.

Moisu i tok projek pis i save kamapim wanpela tan Baramundi long olgeta wik. Bihain balus i save karim i go long bikipela stua long Tabubil.

Moa long 1,600 kilogram pis i bin go long Poon kampani pinis. Poon em wanpela kampani bilong kukim kaikai na em i winim kontrak bilong kukim aikai long Ok Tedi.

Tasol Moisu i tok bokis ais bilong putim ol pis i no bikipela inap. Dispela i liklik olsem na ol i salim ol pis i redi pinis tasol long Tabubil.

Na i gat plen i stap pinis long skruim dispela bisnis pis i go moa long hap bilong Mosbi.

SUPER Specials!



Mosquito Coil
0.45t

.29t

Madeans
Bubblemint 90g
K1.70

K1.39




Nail Polish
K3.50

K1.99



Cotton Tips 100's
K1.30

.79t



Wilkinson Sword
A/Shave 100ml
K4.95


K3.99



Lipsticks

K2.50

K1.99



Pony Tail Holder
K1.95

K1.50

Supplier to OK TEDI

Supplier to OK TEDI

Ol beng i givim gutpela helpim nau long ol pipel bilong Westen provins

IAN KAKARERE
i raitim

WOK bilong ol beng long Westen provins i go het gut yet inap long 10-pela yia nau.

Long 1980, Papua Niugini Benking Kopresen (PNGBC) i bin opim liklik opis bilong en long Daru. Na ol liklik han long ol distrik opis nabaut. Dispela em rot ol pipel bilong Westen provins i save kisim helpim bilong ol beng.

Tasol taim wok bilong Ok Tedi main i kamap, kain sevis beng i save givim i senis. Em i kamap moa gutpela.

Long 1981, Westpac na PNGBC i opim ol brens bilong ol long Kiunga. Na long 1984, tupela

beng wantaim i opim ol opis long Tabubil.

Long ol dispela taim, PNGBC i skruim ol sevis bilong em long Daru na opim narapela bikpela opis gen. Bikos moa pipel i laik putim na rausim mani nau long beng.

Ol opisa bilong tupela beng wantaim i tok ol beng bilong ol i save givim kain kain sevis. Dispela ol sevis i stat long wok bilong pasbuk i go long sek, IBD akaun, ol intanesenel beng sevis na toktok bilong kisim dinau long beng.

Tupela beng wantaim i save givim tu ol Bonusaver na Supersaver akaun.

Simon Darius na Camillus Mor i tok tupela i amamas

long helpim ol pipel bilong Westen provins.

Ol i tok ol kastoma bilong ol i save gutpela tru. Ol i no save kros na toktok nabaut sapos ples i pulap long ol man, meri na pikinini.

Mor i tok ol kastoma i kalap nogut tru long planti kain sevis em ol beng inap givim long ol pipel bilong Westen provins.

Komes divisen na Ok Tedi laik bung long helpim ol bisnis

KOMES divisen bilong Westen provins na Bisnis Developmen han bilong Ok Tedi maining kampani bai bungim het wantaim. Na helpim ol pipel bilong provins long kirapim moa bisnis.

Ol mausman bilong tupela grup wantaim i tok olsem wanpela bung bai kamap klostu bilong toktok long dispela. Ol bai toktok long wanem

samting bilong mekim na kirapim ol wok long hap.

Long 1982 i kam inap long 1986, dispela tupela grup i bin wok wantaim na helpim gut tru ol lain pipel bilong Not Flai eria. Ol bisnis grup na kampani i stat na i bin wok gut tru.

Tasol sampela samting i bin kamap na stapim wok bilong tupela

grup ya bihain long 1986.

Ol mausman bilong tupela grup wantaim i no laik toktok long wanem as na ol i bin bruk na stapim wok. Ol i tokaut tasol long wok bung wantaim na lukluk long wanem samting bai kamap long taim bihain.

Ol i tingting nau long bungim Komes Divisen bilong Ok Tedi wantaim Not na Saut Flai operesen.



• Kindam em wanpela gutpela kaikai tru we planti man, meri na pikinini i save laikim. Na long Westen provins, dispela i pulap tru. Olsem long poto, ol man i salim tel bilong kindam long ol kastoma.

NINGERUM TRANSPORT PTY. LTD.

Established 1969,
NINGERUM AND KIUNGA
operating
TRADE STORES
IMPORT - WHOLESALE - RETAIL
HARDWARE.

MARINER, MERCURY OUTBOARD
MOTORS.

Tools of all trades
MARINE and CAMP providores.
T.N.T Courier SERVICE
AGENT FOR M.V.I.T. THIRD PARTY
INSURANCE.

RIVER BARGE TRANSPORT
ROAD TRANSPORT
P.O. Box 20 KIUNGA
WESTERN PROVINCE

Phone: 58 1084/1188 Fax: 58 1195

KIUNGA GUEST HOUSE

WESTERN PROVINCE
IN THE CENTRE OF TOWN

Top Accommodation and Facilities

- 13 Self Contained Air Conditioned Units
- 9 Budget Rooms
- Swimming Pool
- Self Drive Hire Vehicles
- T.V. Lounge
- Airport Transfers
- Phone and Facsimile
- Licenced Dining Room
- Bird Watching Trips Arranged

P.O. BOX 20
KIUNGA
WESTERN PROVINCE

PHONE: 58 1188 FAX: 58 1195



TOKMA TRADING

STATIONERS & OFFICE SUPPLIES

We are proud to be associated with Ok Tedi Mining Ltd in the Western province.

STOCKIST OF:-


- General Stationery
- Sheaffer, Pens And Refills
- Parker, Pens And Refills
- Various sizes of Notice Boards
- Sign Boards with letters
- Flip Charts
- Address and Personal Directory Books
- Various sizes Whyteboards and Mobile Whyteboards
- Office Stationery & School Supplies

1ST FLOOR PNGBC BUILDING WAIGANI DRIVE

P.O. Box 743 Phone: 25 1633

25 1472

Port Moresby Fax: 21 3837



Golden Square Pty Ltd

P.O. Box 1589

Boroko

Port Moresby

Papua New Guinea

Telephone

25 5050 bh

25 4623 ah

Telex: NE 22282 GSQ

Fax: 21 1113

We are proud to be suppliers of Ok Tedi Mine

- Full range of High Class Furniture
- Medium Class Household Furniture
- Office Fittings
- Conference Table & Chair

Made of Papua New Guinea timber species.

Ningerum em namba wan lain bilong wok long Ok Tedi

IAN KAKARERE Iraitim

NINGERUM Pty Limited i tok em i namba wan kampani long sevim Ok Tedi main taim wok bilong painim gol na kopa long Maunten Fubilan i kamap long 1968.

Ningerum Trensport Pty Limited em olupela nesenel memba, Warren Dutton i bin statim long 1969 long Ningerum yet. Ningerum i stap 73 kilomita longwe long not bilong Kiunga.

Taim Kennecott i painim gol na kopa long Ok Tedi, Ningerum em namba wan ples kampani i wokim kem long en.

Long Ningerum, ol helikopta i save karim ol wokman na masin bilong dikim graun na painim gol na kopa i go long ol arapela hap bilong Maunten Fubilan.

Bipo sip i save saplaim kago bilong Kennecott i go long Bige long Alice Riva, na Ningerum Trensport bai karim ol dispela saplai i go long Ningerum.

Dispela i no wanpela isi wok. Bikos Dutton yet i wokim rot long Bige i go long Ningerum. Na yusim wanpela trakta na trela long karim ol saplai.

Tasol dispela wok i no stap longpela taim. Bikos Kennecott i makim Kiunga olsem bris bilong em we ol sip bai i kam sua wantaim kago. Na ol kago em balus save karim i kam pundaun long nupela ples balus long Tabubil kem.

Ol hatwok bilong Dutton i no lus nating. Bikos hap bilong rot em i wokim namel long Dande na Ningerum i kamap olsem Kiunga Tabubil haiwe. Dispela em wanpela bikpela haiwe o rot em Ok Tedi main i save yusim nau.

Dutton i opim tu wanpela liklik tred stua long Ningerum. Dispela tred stua i op yet tude.

Ningerum Trensport i bungim sampela hevi liklik long bipo. Tasol em i strong yet. Bikos em i go insait long ol arapela bisnis olsem sanapim wanpela ges

haus, wolsel na ritailing stua.

Longford i tok i gat bikpela as bilong kamapim wanpela ges haus. Bikos wok bilong Ok Tedi main i wok long kamap bikpela, na planti gavman na pipel i wok long go insait long Kiunga, na painim ples bilong stap.

Long pinis bilong 1970 i kam, Dutton husat i sanapim pinis wanpela haus long Kiunga i lukim olsem ol opisal na wokman mas i gat haus bilong slip na kaikai taim ol i go wokim wok long hap. Orait ol i joinim moa sampela rum long dispela haus. Na dispela em stat bilong Kiunga Ges Haus long kamap.

Kiunga Ges Haus em hap bisnis han bilong Ningerum Trensport i gat 22 rum nau. Nupela sait bilong dispela ges haus i gat 13 rum.

Nau yet ol plenim long mekim 4-pela nupela rum moa.

Kiunga Ges Haus i gat wanpela laisens restoren o ples kaikai tu. Insait long dispela haus kaikai yu ken kaikai ol gutpela kaikai bilong Westen provins olsem baramundi pis.

Long eria bilong ges hau yet ig at wanpela ritail stua we i salim kain kain samting olsem klos laplap, ol samting bilong yusim long pawa na bilong mekim wok wantaim ol arapela samting bilong skul o wok olsem pen na pepa.

I gat wanpela liklik haus kaikai tu we i salim ol liklik samting tasol. PNGBC sab brens i stap insait tu long Kiunga Ges Haus.

Longford i tok Ningerum Trensport i givim tu ol arapela bikpela sevis.

Sampela bilong ol dispela sevis em hararim ka, baim saplai long arapela senta bilong Papua Niugini o long ovasis kantri, wokim wolsel na stua bisnis, TNT air cargo ajen, ogenaising long lukluk raun long ol pisin, givim sevis long ol sip, wok olsem third pati insurens bilong ol ka, givim save long pasin bilong menesim.



• Ol manmerl i balm sampela kaikai pinis na malolo ausait long stua bilong Burns Philp long Kiunga. Foto Ian Kakarere.

Talair bihainim lek bilong Ok Tedi long Westen provins

IAN KAKARERE
I raitim

OL SEVIS bilong Talair long Westen provins i gro wantiam ol developmen long Ok Tedi.

Taim wok bilong maining i stat, Ok Tedi Maingin Limited i yusim Talair long karim ol manmeri na kago i go long ples bilong projek. Talair i save flai namel long Kiunga na Tabubil taim rot namel long dispela tupela hap i no kamap yet.

Ol bot i save karim ol masin na kaikai i go Tabubil na bihain Talair i karim ol i go antap long Kiunga. Em i yusim tupela balus, em Cessna na Twin Otter.

Na taim rot i kamap, Talair i mas mekim moa ran. Na Talair i gat kain balus long mekim dispela wok i redi pinis, em Bandeirante. Bandeirante i stat long mekim ol dispela sevis bilong en long namel long 1981.

Na long 1983, Talair i save mekim ran namel long Tabubil, Daru, Mosbi, Hagen, Lae,

Madang na Wewak.

Na Talair i wokim ol ples balus tu long Daru, Kiunga na Tabubil. Na Talair i gat ol Twin Otter na Islander balus i save yusim ol dispela ples balus. Ol dispela kain balus ol i mekim long flai long dispela kain ples nogut.

Ol manmeri long Westen provins i yusim yet ol balus long go long ol narapela ol hap long wanem i no gat ol rot na sip i wok namel long Morehead, Balimo, Lek Mari, Nomad wara na Olsobip distrik.

Twin Otter na Islander i save karim ol kago bilong stua na ol kes krop tu i go insait long ol ples insait tru long bikbus.

Talair i save karim ol kumu na sayor long Olsobip eria i go long Kiunga na Tabubil. Ol lain long Nomad distrik i save salim lombo i go long Kiunga.

Balus i save karim ol pukpuk em i no dai na tu ol skin bilong pukpuk, baramundi na ol lek bilong dia i go long Kiunga.



• Talair kampani i bin kirapim ol opis long Daru, Kiunga na Tabubil.



LAURABADA SHIPPING SERVICES PTY. LTD.

SHIPPING SCHEDULE
Date: 24/10/91

STANLEY ESPLANADE
P.O. BOX 390,
PORT MORESBY,
PAPUA NEW GUINEA.

TEL:
FAX: 21 4194

VESSEL	VOY	DESTINATION	ETD	REMARKS
HIRI CHIEF	019 020	OBO, KIUNGA OBO, KIUNGA	6/11 20/11	
VESSEL	-	OBO, KIUNGA	-	Subject to demand
BURTIDE	032 033	DARU DARU	26/10 02/11	
MOTUAN CHIEF	026 027	KAMUSI, EMETI, KAWITO, BALIMO KAMUSI, EMETI, KAWITO, BALIMO, ORIOMO	31/10 13/11	
MOALE CHIEF	032 033	KOPI, MIDDLETOWN TBA	30/10	
AGUOTI CHIEF	037 038	KIKORI, BAIMURU KEREMA CHARTER	28/10 6/11	

FOR CARGO BOOKINGS

PH: 211344/21 1340/21 1714.

**CARGOES TO BE RECEIVED IN THE SHED PRIOR TO NOON
ON THE DAY OF THE VESSELS DEPARTURE:**

THIS SCHEDULE IS SUBJECT TO CHANGE WITHOUT NOTICE.

Progress Pty Limited i go het yet long raba bisnis

IAN KAKARERE
i raitim

PRAIS bilong raba long wol i wok long go daun.

Tasol wanpela kampani long Kiunga i gat bikpela bilip yet long wok bilong raba. Dispela kampani em Progress Pty Limited.

Menesing Dairekta bilong Progress Pty Limited, Dave Matthew i tok maski prais bilong raba i pundaun, ol bai baim yet raba long wankain prais. Dispela em 20 toea long wanpela kilogrem (20t/kg)

long ol viles groa.

Progress Pty Limited i mekim olsem bikos sapos ol i laik baim raba stret long prais we i daunbilo tru, ol groa bai les long wokim moa raba. Na dispela i min olsem olgeta bisnis bai pas. Bikos prais bilong raba bai stap daunbilo tru.

Sapos ol groa i les long wok bilong raba, Progress Pty Limited na dipatmen i lukautim wok didiman bai mekim bikpela wok tru long tokim ol groa long wokim raba taim prais i go antap gen.

Matthew i tok kampani bilong

em i baim ol groa long gutpela prais. Dispela i bilong amamasim ol groa long strongim yet wok bilong raba. Progress Pty Limited i bin statim dispela wok bilong raba long 1984. Na long 1985, em i bin stat baim ol namba wan raba. Pastaim long dispela, Pasuwe Pty Limited i save baim raba long Not Flai eria bilong Westen provins.

Na nau, Pasuwe i gat liklik opis i stap yet long Balimo distrik we i save mekim dispela wok. Progress Pty Limited i tingting nau long wokim wan-


pela liklik fektori long Kiunga.

Matthew i tok dispela fektori i bilong smokim ol raba bilong ol groa. Olsem bai em inap salim stret i go long ovasis.

Matthew i tok tingting bilong sanapim fektori bai apim prais bilong raba na dispela bai inap long amamasim ol groa long wokim moa raba. Mipela i save kisim raba long Westen na salim i go long raba fektori long Sentrel provins bilong draim na mekim ol arapela wok long en.

Taim dispela wet raba i go long fektori long Sentrel

provins ol i tanim i go long TSR na salim stret i go long ol kastoma. Bikos fektori i stap long Sentrel provins, provins i kisim sampela helpim long en na Westen provins i no gat. Westen provins i save kamapim planti raba insait long Papua Niugini.



• Dispela haus kago long Tabubil i luk olsem wanpela haus buk. Olgeta samting insait i bilong ol wok painimaut long bipo yet i kam inap nau.

Progress Pty Limited i ronim tu ol sip

IAN KAKARERE
i raitim

PROGRESS Pty Limited i baim gen tripela nupela sip bilong wok i go i kam long Flai Riva.

Inap long planti yia nau, Progress Pty Limited i bin givim sevis na helpim wok bilong nesenel na provinsal gavman, ol wok bilong painim gol, kopa na wel, bensin na ol arapela bikpela bisnis na projek long Kiunga na Tabubil eria bilong Westen provins.

Na nau em i kisim gen tripela nupela sip bilong skruim ol wok bisnis bilong en i go moa yet.

Ol tripela nupela sip bilong Progress Pty Limited em *MV Carrier*, *MV Sylan* na *MV John Petrie*. *MV Carrier* i gat ples bilong karim kago na ol pasindia long fran. Hevi bilong ol kago em inap karim em 80 kilogrem. *MV Sylan* i joinim ol narapela sip long las yia tasol. Hevi bilong dispela sip i stap olsem 50 tan na i gat bikpela hap bilong putim ol kago.

MV Petrie em i wanpela olupela sip. Em i save ron long ol bikpela wara long Brisben, Australia. Longpela bilong dispela sip inap long 11 mita. Na em inap karim moa long 57 pasindia na i gutpela long mekim wok long de tasol.

Progress Pty Limited i bin statim ol wok bilong en long 1984 wantaim wanpela olupela sip bilong Steamships, *MV Kuku*.

KARAWAME

PTY LTD

Serving the needs of the people of Western province

- Supermarket
- Drapery
- Hardware
- Pharmaceutical
- Fuel
- Wholesale & Retail
- Copra

Buyers of Live Crocodiles, Crocodile Skins, Copra, Trochus and Pearl Shell.

The largest nationally owned group of stores in Western province.

Trading in Daru, Balimo and Emeti.

KARAWAME PTY LTD
P.O. BOX 21 DARU
PHONE: 65 9101 FAX: 65 9214



• Ol wokman bilong Ok Tedi i makim ol pis na pukpuk i kam long Flai Riva. Dispela i bilong sekap gut sapos ol pls na pukpuk i no gat sik samting.

Bensin bilong Gase Treding helpim ol wok long Lek Mari

IAN KAKARERE i raitim

GASE Treding Pty Limited bilong Kubut ailan i save helpim gut tru Lek Mari. Bikos em i save givim ol bensin bilong ronim ol bot na moto kanu long san na kerosin bilong laitim lam long nait.

Gase Treding i bin statim bisnis bilong en long 1988. Asisten menesa, Kemoa Kobas i tok ol i statim dispela bisnis wantaim ol wel na kerosin bikos planti pipel i bin sot tru long ol dispela samting long hap.

Ol i luksave olsem ol man bilong ples i gat planti moto kanu na ol i save laik go painim pis na pukpuk. Dispela em tupela bikpela wok we ol pipel i save


painim mani long en.

Olsem na Gase Treding i kirapim bisnis bilong salim bensin na wel wantaim kerosin long ol moto kanu bilong raun long ol wara na solwara long mekim ol dispela wok. Ol i ken yusim lam bilong painim ol pukpuk long nait.

Kerosin na bensin i gat planti wok bilong en long ol pipel long hap. Tripela bikpela wok em bilong yusim long laitim lam long nait, helpim pipel long taim ol i painim hevi long wara long nait na ol i ken luksave long lait na painim ol yet long taim ol i bungim hevi.

Em i tok ol pipel i baim pinis ol bikpela na strongpela lam bilong raun long painim ol pis na pukpuk.

Figure 6: OK Tedi, a major contributor to export earnings



Ol pukpuk fama bilong Lek Mari bai kisim bikpela prais nau

OL fama bilong pukpuk long Lek Mari distrik bilong Westen provins bai kisim gutpela prais long mit na skin bilong pukpuk.

Dispela em bikos bisnis pukpuk long Boboa long Westen provins i kisim pinis ekspot laisens bilong em long mun Ogas.

Dispela i min olsem em inap baim na salim ol mit na skin bilong pukpuk i go long ovasis.

Not Flai Bisnis Developmen opisa, Karae Kawi i tok long bipo ol i save salim mit na skin bilong pukpuk i go long hetkwata

long Lae na Mosbi. Tasol nau bai ol fama long Westen provins bai kisim gutpela prais. Bikos ol bai salim stret skin na mit bolong pukpuk ol samting ya i go stret long Japan na Yurop.

Em i tok dispela bai helpim ol fama bilong pukpuk long Lek Mari distrik bikos prais bilong pukpuk long wol maket i pundaun.

Dispela embikos ol bisnis pukpuk long Papua Niugini i no save resis long bisnis pukpuk wantaim ol bikpela pukpuk fam long Amerika.

Lek Mari fam i gat

moa long 2,000 kain kain sais pukpuk i stap long banis.

I no longtaim i go pinsi, em i bin salim 217 skin bilong pukpuk na kisim K29,000 long dispela.

Kawi i tok bisnis pukpuk i olsem bisnis gol bilong ol pipel long Westen provins. Bikos planti asples long provins i gat ol fam bilong lukautim pukpuk. Planti bilong dispela ples i stap long Lek Mari na Balimo distrik.

Em i tok bisnis pukpuk i bisnis bilong ol pipel long Westen provins. Em i save kamap gut

wantaim ol pipel na i no hat long ol.

Prais bilong ol samting long ol stua long Lek Mari i stap natap tru

OL SAMTING bilong stua long Lek Mari i save kos bikpela mani moa.

Dispela i kamap bikos i no gat gutpela rot bilong bringim ol kago samting bilong stua i go long hap. Na taim kos bilong dispela i antap, kos bilong ol samting long stua bai go antap moa yet.

Menesa bilong Gase Treding, Kemoa Kobas i tok ol i save kisim ol kaikai bilong stua long ol sata balus. Ol samting ya em olsem ol PK na bensin bilong ol moto kanu na spitbot.

Gase Treding i stap long Kubut ailan na em i save sevim gavman stesin na ol bisnis na ol pipel bilong ples long hap.

Em i save lusim K2,270 long baim balus bilong karim ol kago bilong stua long Kiunga i go long Lek Mari. Olsem na ol manmeri i save baim ol dispela kos bilong balus taim ol i baim kaikai long stua.

Dispela i min olsem ol manmeri bai baim tinpis long K2.50 we stua yet i save baim K1.80 long en. Rais bai kos K1.70 long wampela 1 kg karamap. Arapela kaikai na samting long stua tu i wankain olsem.

Kobas i tok ol arapela stua long Lek Mari tu i sasim wankain prais long ol samting ol i save salim. Dispela em bikos long prais bilong balus tasol.

FAIWOL INVESTORS PTY LTD

Janitorial Services & Garbage Collection

- Faiwol's advertised intention is "KEEP TABUBIL CLEAN" and this they do by being contracted by OK TEDI MINING LTD to maintain a high level of cleanliness and hygiene in their offices, plus the carrying out of regular garbage collection throughout the commercial and residential areas of TABUBIL township.
- Faiwol's services extend right up to the mine site itself as well as to many other commercial organisations around the town.

Faiwol has been in the "CLEANING" business for over four years now and by top level management, high performance levels and good team spirit has achieved a name for EFFICIENCY.
- Faiwol is 100% locally owned; 100% PNG managed and staffed - a true example of what can be achieved in a major project spin-off environment.
- For further information or enquiries please contact the General Manager - Mr. "YAPSIE" TVENKOKFA on 58 9215 or write to Faiwol Investors Pty Ltd, P.O. Box 147, Tabubil, Western Province.

Mipela i inves long bihain taim bilong Westen provins



Ol maining kampani long wol i save bringim senis i go insait long komyuniti ol i wok long en. Long PNG, Ok Tedi i laikim olsem senis bai bringim helpim we i ken kamapim gutpela laip bilong ol pipel. Dispela em long nau yet na tu long bihain taim, taim wok bilong main i stap.

Wanpela maining operesen olsem sais bilong Ok Tedi i makim "laip senis" long ol pipel bilong Westen provins long PNG. Dispela em wanpela rurel eria long PNG.

Ol Komyuniti i develop nau we i gat moa rot, skul, gutpela helt sevis na sampela liklik bisnis i kamap bikos long wok bilong main. Nesenel ekonomi i kamap gutpela nau. Tenkyu i go long moa mani mipela i kisim long ekspotim ol kago, wantaim royalti mani na ol arapela takis nabaut.

Prodaksen bilong mipela i go aut i winim 40 pesen bilong olgeta arapela ekpot bilong PNG.

Dispela en olgeta helpim we i mekim PNG i kamap moa strong, we i ken sanap long lek na han bilong em yet. Na bai i no inap sanap strong long mani bilong ol ovasis kantri.

Wantaim invesmen, Ok Tedi bai i trening ol nesenel wokman, na senisim sampela ovasis wokman long kampani. Na tu long developim bisnis.

Wantaim dispela mipela i kamapim sans na save we i mekim ol pipel bilong Westen provins i strong moa long han na lek bilong ol yet long longpela taim bihain. Dispela i gutpela long ekonomik developmen bilong PNG.

Taim Ok Tedi i wok yet, mani o helpim mipela i givim long helpim ol bisnis i groa wantaim invesmen na ekonomik developmen bai i goap tu.

Bikpela samting long wanpela kantri em i no namba bilong gol na kopa em i gat, tasol ol pipel bilong em. Sapos Ok Tedi i kamapim bikpela wok bilong em, planti moa pipel bilong PNG bai kisim helpim.



RAGBI

Namba 4 Fonde Novemba 7, 1991. **NIUS**

Kumul bungim Lions nau

ALPHONSE PU long London I raitim

PAPUA Niugini Kumul bai bungim Gret Briten Lions long Wigan long Sarere Novemba 9, 1991 long 3 klok apinun (Sande Novemba 10, 1991 long 1klok morning -PNG taim). Dispela em long wanpela Tes Gem tasol long Wol Kap poin.

Ol Kumul bai i bungim gen ol Lions em ol i bin winim long Goroka 20-18 long las Julai, 1990, na i lus gen long Namba tu Tes Gem long Mosbi 40-8.

Bipo long Tes Gem long Wigan, Kumul i bin bungim wanpela strongpela Cumbria tim klostu long Skotklen long Trinde. Kumul i mas winim dispela gem sapos em i laik givim strongpela salens long ol Lions long tupela de bihain.

Ol 24 pilaia long Kumul tim wantaim ol opisal i bin kamap long Gret Briten long tpela wik i go pinis na bungim bikipela birua long kol. Ples i kol tumas na moa long 12-pela pilaia i gat kus nau. Fulbek Ivisa Wanega i kisim bikipela birua long dispela.

Long taim bilong trening, ol pilaia bai putim planti strongpela longpela klos laplap bilong stapim ol long kol.

Tasol dispela kol i no stapim ol Kumul long putim kamap sampela gutpela stail bilong pilai long tupela namba wan gem. Dispela

em long namba wan gem egen-sim Wales we ol i lus 56-0, na long namba tu gem egensim Anda 21 tim bilong Gret Briten we ol i lus tu, 58-0.

Long dispela tupela gem wantaim, ol Kumul pilaia i no mekim gutpela wok long takel. Na tu long stretim pilai taim ol i kisim bal. I tru oisem i gat sampela gutpela sans bilong skoa. Tasol ol dispela sans i go bagarap nating.

Kumul tim em i bin lus long Gret Briten Anda 21 tim em Ivisa Wanega, Lipirin Palangat, Philip

Boge, Chris Itam, Jack Uradok, Ngala Lapan, Sam Karara, Kera Ngaffin, Danny Moi, John Yawing, Johannes Kola, Kes Paglipari (kepten), na Leslie Hoffman.

Referi Bill Harrigan i lukautim dispela pilai.

Long gem bilong Trinde egensim combined Humberside, Kumul i lus gen 14-16. Dispela gem em moa long 10,000 manmeri i kamap na lukim we i kamap laip tu long televisen.

Bihain long namba wan hap bilong dispela gem, Kumul i bin ran bihain long skoa 4-12.

Long namba tu hap bilong pilai, beklain bilong Kumul i stat paia long stail bilong em na skoarim hariap tupela trai. Philip Boge i kikim gut kik bilong tupela poin, na Kumul i go pas long skoa 14-12.

Tupela minit tasol i stap na Humberside i skoarim wanpela trai long winim dispela gem 16-14.

Kumul i gat 5-pela gem olgeta long pilaim bipo ol i go pilai raun long Frans, na kam bek long

PNG. Long Gret Briten, ol i lusim tripela gem nau, na tupela moa istap wantaim dispela Tes Gem long Fraide (PNG taim).

Dispela tim we klostu i helpim PNG long win em Ivisa Wanega, Philip Boge, Richard Wagambie, Chris Itam, Stanley Haru (kepten), Ngala Lapan, John Unagi, Danny Moi, Kera Ngaffin, James Naipao, Kes Paglipari na Joe Gispe.

Referi husat i lukautim dispela gem em D. Holdsworth.

Tripla lus we ol birua i skoarim 130 poin na Kumul i skoarim 14 poin tasol i no intanesenel kompetisen long wanpela kantri we pilai ragbi em i nesanel spot.

Ol pilaia i lukim gen stail bilong ol long pilai long televisen. Dispel i givim bikipela helpim long ol yet long stretim stail bilong ol long pilai. Oisem na ol i no lusim namba tri gem long bikipela skoa tumas (16-14).

Sampela pilaia i tokaut oisem long lukim ol yet i pilai i redim tru tingting bilong ol long pilai.

SEKIM LAIN AP:

PNG Mazda Kumul:



• Skerry Palanga (Kosa)

1. Ivisa Wanega
2. Jack Uradok
3. R. Wagambie
4. Phillip Boge
5. Chris Itam
6. Tuksy Karu
7. Stanley Haru (c)
8. John Unagi
9. K. Paglipari (vc)



• Stanley Haru (Kepten)

10. Kera Ngaffin
 11. James Naipao
 12. Leslie Hoff
- Ol Risev pilala:
13. Ol Risev pilala
 14. Ngala Lapan
 15. Joshua
 16. Max Tirli
 17. Thomas Daki

Britis Lions:



• M. Rellly (Kosa)

1. Steve Hampson Wigan
2. Paul Newlove Featherstone R.
3. Daryl Powell Sheffield G.
4. J. Davles Widnes
5. A. Sullivan St. Helens
6. Garry Schofield Leeds
7. Shaun Edwards Wigan
8. Kelvin Skerrett Wigan
9. Martin Dermont Wigan



• E. Hanley (c)

10. Andy Platt Wigan
11. Denis Betts Wigan
12. Paul Morarty Widnes
13. M. Jackson Wakefield T.
14. E. Hanley (c) Wigan
15. Deryck Fox Featherstone R.
16. Karl Harrison Nallifax
17. Garry Connolly St. Helens
18. Karl Fairbank Bradford N.



• Kepten bilong Gret Briten Lions, Ellery Hanley husat bal go pas gen long tim bilong em long autim Papua Niugini Mazda Kumul long Sande Novemba 10, 1991. Lukim moa ripot bilong dispela Tes Gem long pes 2 na 3.

INSAIT

- Tupela Mou brata bai salens long wiken ... p4
- Mosbi Pablik Sevan ragbi dro na skoa ... p4

- Unagi op sisen lig dro na skoa p4
- Unagi op sisen lig poto p4

- Piksa bilong ol Kumul na Lions pilaia p3
- Mosbi Pablik Sevan ragbi lig resis i gat as bilong em p4

Klostu Kumul winim namba 3 gem long Inglan

KLOSTU tru Papua Niugini Mazda Kumul i winim namba tri gem bilong em long Gret Briten egensim Humberside long Hull.

Dispela gem i bin kamap long Inglan long Sande Novemba 3, 1991. Na moa long 10,000 manmeri i bin kamap na lukim we i kamap laip tu long televisen.

Kumul i bin lusim tupela gem bilong em pinis long bikpela skoa. Tupela namba wan gem em i lusim egensim Wales na Anda 21 tim bilong Gret Briten.

Kumul inap long winim namba tri gem bilong em bihain long em i skoarim hariap tupela trai long 7-pela las minit, na i go pas long skoa 14-12.

Philip Boge i skoarim namba wan poin bilong Kumul wantaim tupela penelti gol long namba wan hap bilong pilai. Dispela tupela penelti gol i bin kamap long namba 4 na 10 minit bilong pilai.

Tasol Humberside i bekim hariap wantaim wanpela trai bilong Lee Jackson.

Bihain long dispela trai, Mike Fletcher i kikim wanpela gutpela penelti gol.

Sampela minit bihain Paul Fletcher i skoarim wanpela trai na Paul Eastwood i kikim wanpela gutpela gol kik. Dispela i pusim Humberside i go pas long skoa 12-4.

Dispela skoa i bin stap olsem inap 74 minit taim senta Richard Wagambie i skoarim wanpela gutpela namba wan trai. Wagambie i brukim gut banis long beklain na givim sisti long 55 mita samting bipo em i skoa.

Boge i kikim gut kik bilong tupela poin na Kumul i go pas long skoa 14-12.

Sampela seken bipo long pilai i pinis, Tuksy Karu i bihainim wanpela kik bilong em yet na bung wantaim Joshua Kouoru. Na Kouoru i bungim stail wantaim na salim winga Chris Itam i go skoa.

Tasol sans bilong Kumul long skoa i bagarap na fowat Joe Gispe i pundaunim wanpela bal, na Sodje i kisim na spit i go skoa.

Humberside 16: Ol trai i kam long Jackson, P Fletcher, Sodje. Ol gol i kam long M Fletcher na Eastwood.

PNG 14: Ol trai i kam long Wagambie na Itam. Na Boge i kikim tripela gol kik.

Hap taim skoa: Humberside 12-4.



• Unagi op sisen ragbi lig resis bilong las wiken. Judiseri Komiti bai i kamapnau long lukatim ol planti trabel em i save kamap long taim bilong resis. Ritim stori.

Kumul Tour - 1991

vs Wales lost 0-68

vs U21 lost 0-58

vs Combined

Humberside

lost 12-14

vs Cumbria Ist 12-24

OL GEM BILONG KUMUL LONG BIPO EGENSIM GRET BRITEN LIONS

1975 vs Gret Briten lost 20-4 (Mosbi)

1984 vs Gret Briten lost 20-38 (Hagen)

1987 vs Gret Briten lost 48-0 (Wigan, Inglan)

1990 Gret Briten lost 40-8 (Mosbi)

1991 Gret Briten

(Wigan, Inglan)



Winim!

wanpela Kumul jesi

Na tu i gat planti "T" Shirt bilong winim.

Makim tasol wanem Kumul tim em yu tingim i ken pilaim Australian Kangaroos.

Sapos mi wanpela selekta, mi bai makim ol dispela pilaia:

Fulbek _____
 Lep wing _____
 Insait Senta _____
 Ausait Senta _____
 Rait Wing _____
 Faiv Et _____

Prop _____
 Huka _____
 Prop _____
 Seken Ro _____
 Hap Bek _____
 Lok _____

Nem bilong yu: _____

Adres: _____

Telepon Namba: _____

Salim olgeta entri bilong yu i go long:
 Rugby League News Competition
 P.O. Box 1982
 BOROKO
 NCD



PNG Kumuls VS Britis Lions



• Ipisa Wanega
Royals - Goroka



• Joe Gispe
Air Niugini - Mosbi




• Jack Uradok
Difens - Mosbi



• Tuksy Karu
Wes - Mosbi



• Kera Ngaffin
Difens - Mosbi



• John Unagi
Kundiawa



• Ngala Lapan
Tigers - Lae



• Stanley Haru (c)
Tigers - Mosbi



• Phillip Boge
Hawks - Mosbi



• Thomas Daki
Royals - Lae



• R. Wagamble
Tarangau - Mosbi



• Leslee Hoffman
Royals - Lae

Stanley Haru (Kumul kepten) . Vs . Ellery Hanley (Lions kepten)



• Kepten bilong PNG Mazda Kumul, Stanley Haru bai i lukautim pilal nau long hap bek posisen (namba 7). Em bai bungim stail wantalm yangpela Tuksy Karu husat i kisim ples bilong em long faiv et. Tupela hap ya bai holim bai planti talm. Olsem na sans bilong Kumul long winim namba wan Tes Gem i hangamap long wanem kain we tupela i lukautim pilal.



• Kepten bilong Gret Briten Lions, Ellery Hanley. Ellery em wanpela intanesenel pilala husat i gat biknem pinis long strongpela ragbi lig resis long wol. Dispela em long Sidni Lig long Australia. Ellery i gat nem tu long kisim Lions i kam autim Kumul 40-8 long Mosbi long 1990. Em i gat gupela sans gen sapos Kumul i no senisim stail bilong pilal we ol i lus i kam inap nau.



• Chris Itam
Tarangau - Hagen



• James Naipao
Tarangau-Mosbi



• Joshua Kouoru
Wes - Mosbi



• Max Tiri
Hagen



• K. Paglipari (vc)
Difens - Mosbi

Bungim ol Britis Lions pilala long aninit:



• Maurice Lindsay
(Tim menesa)



• Jonathan Davies
Widnes



• Martin Dermont
Wigan



• Shaun Edwards
Wigan



• Karl Fairbank
Bradford N.



• Deryck Fox
Featherstone R.



• M. Reilly O.B.E.
(Kosa)



• Phil Larder
(Asisten Kosa)



• Denis Betts
Wigan



• Andy Platt
Wigan



• Kelvin Skerrett
Wigan



• G. Schofield
Leeds



• Ellery Hanley (c)
Wigan



• F. Mackenzie
(Tim dokta)

Unagi lig bai i gat Judiseri Komiti

SAM YAKAM i raitim

DAVID Unagi Ragbi Lig resis i stap long namba tu raun na planti hevi i bin kamap pinis insait long fil. Presiden Felix Tapie i bin tokim RLN olsem pasin bilong kamapim hevi insait na ausait long fil bai i no inap helpim na promotim dispela resis.

Nau yet em i givim strongpela tok lukaut i go long olgeta klap memba, pilaia, sapota na ol opisal long pilaim gutpela gem insait long resis bilong dispela yia.

Tapie i tok olgeta pilaia na opisal i mas wok bungim wantaim long promotim ragbi lig. Na tu givim gutpela sans long ol arapela yangpela pilaia long yusim dispela resis long kisim moa save. Em i tok Unagi Lig i bin helpim planti gutpela na strongpela pilaia husat i kamap pinis long Mosbi Winfield Lig resis.

Nau yet ol eksekutiv i tingting long holim wanpela kibung long makim wanpela grup (judiseri komiti) husat bai lukluk long ol hevi bilong ol pilaia,

opisal na sapota. Ol eksekutiv bai lukluk long kisim wanpela biknem pren loya long go pas long dispela grup. Na lukluk long stretim hevi bilong ol memba. Na tu sasim ol inap long wanem kain hevi ol i kamapim.

Mista Tapie i tok planti taim ol trabel, pilaia na sapota tok nogut long refri. Na stapim planti ol gutpela referi husat i laik givim taim bilong ol long lukautim gem. Sapos judiseri grup i kamap pinis ol bai sasim sapota, klap, na ol opisal wantaim ol pilaia husat i kamapim hevi insait na tu ausait long fil.

Sapos wanpela pilaia i kamapim wanpela trabel, em bai baim asosiesen long K50.

Wankain sas bai kamap long ol sapota. Sapos hevi bilong opisal o sapota i bikpela ol komiti bai sasim klap long K60. Na tu bai stapim klap long pilaim gem inap tupela wik.

Mista Tapie i tok nau narapela hevi bilong yunifom i stap yet. Na wanwan klap i mas lukluk long hevi bilong em yet pastaim bipo em i kamap long pilai long dispela wiken.



• Mosbi Pablik sevan ragbi lig resis long las wiken. Resis ya i go insait nau long namba 4 raun.

Sekim as bilong Pablik sevan lig resis

NESENEL Kapital Distrik Ragbi Lig i stat long 1979. As bilong dispela resis i bilong bringim olgeta wokman bilong arapela gavman dipatmen long luksave long ol yet.

Seketeti bilong dispela resis, Madicks Haro i tok dispela gem i mas stap namel long ol wokman bilong pablik sevis yet. Gem bilong dispela resis i gutpela na strongpela tasol ol pilaia, opisal na ol arapela sapota i mas save long as tru bilong dispela gem. As bilong dispela gem em "Pablik Rilesen" bilong bungim olgeta wokman bilong gavman dipatmen.

Olgeta manmeri wantaim ol sapota na opisal husat i kamap long lukim gem bilong pablik sevis i mas putim toktok na as tru bilong dispela gem insait long het. Yumi olgeta pilaia na sapota i mas tingim "Pablik Rilesen" olgeta taim insait long fil, na tu ausait long fil long kamapim gutpela pren insait long wok bilong pablik sevis.

Yes, yumi pilaim dispela gem long win, na tu long soim stail na strong

bilong yumi. Tasol yumi mas holim pasim tu as bilong dispela pilai na pilai long gutpela rot bilong strongim prennamel longolgeta pablik sevan.

Pilai nogut na pait long fil bai bagarapim as tru bilong dispela resis. Na tu bel hevi bai i stap namel long wan wan wokman bilong ol arapela gavman dipatmen.

Planti hevi i bin kamap pinis long sampela gem bilong las yia. Na dispela i soim pinis olsem planti moa bai kamap gen long dispela yia sapos ol pilaia i no tingim as bilong resis taim ol i ran i go insait long fil. Tupela wik i go pinis presiden bilong asosiesen, Micheal Hasho wantaim ol arapela eksekutiv i bin kibung long strongim sampela lo bilong sasim ol pilaia, opisal na sapota sapos ol i kamapim hevi insait long gem.

Ol eksekutiv i pasim tok pinis olsem sas bilong husat ol man i kamapim bikhet pasin insait long fil, bai baim asosiesen namel long K50 na K100 fain mani.

SOUTH SETTLEMENT RUGBY LEAGUE ROUND TWO:

SATURDAY 9TH NOVEMBER, 1991

OVAL 2

Time	Grade	Pool B
10.00 am	C	Mosquitoes v Roosters
10.45 am	C	United v Broncos
11.30 am	C	Knights v Hornets
12.15 pm	C	Eels v Eagles
1.00 pm	B	Knights v Hornets
1.35 pm	B	Eels v Eagles

OVAL 1

Time	Grade	Pool B
11.00 am	B	Mosquitoes v Roosters
11.55 am	B	United v Broncos
12.50 pm	A	Mosquitoes v Roosters
1.57 pm	A	United v Broncos
3.04 pm	A	Knights v Hornets
4.11 pm	A	Eels v Eagles

Bye: Bulldogs

SUNDAY 10TH NOVEMBER, 1991

OVAL 2

Time	Grade	Pool A
10.00 am	C	Sharks v Seagulls
10.45 am	C	Jets v Raiders

11.30 am	C	Brothers v Panthers
12.15 pm	C	- v -
1.00 pm	B	Brothers v Panthers
1.55 pm	B	- v -

OVAL 1

Time	Grade	Pool B
11.00 am	B	Sharks v Seagulls
11.55 am	B	Jets v Raiders
12.50 pm	A	Sharks v Seagulls
1.57 pm	A	Jets v Raiders
3.04 pm	A	Brothers v Panthers
4.11 pm	A	- v -

Bye: Bulldogs

GAME OFFICIALS

Oval 1	Sat: Sharks/Seagulls	Oval 2	Sat: Raiders/Panthers
Sun: Mossies/Hornets		Sun: Knights/Broncos	

POOL A

Tony Kairi
Avex Hilake
Ben Muri
-
Luke Ravu
-
Saba Savara
Ben Muri
Tony Kairi
Dao Pio
Albert Muri

POOL B

Luke Ravu
Jimmy Keto
Tony Kairi
Tom Kelly
Ben Muri
Joe koite
Tony Kairi
Ben Muri
Luke Ravu
Samson Kaia
Dao Pio
Albert Muri

Tupela Mou brata bai salens

Raiders na Natres i go pas nau long poin lata bilong NCD Pablik Sevan ragbi lig resis. Dispela em bihain long tupela gem tasol.

Tupela tim wantaim i gat 4-pela poin. Bihain long tupela em PTC, Finhaus, Ela, Works, Primed na NCDC wantaim tupela poin. Trempot wantaim Edukesen i traim hat yet long skoarim tupela poin long skoa bod.

Raiders husat i go pas hariap long lata bai i bungim strongpela salens long dispela wiken. Em bai i bungim NCDC.

Nau yet olgeta pilaia bilong NCDC i gat bikpela laik long daunim strong bilong Raiders. Bikos las wiken ol i bin bagarapim sindaun bilong olupela nem tim, PTC 14-12. PTC em olupela sempion bilong dispela op sisen ragbi resis.

Ol pilaia na sapota i mas save olsem gem namel long Raiders na NCDC bai i strong moa, na sem taim i gutpela long lukim.

Wanpela pani samting nau em tupela blut brata yet bai i birua long dispela gem. Clement Mou husat i save pilai long Kone Tigers klap bilong Mosbi Winfield Lig bai i go pas long NCDC. Na brata bilong em, Greg bai i go pas long Raiders.

Greg i gat bikpela bilip olsem Raiders bai i winim dispela gem. Bikos em i gat bilip long gutpela gem bilong las wiken egensim PTC. Tasol em i tok ol pilaia bilong em bai i no inap pilai kaskas long NCDC. Bikos long lukluk bilong em, em i gat ol pilaia moa long ol arapela tim.

Greg i tok olgeta pilaia bilong em i bin stap wantaim planti taim. Naoi yet i save long stail na gem bilong ol. Olsem na dispela bai i wanpela gutpela helpim bilong ol long daunim NCDC.

Nau yet Greg i lukluk long ol olupela ragbi yunien pilaia olsem Peter Waieng, Siri Koae na Mak Kae long strongim pilai long fowat lain, na kliam rot long ol beklain pilaia olsem Meke Maino, Wesley Robinson na Nicholas Lame.

Clement gen i no gat bilip long ol bilong em long NCDC. Em i tok nau yet ol i painim ol pilaia long poromanim ol yet long fil.

Clement i lukluk long senisim sampela pilaia long dispela wiken egensim Raiders. Clement bai i strong tasol long ol pilaia olsem Eri Emel, Dominic Bre, Jonah Unagi, Bernard Waketsi na em yet long winim dispela gem. Ol dispela pilaia i save pilai long Mosbi Winfield Lig resis.

SIPAK MAIK

TEWEL BILONG MAIK ILUS OLGETA...
EM TANIM NA LUKIM ESTA KAIKAIM
TIT I STAP...



...K-KAMON DARLING... MAI
LEWA..HIRI KWIN B-BILONG
GOROKA... MI DRIMAN LONG
YU TASOL..YA...

EM KIRAP HOLIM ESTA NA
KUSAI LONG EM...



MAI LEWA! SAPOS MI SANAP
LONG PALAMEN HAUS. BAI YUMI
RIS STRET! BAI YUMI TUPELA
TASOL BAI RACINIM WOL...
AMERIKA, JERUSALEM, HAWAII...

UMF!

EM KIRAP NA TOKIM ESTA LONG
TINGIM RACIN BILONG TUPELA...



KAMON
LEWA,
Tingim!

TUPELA DRIMAN I STAP NA
TRAPELA PAIRAP I KAMAP LONG
AUTSAIT...



...ESTA, BAI MI BAIM OL
NUPELA DRES BILONG YU
LONG OVASIS NA NUPELA
OL MEK-AP BILONG OL MERI,
PEFIUM NA... HOI?!

ATING
OLI
PAIT, YA!

SMASH!
CRASH!

EM I GO SEKAP NA KIRAP NO-
GUT LONG LUKIM OLGETA VOTAS
BILONG EM I SPAK NA PAIT I STAP...



!?!?

@*?!
@*?!

EM LAIK GO STOPIM OL, TASOL
WANPELA BOTOL KLOSTU ALTIM
TIKET BILONG EM...



HOI, STOP!
OL PI... YAAA!

ZOOM!

PERSONAL LOANS

Husat i halivim yu long kisim ol samting
yu laikim tru?

Sapos yu laikim nupela ka
o ol samting bilong
haus, PNGBC ken givim
yu dinau long baim ol
dispela samting.

Yu mas gat gutpela wok
na sampela seving
long haus momi.
Na i no hat tumas long
bekim dispela dinau.

Askim long haus momi bilong PNGBC
Bai mipela halivim yu long
kisim ol samting yu laikim emi tru!



REBO

REBO KALAP LONG KA BILONG EM NA DRAIV IGO...

OKE!!
YUMI BIHAINIM EM LONG KA.. IGO LONG HAUS BILONG EM!

OL RASKOL IBIHAINIM EM LONG WANEM HAP REBO I GO LONG EN... OL I STAP KLOSTA LONG EM...

REBO DRAIV IGO INSAIT LONG SEVIS STATION LONG REFILIM PETROL...

HEY! EM GO INSAIT LONG STASIN... YUMI WETIM EM LONG ARERE.

REBO SINDAUN NA WETIM BAUSA BOI I PULAMAPIM PETROL IGO INSAIT LONG KA... NAU EM LUKLUK LONG ACHSAIT MIRA NA LUKIM KA NA TINGTING PLANTI...

HEY! DISPELA KA I BIN BIHAINIM MI I KAM LONG OPIS YET, YA!.. ATING EM OL TASOL YA?..

EM KIRAP RAUSIM NARAPELA FAIV KINA NA TOKIM BAUSA BOI LONG PULAMAPIM NARAPELA FAIV KINA PETROL...

HOI, MAI PREN.. EM YA, PULAMAPIM NARAPELA FAIV KINA GEKI.. HARIAP!

MANI! ATING I PETROL I PINIS I OLBETA?


EM PULAMAPIM PINIS NA REBO SIGARAPIM TAIA NA TEK-OFF...

HEY! EM TEK-OFF NAU!!


ATING EM SAVE PINIS, YA!

OL SAVEMAN BILONG BISNIS YUSIM OL!


Lister




- LT1 5 K.V.A.
- TOTALLY PORTABLE ENERGY SOURCE
- IDEAL UNIT FOR VILLAGE LOCATIONS



- TS2 8.5 K.V.A.
- 3 PHASE OR SINGLE PHASE POWER
- COMPACT AND EFFICIENT



- HR3 26.25 K.V.A.
- IDEAL COMMERCIAL BACKUP SYSTEM



- CS6 58 K.V.A.
- INDUSTRIAL CAPACITY
- WILL HANDLE MAXIMUM DEMAND FOR POWER ANYTIME

Brian Bell Stores


- BOROKO — 25 5411
- LAE — 42 1433
- GOROKA — 72 1098

- MT. HAGEN — 52 1999
- RABAU — 92 1966

Phantom



Flash Gordon



MICKEY MOUSE





LUSHIP

RON BILONG OL SIP LONG NOVEMBA, 1991.

I gat sampela senis ol olupela ron bilong ol sip. Sapos yu laik save moa, toktok wantaim Clement o lta long telipon 42 2066.

RON BILONG OL SIP: NIUGINI AILAN

VESSEL VOY NO	RITA 098	M. EX 232	M. EX 233	M. EX 234
Departs Lae 10.00 AM	MON 04/11	MON 11/11	MON 18/11	MON 25/11
Arrives Kimbe 12.30 PM	TUE 05/11	TUE 12/11	TUE 19/11	TUE 26/11
Departs Kimbe 1.30 PM	TUE 06/11	TUE 12/11	TUE 19/11	TUE 26/11
Arrives Bialla 7.00 PM	TUE 05/11	TUE 12/11	TUE 19/11	TUE 26/11
Departs Bialla 8.00 PM	TUE 05/11	TUE 12/11	TUE 19/11	TUE 26/11
Arrives Rabaul 8.00 AM	WED 06/11	WED 13/11	WED 20/11	WED 27/11
Departs Rabaul 12.00 NOON	WED 06/11	WED 13/11	WED 20/11	WED 27/11
Arrives Bialla 12.00 Midnite	WED 06/11	WED 13/11	WED 20/11	WED 27/11
Departs Bialla 1.00 AM	THU 07/11	THU 14/11	THU 21/11	THU 28/11
Arrives Kimbe 3.30 AM	THU 07/11	THU 14/11	THU 21/11	THU 28/11
Departs Kimbe 8.00 AM	THU 07/11	THU 14/11	THU 21/11	THU 28/11
Arrives Lae 10.00 AM	FRI 08/11	FRI 15/11	FRI 22/11	FRI 29/11

RON BILONG OL SIP: LAE - FINSAFEN - SIASSI

VESSEL VOY NO	RITA 098B	RITA 099B	M. EX 233B	M. EX 234B	M. EX 235B
Departs Lae 8.00 AM	SAT 02/11	FRI 08/11	SAT 16/11	SAT 23/11	SAT 30/11
Arrives Finch 1.00 PM	SAT 02/11	FRI 08/11	SAT 16/11	SAT 23/11	SAT 30/11
Departs Finch 12.00 Midnite	SAT 02/11	FRI 08/11	SAT 16/11	SAT 23/11	SAT 30/11
Arrives Lablab 6.00 AM	SUN 03/11	SAT 09/11	SUN 17/11	SUN 24/11	SUN 01/12
Departs Lablab 7.00 AM	SUN 03/11	SAT 09/11	SUN 17/11	SUN 24/11	SUN 01/12
Arrives Buki 2.00 PM	SUN 03/11	SAT 09/11	SUN 17/11	SUN 24/11	SUN 01/12
Departs Buki 3.00 PM	SUN 03/11	SAT 09/11	SUN 17/11	SUN 24/11	SUN 01/12
Arrives Lae 7.30 PM	SUN 03/11	SAT 09/11	SUN 17/11	SUN 24/11	SUN 01/12

RON BILONG OL SIP LONG ORO I GO LONG WEWAK

VESSEL VOY. NO.	M. EX 231	RITA 099	RITA 100	RITA 101	
Departs Oro Bay 2PM	TUE 05/11	SUN 10/11	SAT 16/11	WED 27/11	
Arrives Morobe ** Midnight	N/A	N/A	N/A	WED 27/11	
Departs Morobe * 1AM	N/A	N/A	N/A	THU 28/11	
Arrives Lae 6AM ** 7AM	WED 06/11	MON 11/11	SUN 17/11	THU 28/11	
Departs Lae 9.00 AM	WED 06/11	MON 11/11	SUN 17/11	THU 28/11	
Arrives Buki 2PM	WED 06/11	MON 11/11	SUN 17/11	THU 28/11	
Departs Buki 3PM	WED 06/11	MON 11/11	SUN 17/11	THU 28/11	
Arrives Finsch 4PM	WED 06/11	MON 11/11	SUN 17/11	THU 28/11	
Departs Finsch 5.00 PM ##	WED 06/11	MON 11/11	SUN 17/11	THU 28/11	
Arrives Wasu Midnight ##	WED 06/11	MON 11/11	SUN 17/11	THU 28/11	
Departs Wasu 1.00 AM ##	THU 07/11	TUE 12/11	MON 18/11	FRI 29/11	
Arrives Madang 10.00 AM ##	THU 07/11	TUE 12/11	MON 18/11	FRI 29/11	
Departs Madang 5.00 PM	FRI 01/11	THU 07/11	TUE 12/11	SAT 23/11	FRI 29/11
Arrives Wewak 10.00 AM	SAT 02/11	FRI 08/11	WED 13/11	SUN 24/11	SAT 30/11

RON BILONG OL SIP LONG WEWAK I GO OLSEM LONG ORO

VESSEL VOY. NO.	M. EX 230	M. EX 231	RITA 099	RITA 100	RITA 101
Departs Wewak 12.00 Noon	SAT 02/11	FRI 08/11	WED 13/11	SUN 24/11	SAT 30/11
Arrives Madang 8.00 AM	SUN 03/11	SAT 09/11	THU 14/11	MON 25/11	SUN 01/12
Departs Madang 9.00 AM	SUN 03/11	SAT 09/11	THU 14/11	MON 25/11	SUN 01/12
Arrives Wasu 6.00 PM	SUN 03/11	SAT 09/11	THU 14/11	MON 25/11	SUN 01/12
Departs Wasu 7.00 PM	SUN 03/11	SAT 09/11	THU 14/11	MON 25/11	SUN 01/12
Arrives Finch 1.00 AM	MON 04/11	SUN 10/11	FRI 15/11	TUE 26/11	MON 02/12
Departs Finch 9.00 AM	MON 04/11	SUN 10/11	FRI 15/11	TUE 26/11	MON 02/12
Arrives Buki 10.00 AM	MON 04/11	SUN 10/11	FRI 15/11	TUE 26/11	MON 02/12
Departs Buki 11.00 AM	MON 04/11	SUN 10/11	FRI 15/11	TUE 26/11	MON 02/12
Arrives Lae 4.30 PM	MON 04/11	SUN 10/11	FRI 15/11	TUE 26/11	MON 02/12
Departs Lae 7.00 PM	MON 04/11	SAT (RITA) 09/11	FRI 15/11	TUE 26/11	MON 02/12
Arrives Morobe ** 1.00 AM	N/A	N/A	N/A	WED 27/11	N/A
Departs Morobe ** 2.00 AM	N/A	N/A	N/A	WED 27/11	N/A
Arrives Oro Bay 9 AM ** 11 AM	TUE 05/11	SUN 12/11	SAT 16/11	WED 27/11	TUE 03/12

AGENTS:
 Lae Luship 42 2066
 Madang Luship 82 2577
 Finschhafen Luship 44 7004
 Wewak Sepik Coastal 86 2643
 Oro Bay Century Shipping 29 7268

Wantok

Digitized version made available by



Copyright: Under copyright

Rights Holder: Word Publishing Company Limited

Use: This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

Constraints: This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

Note on digitized version: Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.